

大乘集菩薩學論卷第一

法稱菩薩造

集布施學品第一之一

我聞地獄大險怖 無窮猛苦鎮燒然  
 謂昔曾無寂靜心 故樂多聞親大法  
 聞已遠離諸罪惡 悔先所造盡無餘  
 我於善利未嘗獲 斯少分中幾減失  
 菩薩妙樂勝無盡 唯佛具證平等理  
 希有難思法寶中 願樂剎那聽我說  
 三有所來成就主 龍天八部諸眷屬  
 咸生渴仰起慈心 歡喜諦受安隱語  
 如來正法及佛子 善入佛戒所生身  
 我今集解大仙言 徧樂投誠恭敬禮  
 我於往昔無少解 無教無言非善巧  
 亦無利樂及舍生 唯自一心為法友  
 然我意樂清淨法 為令長養諸善根  
 如我等比觀斯文 於義未習應為說  
 論曰謂欲成就士夫義者於剎那項  
 具足難得若不思惟是安隱處此正  
 等行當云何有如華嚴經云善財於  
 勝熱婆羅門而作是念得人身難脫  
 諸難難得無難難剎那具足清淨難  
 值佛出世難諸根具足難聽聞佛法

難得遇善人難逢真實善知識難受  
 如理正教難得正命難

論曰此若干種正行知已若有大士  
 如是觀察我意於他脫諸苦怖不樂  
 已身斯何殊妙唯護尸羅盡有情界  
 拔諸苦本希妙樂行堅菩提因發堅  
 固意不壞信根如寶光明陀羅尼所  
 說偈云信順諸佛及佛法亦信佛子  
 所行道信於無上大菩提菩薩以斯  
 初發心信為先導功德母長養一切  
 勝善法斷除疑網竭愛源信能顯示  
 安忍行信無濁染令心淨弃除我慢  
 恭敬本信如淨手攝持因七聖法財  
 無上行信能一切歡喜捨由信喜故  
 入佛法是信出生智功德隨佛所說  
 皆通達信根光淨極鋒銳如寶永斷  
 煩惱本信力堅固無能壞唯一諦信  
 佛功德信於相應非相應剎那遠離  
 諸染著信能超出諸魔境顯示最上  
 解脫道信為不壞功德種謂能增長  
 菩提苗信為出生勝智門應現十方  
 諸覺者若常信重於佛寶非戒非學  
 皆遠離若能遠離非戒學是人深讚

佛功德若常信重於法寶則聞佛法  
 無厭足若聞佛法無厭足於法信解

不思議若常信重於僧寶則於淨眾  
 無懈退若於淨眾無懈退則於信力  
 無能動若於信力無能動則得諸根  
 淨明利若得諸根淨明利彼人遠離  
 諸惡友若人遠離諸惡友為善法友  
 之攝受若善法友攝受已則常脩習  
 廣大善若常脩習廣大善則得成辦  
 大因力若得成辦大因力彼人信解  
 最殊勝若得信解最殊勝即為諸佛  
 常護念若為諸佛常護念則能發起  
 菩提心若能發起菩提心於佛功德  
 勤脩習若佛功德勤脩習則得生在  
 如來家若得生在如來家於著無著  
 俱解脫於著無著解脫已則得深心  
 信清淨若得深心信清淨則得最上  
 最殊勝若得最上殊勝已常行深妙  
 波羅蜜若行深妙波羅蜜則能悟入  
 摩訶衍若能悟入摩訶衍則知如法  
 供養佛若知如法供養佛則得念佛  
 心無動若得念佛心無動則常觀佛  
 不思議若常觀佛不思議於佛無生

法華經疏卷第一

第四張

六

無所住若佛無生無所住則知是法  
永不滅

論曰是中初發信根功德廣大無量  
於摠聚中少略而說又諸有情異生  
生身等於如是法難生信解若深心  
清淨植福資糧是信因力得住十佛  
刹微塵數衆生劫受諸妙樂勝善福  
報於如是法當生信解如十法經所  
說偈云信為最勝乘運載成正覺是  
故信等事智者應親近若人無信根  
不生諸白法譬如焦穀種亦不生華  
莖又大善誘經云今時如來勸阿難  
言於信法中如其了知應當奉行  
論曰行是信者於刹那頃得信根堅固  
即菩提心堅固而能攝受一切福報  
如師子王所問經云今時星賀那太  
子白佛言世尊云何今諸衆生在所  
生處常得愛樂攝受諸法佛言欲解  
脫諸衆生者常生謙恭發菩提心是  
則名為常得愛樂攝受諸法又如華  
嚴經云善男子菩提心者猶如種子  
能生一切諸佛法故菩提心者猶如  
良田能長衆生白淨法故猶如大地

法華經疏卷第一

第五張

法華經疏卷第一

第六張

七

一切世間所依持故乃至菩提心者猶  
如慈父訓導守護諸菩薩故如毗沙  
門能斷一切貧窮苦故如摩尼珠成  
就一切諸義利故菩提心者猶如賢  
餅圓滿一切善希求故如獨鉗杵畢  
竟能摧煩惱寬故猶如正法能斷深  
心諸作意故猶如利劍能斷一切煩  
惱首故菩提心者猶如利斧能伐一  
切諸苦樹故猶如兵仗防禦一切極  
苦難故猶如鈎竿於輪迴海拔衆生  
故如大風輪能疾飄偃一切障礙雲  
霧草故菩提心者猶如藥林積集善  
薩諸行願故如佛塔廟一切世間天  
人阿脩羅等所尊重故善男子菩提  
心者成就如是無量殊勝功德  
論曰云何復知諸異生等發菩提心  
是中引聖言量非一經所明如維摩  
詰所說經云雖起身見如須彌山猶  
能發起大菩提心生佛法矣又寶篋  
經說此異生菩薩義云佛告文殊師  
利譬如迦陵頻伽鳥鷲未出外時已  
能作於美妙音聲文殊師利是菩薩  
亦復如是雖未斷我見不出三界處

無明報已能作於諸佛妙音所謂空  
無相無願解脫等音又隨說諸法經  
云今時勝慧菩薩於地龍中入涅槃  
時於大城邑而獲受生彼於空性信  
解作對治故又入定不定印經云佛告  
文殊師利云何名羊車行菩薩譬如  
有人欲過五佛刹微塵數世界是人  
乘彼羊車隨路而去過久遠世行百  
踰繕那遇大風輪以是緣故却退八  
万踰繕那後是人於彼世界乘是羊  
車乃至不可說不可說劫能越一世  
界不文殊師利言不也世尊佛言若  
大乘者發菩提心已不應受持讀誦  
聲聞乘教或與諸聲聞共住脩習於  
聲聞乘或自深心為他所教於如是  
乘乃至悟解得彼智慧以是緣故於  
無上道即便退失是菩薩於菩提心  
所得慧根慧眼彼悉破壞文殊師利  
我說是名羊車行菩薩  
論曰若菩薩愛樂大乘信解空性於  
信解行而獲圓滿此聖言量唯信解  
行菩薩見如是事如寶雲經說以無  
數摠持三摩地門神通遊戲解脫智

明無邊法聚平等超越一切愚夫行報乃至後際不為利養於俱胝劫世間所得受用資具心無貪著者亦不分別如蓮華敷具足莊嚴又於無量百千俱胝那由多劫安住大乘照了勝義福智資糧希無減失於其出離先所脩習百千相應行門皆悉具足論曰云何了義謂初發菩提心者說住此地不了義者少分標相得無疑惑此聖言量信解行法所生言義如中廣略了信解行復次如來秘密經云今時阿闍世王白佛言世尊彼菩提心當云何發佛言大王謂深心不退王言世尊云何深心不退佛言大王謂能發起大悲王言世尊云何能發大悲佛言大王謂於諸眾生不起厭捨之心王言世尊云何於諸眾生得無厭捨佛言大王謂若不著已樂得無厭捨論曰是中菩提心者謂勸發大悲歡喜彰愛義故若不依如來教中相應是人無有出離此菩提心見可呵厭如是不名發菩提心者如十法經云

善男子若諸菩薩體性發菩提心時得值如來及聲聞眾教化勸發阿耨多羅三藐三菩提心是名最初喜樂發菩提心相若聞說菩提及菩提心已即發阿耨多羅三藐三菩提心者是名第二喜樂發菩提心相若彼眾生無歸無救見是二種住大悲心乃至發阿耨多羅三藐三菩提心者是名第三喜樂發菩提心相若見如來眾相圓滿即生敬愛乃至是名第四發菩提心相

論曰菩提心者此有二種一者願菩提心二者住菩提心如華嚴經云善男子復有眾生於眾生界願證難得阿耨多羅三藐三菩提心復有眾生住是難得阿耨多羅三藐三菩提心論曰一者願證作佛一者願住受生又首楞嚴經說因於某甲佛所發菩提心云何復作少善根耶如賢劫經云昔星宿王如來於施音如來所初發菩提心時為牧牛人以躡步羅葉施彼佛故無量名稱如來於電光如來所初發菩提心時為織氈師以上

妙衣施彼佛故燄光如來於無量光如來所初發菩提心時住城邑中以草燈炬施彼佛故難勝如來於堅固步如來所初發菩提心時為採樵者以少齒木施彼佛故功德幢如來於妙吉祥稱如來所初發菩提心時為攻醫師以一菴摩羅果施彼佛故論曰此初發菩提心非滿足行此阿鞞事猶能解脫輪轉得無量樂如慈氏解脫經云善男子譬如有寶名曰金剛能斷一切貧窮苦故善男子此一切智心亦復如是能斷一切輪迴苦故

論曰唯此發菩提心者得近彼果應如是知又善諫經云佛言大王汝若謂多種作中能多種作者未若我一切行中行一切行一切處中利一切處謂學布施波羅蜜多如是乃至學般若波羅蜜多如是故汝於三藐三菩提亦復如是樂欲發生淨信意願利他行住坐卧若夢覺時若飲食時而常具足隨念作意觀察諸佛菩薩聲聞緣覺諸異生身等積集過去

菩薩學論卷第一 第十七章

未來現在一切善根稱量已和合已  
 應隨喜者而自現前隨喜乃至徧虛  
 空界徧迴盤界亦自隨喜又復隨喜  
 一切諸佛菩薩緣覺及聲聞眾供養  
 事業平等迴向一切眾生乃至令諸  
 眾生得一切智智皆圓滿諸佛善  
 法日日三時迴向阿耨多羅三藐三  
 菩提大王汝以如是正行得名王者  
 不捐寶位求菩提行亦獲圓滿說是  
 報者大王汝於彼時由發菩提心故  
 善報業報經無量數常生天上於諸  
 天中作天帝釋或生人間為人中王  
 大王唯一發菩提心善根力故餘無  
 別業應知圓滿或未圓滿以要言之  
 佛言大王唯一發菩提心者救度一  
 切眾生故解脫一切眾生故安隱一  
 切眾生故究竟令諸眾生至涅槃故  
 得生無量無數諸善根故大王復何  
 說是多種作中能多種作耶  
 論曰此菩提心行相者經說過現緣  
 起如是願菩提心說入何地菩薩得  
 戒有云九地虛空藏經云名聞利養  
 是諸罪本十地經云說初地中於彼

菩薩學論卷第一 第二十章

利養無有少分親近希求若諸眾生  
 來至我所一切所須倍多給與  
 論曰如其所言則極喜地菩薩得善  
 住不動相應復說生如來家決定趣  
 向成等正覺又虛空藏經說聲聞乘  
 而不能得如是唯除樂大乘者如最  
 上授所問經云是慳嫉法正說名縛  
 具表此學說極喜地遠離我想我執  
 不起云何復執一切所須如說施頭  
 目等  
 論曰如是等經入地已去正表此學  
 若徧論菩薩彼相應脩習中或復遮  
 止不應頓作菩薩未能學故應知此  
 二種徧諸學處又一種學於成就作  
 用不能學故雖不脩習亦無過失無  
 盡意經云行廣大布施時捨淨尸羅  
 不為懈怠以先未說亦不集行如力  
 親近故又十地經說設犯欲邪行戒  
 惑染輕微由樂菩提心故舍利子說  
 菩薩別解脫成就四法謂是菩薩  
 於脩習中得真實語舍利子若善男  
 子善女人發阿耨多羅三藐三菩提  
 心已志樂精進勤求善法習諸議論

菩薩學論卷第一 第二十一章

堅持禁戒於菩薩學具足脩習由親  
 近於他如是戒學或時違越輕毀師  
 尊極慚愧故起大怖懼彼復受用尊  
 重愛樂圍成如是平等戒法是菩薩  
 於諸佛如來現前戒學發生樂欲正  
 行應別授學彼或無有善知識者向  
 十方現在佛菩薩前專念作觀隨力  
 稱量已堅持是戒勿復欺誑十方一  
 切佛菩薩眾及彼世間諸天人等正  
 法念處經說先少思惟已後竟不施  
 墮餓鬼趣語已不施墮地獄趣況復  
 無上菩提具足許施無餘世間諸眾  
 生故如法集經云善男子菩薩應當  
 尊重寶諦何以故善男子以集寶諦  
 名為法集善男子云何名寶諦若菩  
 薩發阿耨多羅三藐三菩提心乃至  
 棄捨身命不捨是心不捨諸眾生故  
 是名菩薩寶諦若菩薩發阿耨多羅  
 三藐三菩提心已復於後時棄捨是  
 心及捨諸眾生者是菩薩為大妄語  
 實可呵厭又海意菩薩所問淨印法  
 門經云佛言海意譬如世間若王王  
 臣欲餉一切城邑人民集已棄捨若

飲若食不為辨設於諸人民則為虛  
詐而於飲食少不可得高聲呵責忿  
恚而出佛言海意是菩薩亦復如是  
於諸衆生未度者令度不應但修摠  
語利辯乃至而不勤修多聞積集諸  
善善提分法彼菩薩者則為虛誑諸  
天世人如先佛說是聖所呵厭於智  
大智無上勝智俱極難得是故當知  
菩薩不應但以語言虛誑一切天人  
世間復次海意或有人來勸請護法  
施作義利時彼菩薩隨言為說乃至  
弄捨已身修菩薩行不復虛誑一切  
衆生當如是知

大乘集菩薩學論卷第一

甲辰歲高麗國大藏都監奉

勅雕造

大乘集菩薩學論卷第一

校勘記

- 一 底本，麗藏本。
- 一 六一一頁上二行譯者，徑、清作「宋西天三藏銀青光祿大夫試光祿卿普明慈覺傳梵大師法護等奉詔譯」，下至卷第七同。
- 一 六一一頁下九行第一二字「得」，徑作「能」。
- 一 六一二頁上四行「異生」，南、徑、清作「異類」。
- 一 六一二頁中二行「慈父」，南作「嚴父」。
- 一 六一二頁中二二行「音聲」，徑作「聲音」。
- 一 六一三頁下八行末字「阿」，磧、南作「呵」；徑、清作「訶」。
- 一 六一五頁上三行「如是」，南、清作「知是」。

大乘集菩薩學論卷第二主法稱菩薩

要論底蘊集菩薩學論卷第二主法稱菩薩

集布施學品第一之二

論曰故知自力所集隨其行相於一善道亦應守護如地藏十輪經云如是十善業道佛所證果若不真實尋護一善業道乃至臨命終時而自稱言我是真實行大乘者我求阿耨多羅三藐三菩提者當知是人極虛詐是大妄語對十方界佛世尊前誑惑世間說空斷見誘誑愚癡身壞命終墮諸惡趣

論曰乃至臨命終時能須臾說集諸善品亦應脩作如藥師琉璃光經說若見大心眾生如聞菩薩難行苦行及妙勝智乃至入解發大勇猛荷負重擔揀護眾生盡諸苦本禮拜供養說罪及隨喜福勸請諸佛住世說法乃至迴向善提為善知識勸請說法或樂自說當知是名為示道者如文殊師利莊嚴佛剎功德經云世尊是妙吉祥往昔生時本行因緣發菩提心亦如是發如彼所說乃三最初遠

菩薩學論卷第二 第三張 主

離輪回邊際利益眾生行如是行我於尊所發菩提心現前勸請令諸世間脫貧窮報忿心恨心慳貪嫉妬我得菩提時悉不現起乃至常脩梵行脫諸罪欲於佛隨學清淨尸羅愛樂尊重於大菩提不疾取證我處後際於諸眾生一相無異時十方界未聞我名無量不思議刹土悉皆嚴淨由身語意業清淨故於諸所作悉亦清淨又一切時堅持淨戒盡生死際無諸過惡又阿閼如來本願授決經云彼阿閼如來往昔為菩薩時作如是說若我生生世世不出家者是則虛誑一切諸佛如來舍利子如是菩薩於阿閼如來亦應隨學又舍利子諸菩薩摩訶薩生生出家或諸如來出世或不出世畢竟捨家出家亦如是學所以者何舍利子若謂菩薩捨家出家是為最上乃至男女眷屬不生愛著如我生時無諸過失

論曰如上所說且止斯事若說施戒罪相同等及於罪相相應等事應自弃捨若別別行相亦非無罪於別行相然不攝故而菩薩於諸眾生所有未來一切苦惱令得解脫一切妙樂令其增長若身語意不勤精進方便純熟於緣合集不樂勸化或散滅處亦不尋求多分煩惱少分煩惱不起對治於大義利及少義利或非義利不生損益利解俱捨此說是罪略說無罪謂自力能於境界事都無果報或執如是於學表相體性是罪若自力能境界相應罪處無有同說罪等於相解脫是菩薩學於平等身廣大無量劫後際說復次略說菩薩此二種罪如其成辦相應非相應可作不可作都無揀擇捨故是罪謂言畢竟超出尋伺如旃陀羅奴等謬解義故是罪彼復云何深心教誡經說如慈氏因中四種辯才即諸佛語何等為四一者擇有義利揀非義利二者擇此正法揀彼非法三者破遣煩惱非增長煩惱四者樂見涅槃功德不樂見輪回功德是名四種以要言之若今云何慈氏因中說是四種辯才謂信善男子善女人生諸佛想作議論

想聞善法故所以者何謂若慈氏有諸善說即諸佛語故若於此慈氏辯才而生誹謗非諸佛語起不尊重是惡人輩即是誹謗諸佛所說辯才由毀滅善法招罪業報隨諸惡趣

論曰復次修習善巧發起愛樂此行門中集學最勝作用應當修學希大果故如寂靜決定神變經云復次文殊師利若菩薩於苑伽沙數等諸佛是諸佛所有苑伽沙數佛刹復於如是苑伽沙數劫以自在王摩尼寶滿中持用布施若諸菩薩於如是法相聞已一心思惟我當修學文殊師利比前無學所有福報未若施此樂欲學地菩薩其福甚多

論曰是菩薩雖見此功德未言如其修習等復如彼說文殊師利假使教化三千大千世界微塵等衆生一一衆生得聞淨王若以諸音聲讚歎受持讀誦如說修行大乘經者於一日夜斷割身肉指爪乃至命終一心奉行文殊師利緣是菩薩布施心無怯弱不驚不怖不畏畢竟一心發親近

想無悔無疑亦無分別於此最上正法攝受相應意樂讀誦如說修行文殊師利是菩薩心勇猛故則布施勇猛持戒勇猛精進勇猛禪定勇猛智慧勇猛一切三摩地勇猛文殊師利是菩薩設使於惡人輩亦復不生瞋心厭心及餘過失文殊師利是菩薩如釋梵王等無所動

論曰今正是時當一心學希大果報月燈三昧經所說偈云若於河沙多億劫供養百億那由佛清淨信心施餽饌亦施燈燭及幡蓋若於正法衰末世如是佛法欲滅時於一日夜學是行比前福報勝於彼

論曰是故一心勤修如佛經中所說菩薩學義如寶雲經說善男子菩薩於菩薩學堅持淨戒如是尋伺若不於菩薩別解脫戒中我云何能得成證阿耨多羅三藐三菩提耶又何不於如來大乘諸經法中所詮菩薩行所集菩薩學我當如是廣大修習論曰我等無知於此廣說菩薩制止容起惡覺何非此理於脩習處了無

過失云何脩習處謂若於身所有三世受用行清淨捨護諸衆生令淨增長受是菩薩戒已若此菩薩住修習處說是罪相如菩薩別解脫經云於菩薩道攝受一切衆生令盡苦趣彼菩薩道攝受安住過俱惡劫唯一發起安隱之心及親近心菩薩發是心者應知於諸衆生一向攝受多種住處如文殊清淨律云時文殊師利語寂音天子言菩薩具足此五無間速得阿耨多羅三藐三菩提果何等為

五菩薩深固作意求無上道發心不墮聲聞緣覺之地是初無間發心自捨一切所有於慳吝心而不共住是二無間我應救度一切衆生於中不起懈退之心是三無間了一切法非空非有無生無滅於中不墮諸見是四無間於諸法智和合一相如是發心中無所住由無所住於一切智悉無所得是五無間

論曰謂身所受用福報不斷者於捨護事令淨增長如瑜伽觀想中說彼所捨義攝受過失觀想門中起離貪

菩薩學論卷第二 第七張 主

想觀捨功德故如月燈三昧經所說得云如是不堅身愚者心所樂何常壽命中剎那如幻夢造諸惡業故罪報常隨逐由是無明因死多墮惡道又如無量門陀羅尼經說云何衆生得闕諍因謂計執財利而為根本應當棄捨若離貪愛即得是陀羅尼又菩薩別解脫經云復次舍利子菩薩於一切法極微細分不生他想所以者何佈取著故最上授所問經云謂若布施者無諸慳慳執著者而常守護又布施者為盡貪愛執著者增長貪愛布施者無諸徧計執著者有諸徧計布施者無有恐怖執著者彼多恐怖布施者住菩提道執著者住魔境界布施者作無盡想執著者作有盡想又布施者得諸妙樂執著者而常逼迫布施者捨離煩惱執著者增長煩惱又布施者得大富饒執著者得大貧乏布施者善人事業執著者惡人情計布施者諸佛稱讚執著者愚夫稱讚乃至布施者自所生子不起樂著非如於餘衆生起憐愍故應知

菩薩學論卷第二 第八張 主

自心說有三種何等為三一者菩薩於菩提道正等相應非邪謬相應二者菩薩於菩提道起平等心非高下心三者菩薩於菩提道無種種行非有種種行是名三種自心所說論曰謂於自所生子起非善友想既非善友故非我友若為利益隨佛教勸學負重擔故於自所生子不生樂著非如於餘衆生起憐愍故應知發是心已如於我子發生慈愛則我於一切衆生亦復隨順發生慈愛如是深心觀察悟解我子既無異於一切衆生則一切衆生皆是我子所有衆生若自若他乃至居士在家菩薩於其財利或非攝受衆生勿應耽著非出離法又復不應愛樂隨順染欲復次在家菩薩或有行未乞巧隨何所須發勇悍心而為給與又作是念我此財利若捨不捨畢竟散滅云何於捨受時而得無欲謂我所得畢竟忍於所捨物離胎藏苦心住正念歡喜愛樂不生隨轉復次如是能捨謂於所捨物及乞丐者應知有四種想

菩薩學論卷第二 第九張 主

何等為四謂怯弱故不能純熟善根先所造業於大乘中心不自在見取捨故又若我及我所住安忍力自與善人不起悔惱如是修作如是踴躍如是精進圓滿一切衆生所希求故如是在家菩薩於彼乞丐者應作是想或乞丐者返增過失是菩薩應當善言慰諭又乞丐者而不知恩是菩薩亦復不起慳嫉是為無罪此世尊為下種諸菩薩如菩薩別解脫中說舍利子菩薩無有四法何等為四一者菩薩無不信心二者菩薩無有慳貪三者菩薩無有兩舌嫉妬四者菩薩無懈怠心謂言我不能成證阿耨多羅三藐三菩提果舍利子若我有是四法彼有智者於此了知便謂邪命諂求非法染法重世財利是為第一偷食信施復次舍利子菩薩如是心勇猛故乃至頭目手足身體支分男女眷屬心所受樂極妙樂事舍宅國邑一切所有悉能棄捨又如那羅延所問經云若於財寶發是捨心應知財利不生取著然捨未起智故若

於攝受不起捨心則於非攝受亦常執著若隨乞丐者意於攝受發生智故則於眷屬亦無取著最上崇貴亦無取著受用珍寶亦無取著而菩薩若於財利不起捨心乃至極微細分應知取著復次善男子而菩薩摩訶薩應當發如是心謂我此身分於諸衆生尚能棄捨何況所有外財資具又若於衆生所如其所須悉能施與謂有來乞巧須手以手須足以足須眼以眼乃至脂髓血肉及餘身分隨各施與云何復名外財資具謂若庫藏孳生之物金銀珍寶勝妙莊嚴象馬車乘國土宮殿城邑聚落吏民僮僕作業士夫男女眷屬若諸衆生於所有事彼彼衆生如其所有我當給與不生悔惱亦無退屈不希果報及餘諂詐復次我此施者隨順一切衆生故悲愍一切衆生故饒益一切衆生故攝受一切衆生故如我攝受衆生知如是法得菩提故以要言之善男子譬如藥樹根莖枝葉花果皮核若全若分隨其取者不生分別又

復脫諸衆生病苦難時亦不分別上中下性善男子是菩薩摩訶薩亦復如是應知於四大種身生藥樹想於彼衆生可作饒益須手以手須足以足隨其取者如前藥樹不生分別  
大乘集菩薩學論卷第二

甲辰歲高麗國大藏都監奉勅彫造

校勘記

- 一 底本，麗藏本。
- 一 六一六頁上一行「法稱菩薩造」，  
[碩、南無]。
- 一 六一六頁上末行第五字「發」，  
[南、徑、清作「法」]。
- 一 六一六頁中一行「授決經」，  
[南、徑、清作「授記經」]。
- 一 六一六頁中一二行「往昔」，  
[南、徑、清作「昔者」]。
- 一 六一七頁上五行「毀滅」，  
[碩、南、徑、清作「毀滅」]。
- 一 六一七頁下一六行「懈退」，  
[徑作「漸退」]。
- 一 六一八頁中二行「邪謬」，  
[清作「邪緣」]。
- 一 六一九頁上一七行「悔惱」，  
[南、徑、清作「煩惱」]。

大乘集菩薩學子論卷第三 主

集布施學子品第一之三

要修集菩薩學子論卷第三 第二張 主 六五

如聖所說無盡意經云菩薩當觀自身於諸衆生應何所作謂四大種地水火風有種種門種種所作種種繫屬種種器具種種受用隨衆生行或全或分然我此身四大所集亦復如是

論曰捨受用福如金剛幢經云菩薩以種種布施十方無量貧窮困苦受施之者信菩薩行聞菩薩聲緣菩薩語悉以來集然菩薩布施先發誓願由聞菩薩心所願言一切捨施意喜無厭令乞丐者遂心滿足隨其來者發心懺謝如彼偈云我應詣彼施汝知不可得諸從遠方來得無疲勞耶如是於乞丐者頭頂禮敬懺謝慰喻澡浴身穢為設敷具如其所須一切給與所謂或末尾車閻浮提中柔善女寶

衆具圓滿或施金車侍衛僕從清淨

菩薩學論卷第三 第二張 主 六五

女寶衆具圓滿吹琉璃車最上可愛歌詠音樂如前圓滿玻璃毗迦車於四方面現四寶女執妙莊嚴色相無比亦復圓滿如前所說末尾車者垂諸寶網彌覆其上駕以白象及御象者無量嚴飾其寶輪相與車相稱又於其上置諸妙寶師子之座乃至設衆寶蓋徧覆其上莊嚴寶帳周匝圍繞於四方面植妙幢幡燒種種香諸妙堅香以為塗拭散諸妙花徧覆莊嚴又於其上百千妓女寶繩交絡彼善御者

正等和合行無錯亂乃至以諸糝香變異和合雖聞此香意樂第一令彼男女性行調適復如彼說為諸衆生當捨已身承事諸佛之所攝受或捨轉輪王位國城宮殿一切勝莊嚴具如其乞者捨諸眷屬男女妻妾舍宅人民乃至或舍或分一切捨施如是飲食滋味而菩薩具捨種種淨妙飲膳苦粹醎淡種種上味遍滋大種柔滑光澤調適身心安住色力乃至諸所至處愈諸疾病悉令安樂如是燈明糝香塗

香華嚴衣服床敷几案房舍卧具病

菩薩學論卷第三 第二張 主 六五

緣醫藥而菩薩隨其給與乃至種種廣大器具謂無量無數金銀銅鉢滿中珍寶供佛世尊起不思議尊重信解等心或施菩薩善知識等發希有心或施住佛教者一切聖衆聲聞緣覺補特伽羅發清淨心或施父母諸阿闍梨及餘師尊發起尊重親近承事求學等心或施歎乏困苦之者於諸衆生作無礙眼發慈愍心以要言之若菩薩樂施象乘七支安住高六

十尺六牙具足面目清淨如蓮華色金繩交絡莊嚴身相種種雜寶妙間飾其鼻舉擲金色殊妙行于踰繕那觀者無厭若施馬乘隨行四方其步平正身得安隱控御僕從飲食具足如天莊嚴施百千等或施尊重諸善知識父母師長乃至歎乏困苦一切世間可受施者心無憐惜亦無執著大悲大捨是菩薩深心清淨發生如是無量功德乃至菩薩或施床座謂賢王座及吹琉璃承足寶几安師子床金繩寶網處處垂下柔軟茵褥

無量嚴飾薰諸妙香大摩尼寶蓮妙高幢無量百千俱胝那踰多寶而用莊嚴垂諸寶網一網孔懸眾寶鈴香風搖擊出和悅聲或施大座仰目高視無數行列蓋諸大地一切國王大自在主坐已灌頂及於是座得無礙輪教令諸小王等隨教奉行如是乃至菩薩施大寶蓋亦以大寶而莊校之寶蓋寶鈴寶繩寶網垂過耳頸又於周遍吠琉璃寶赤足珠等結妙纓珞又諸網中如難祇天出妙音響清淨和雅莊嚴寶炸其數百千如集寶藏又於周遍燒無價香旃檀沉水百千俱胝那由他堅妙諸香復有清淨寶蓋如閻浮檀金光聚亦以無量百千俱胝那度多莊校嚴飾以如是無數百千俱胝那度多蓋以心布施諸來乞者住於人前隨其給與或施真實諸佛滅後莊嚴塔廟或施求法菩薩諸善知識及現生菩薩法師若父母僧寶奉諸佛教乃至一切可受施者皆以如是善根回向如其最初諸有善時皆當親近發如是願說此善根於

諸世間得常依住於清淨法得正自在若諸眾生以此善根地獄罪報皆得除滅畜生琰摩羅界息諸苦聚彼以如是善根回向我於善根亦復如是居房舍時願諸眾生滅諸苦聚遇拯救時願諸眾生脫諸煩惱依怙時願諸眾生離諸怖畏若行去時願諸眾生至一切地若對向時願諸眾生得畢竟忍見光明時願諸眾生得無暗惠觀電光時願諸眾生破無明暗得燈炬時願諸眾生畢竟淨住遇勇健時願諸眾生於不思議法深入正理遇勇將時願諸眾生而得無礙智蘊乃至言無虛飾深固意向一境心回向歡喜心回向極喜心回向柔軟心回向大慈心回向愛樂心回向攝受心回向守護心回向安隱心回向以如是回向又我此善根願諸眾生得淨所趣成就得淨所生成就淨福相嚴身成就得無損壞成就得廣大施成就得久遠心成就得無失念成就得通達惠解成就得無量覺悟成就得身業意業一切功德莊嚴圓滿

成就又以無量善根與諸眾生供養諸佛由供養已得無損滅於佛世尊懺諸罪惡親近如來應供正等正覺聞所說法聞已離諸疑惑如聞受持而得相續具足正行由供養如來故得成事業心勤修習無諸罪惡又我植此善本畢竟離諸貧窮於七聖財而得圓滿隨諸佛學得勝善根普能成就廣大信解入一切智智於諸世間作無礙眼具相嚴身清淨攝受一切功德莊嚴語故成就諸根十力繫心分別之所積集於遊止行無不圓滿又諸如來成妙樂處願諸眾生亦復皆得如六十回向儀軌中說願諸眾生獲得智食不應食者心遍了知決定不揀擇食樂不肉食乃至不生愛欲願諸眾生如雲降雨得法一味願諸眾生得諸上味於最上法樂止息充滿一切佛法極善思惟不生執相謂不壞乘最上乘最勝乘速疾乘大力乘等願諸眾生樂觀諸佛得無厭足願諸眾生見善知識得無間斷願諸眾生見無量藥願諸眾生息除煩惱願諸眾生觀淨日

菩薩學論卷第三 第七段 主

輪願諸眾生破黑暗已隨樂為說如是身相照了自性願諸眾生觀勝光明不見惱害唯見適悅賢善愛樂希望極喜詣諸佛所願諸眾生具足戒香於菩薩波羅蜜多戒而不毀禁願諸眾生薰修布施徧捨一切願諸眾生薰修忍辱得心不動願諸眾生薰修精進被大精進鎧願諸眾生薰修靜慮依現在佛前得三摩地願諸眾生薰修菩薩回向願諸眾生薰修一切白法解脫諸不善法願諸眾生獲天資具願諸眾生起大智行獲聖資具願諸眾生以菩提心薰諸眾生得妙樂具願諸眾生離諸輪回行苦獲安隱資具願諸眾生得住淨佛國土證諸法觸謂功德住相應住廣大不動最上諸佛住願諸眾生得近佛遊止願諸眾生得無礙光能以光照諸法界願諸眾生得安樂身獲如來身願諸眾生猶如藥王畢音能別方論願諸眾生猶如藥樹得無損害願諸眾生如世良醫滅除疾病得一切智至安樂處

菩薩學論卷第三 第八段 主

願諸眾生為世良藥如其深心攝節和合願諸眾生除諸病惱願諸眾生得大勢力身願諸眾生得碎諸輪圍山力願諸眾生得無限量器盡虛空界廣大念根世出世間一切所說普攝印持得無忘念願諸眾生得善淨器了悟三世諸佛分別清淨無堅執著願諸眾生所欲至向得一切處行佛地上願諸眾生於餘一切眾生得心無損害願諸眾生一刹那心緣諸法界及諸一切世界無疲無倦由無厭倦得身通輪願諸眾生得妙樂行同諸菩薩行詣道場願諸眾生於善知識及無量善根得心無捨離知恩報恩隨所守護願諸眾生與善知識同一利樂願諸眾生深心歡喜惟善攝受與善知識安樂共住隨修福行願諸眾生於善知識所有善根清淨業報同一大願願諸眾生住大乘行永離憂暗於一切智得無窮盡願諸眾生深覆善根為諸如來之所守護願諸眾生覆護智德解脫世間一切惑染願諸眾生具足白法不起散亂於佛法中得

菩薩學論卷第三 第九段 主

不壞行願諸眾生張十方蓋覆蔭一切願諸眾生得大深心畢音覺了願諸眾生踞師子座得佛神通於諸世間如是觀察又虛空藏經云我所積集善根法智善巧無不與諸眾生而為依住  
論曰捨過未受用如無盡意經云若善心心所法念念回向菩提是為善巧若未來善根決定菩提現前於諸事業所起善心皆用回向阿耨多羅三藐三菩提  
論曰如是心心所法修習信解圓滿一切捨施又心所行及身方便捨諸攝受此言攝受者即是解脫三有苦本是中於無量阿僧祇劫種種所造應招世出世間無量富樂於身自然如意受用我應以財利鉤扶諸眾生置彼岸處處菩薩於菩提道布施餘如寶雲經說  
護持正法戒品第二之二  
論曰是人於身雖捨復何名護謂若以自受用施諸眾生云何受用何等名施若無受用亦無守護是故護自

身者應以受用利益眾生菩薩別解  
脫經云舍利子應知護他者即是護  
身舍利子如是行相若菩薩成就護  
他設遇喪命因緣我於是業悉不應  
作又無畏授所問經云復如大車負極  
重等唯諸智者於法覺了無盡意經  
亦作是說為護諸眾生者設身有苦  
不生疲厭況捨善知識耶故華嚴經  
云善男子菩薩由善知識任持不墮  
惡趣由善知識具足超越菩薩學處  
由善知識教導而得出離世間由善知  
識而得親近菩薩無忘失行由善知  
識而得攝受菩薩一切希有行故由善知  
識依正覺道除業惑障出生死城至清  
淨處善男子是故親近承事善知識  
者應如是作意謂心如地荷負一切無  
疲倦故心如金剛志願不可壞故心如  
輪圍山設遇諸苦無傾動故心如僕使  
隨諸作務不厭賤故心如傭人洗滌塵  
穢離惰慢故心如大車運重致遠不傾  
壞故心如良馬不暴惡故心如舡筏往  
來不倦故心如孝子於諸親友承順  
顏色故又善男子應於自身起病苦

想於善知識起醫王想隨所教令作良  
藥想所修正行作除病想又善男子  
應於自身作怖畏想於善知識作勇  
健想隨所教令作器仗想所修正行  
作破怨想復次解脫觀優婆塞言善  
男子菩薩於善知識隨所教令應思  
供養諸佛世尊菩薩於善知識言無  
違逆得近一切智故於善知識言無疑  
惑得近諸善知識不離作意得諸現  
在利益又如善財詣堅固幢比丘所  
頭面禮足右繞百千匝却住一面時堅  
固幢比丘觀察禮敬更復諦觀亦復  
禮敬如是思惟遍觀察已謂言從何  
所來作是相者於現前功德利益求  
念堅固無量行願不捨是意希冀見  
相及音聲取乃至作禮而去如其語  
善知識見一切智涕淚悲泣至海雲比  
丘所作禮而去又菩薩別解脫經云舍  
利子菩薩樂善法欲世間珍寶無不  
棄捨以身承事無不恭敬供給走使  
及餘語業無不勇捍於和尚阿闍梨  
極生尊重乃至所以者何為斷繫縛  
求如是法為斷生老病死憂悲苦惱

求如是法發心如寶除諸眾生貧窮  
困苦求如是法發心如藥安樂一切眾  
生求如是法最上授所問經云復次長  
者或於菩薩所聞一四句偈受持讀誦  
為他人說及積集菩薩布施持戒忍  
辱精進禪定智惠相應之行彼於阿闍  
梨法應生尊重乃至以名句文說偈讚  
歎若一切中於阿闍梨親近承事常行  
正直一切財利受用供養長者於阿闍  
梨尊重尚未圓滿  
論曰云何於法尊重八千頌般若波羅  
蜜多經云善男子汝於善知識應起  
尊重愛樂亦時常憐菩薩摩訶薩如  
是行相尊重作意次詣一城入是中已  
我為供養法上菩薩摩訶薩故當自  
賣身隨取其直然我於長夜中為欲  
因緣受生死身流轉諸趣無量無邊  
未嘗為法及利眾生時常憐菩薩高聲  
唱言從其聽聞誰買此人誰買此人以  
要言之時魔波旬即彼座起令諸迦羅  
門長者等不聞其聲欲自賣身了不  
可得彼一詣已皆無聞者即自悲泣唱  
言恠哉於其財利斯何難得如是我自

善學論卷第三 第五段 主  
 賣身尚不可得時有天主名燦迦羅作  
 梵志身乃至白常憐菩薩言善男子  
 汝何住此悲泣憂惱常憐菩薩自言  
 梵志我今樂善法欲為供養法當自  
 賣身竟無買者今時林凡志語常憐菩  
 薩言我不須人無所施作要當入身心  
 血骨髓乃至於此賣不時常憐菩薩  
 自念獲大善利我今圓滿定知般若  
 波羅蜜多方便善巧我身尚賣何得  
 怪惜心血骨髓發踴躍心善分別心  
 極歡喜心白梵志言是身隨意乃至  
 常憐菩薩右執利刃刺臂出血去臂  
 肉已破骨而往是時有長者女處高樓  
 閣遙見是事乃至詣彼謂常憐菩薩  
 言汝何如是於身苦楚乃至童女聞  
 供養已復語善男子彼有何等功德  
 善利白言童女彼菩薩者為我善說  
 般若波羅蜜多方便善巧得如是學  
 如是學者為諸衆生作所歸趣以要  
 言之復次童女語常憐菩薩言善男  
 子於阿闍梨為求如是廣大法者如  
 是於二法義於殘伽沙數劫當捨是  
 身為求如是廣大法故善男子我今

善學論卷第三 第五段 主  
 具有金銀末尼珠寶吹琉璃等乃至  
 汝於法上菩薩廣作善利時童女與  
 五百眷屬俱詣法上菩薩所令時法上  
 菩薩摩訶薩即從坐起詣已住舍於七  
 歲中如是入妙三摩地常憐菩薩亦七  
 歲中不起欲尋不起謗尋不起害尋  
 不著滋味但念法上菩薩當於何時出  
 三摩地如是詣法座前於此說法盡地方  
 所散種種花諸妙珍寶時長者女與現  
 前五百眷屬於常憐菩薩威儀進止  
 亦如是學時虛空天響報常憐菩薩  
 言是法上菩薩後當七日出三摩地詣  
 彼城中隨宜說法今時常憐菩薩聞  
 是聲已生極喜樂及適悅意掃地嚴  
 淨時長者女與五百眷屬於法座前  
 以智善巧七寶間飾復次常憐菩薩  
 於地方所嚴持掃灑周遍求水了不  
 可得而於是處有魔波旬名曰飲漿  
 隱蔽諸水為令菩薩心生苦惱退失  
 道意增不善本時常憐菩薩知魔  
 蔽已我應刺身出血洒地所以者何是  
 地方所多塵土界於法上菩薩身或全  
 污我今為法設破已身斯何怪惜又

善學論卷第三 第十五段 主  
 我往昔為欲因緣往復無際輪回生  
 死不曾為法捨自身命作是念已即  
 執利刃刺身出血遍洒其地諸女眷屬  
 亦如是學時魔波旬皆不得便故大  
 乘四法經云佛告諸比丘菩薩盡其形  
 壽乃至或遇喪命因緣畢竟不得  
 捨善知識

大乘集菩薩學論卷第三

甲辰歲高麗國大藏都監奉

勅彫造

大乘集菩薩學論卷第三

校勘記

- 一 底本，麗藏本。
- 一 六二〇頁上一行與二行之間，徑、清有「法稱菩薩造」，以下各卷同。
- 一 六二〇頁中五行第一三字「垂」，磧、南、徑、清作「乘」。
- 一 六二二頁上一七行第一三字「止」，徑、清作「上」。
- 一 六二二頁中一九行「憂暗」，磧、南、徑、清作「幽暗」。
- 一 六二四頁上一三行第六字「往」，磧、南、徑、清作「住」。
- 一 六二四頁上二二行「二法義」，磧、南、徑、清作「一一法義」。

大乘集菩薩學論卷第四

三

西晉竺佛朔譯 後漢支婁迦讖譯 唐玄奘譯 宋法苑珠林卷一百一十五 護持正法品

護持正法戒品第二之二

論曰於是經典不捨諸善知識如護己身於是經典一刹那頃樂菩薩學於是經典集菩薩行於菩薩學應擇彼言是故伺察不墮是罪於無智處亦不愛樂見是經典常樂尊重見是經者不捨諸善知識為說護持一切正法如海意經云然善男子不可說者謂以文字語言於無生法中而不可說若以文字語言詮總持門乃有其說此即名為護持正法又善男子有說法師於如是等甚深經海如說修行者若人於此法師親近恭敬尊重承事密為護持飲食衣服坐卧之具病緣醫藥種種供施護諸善品及護語言設有誹謗亦為覆藏此即名為護持正法乃至善男子於他無諍可勝無法可說是人與法俱無有執此即名為護持正法又善男子於諸眾生解脫慧中不生損減不以財利之心為他法施此即名為護持正法又善男子或因聽

菩薩學論卷第四 第二張

法或因說法乃至行於一步一出入息間而專住者此即名為護持正法以要言之又善男子若於色心境界之中無諸攀緣唯一境性調伏止息此即名為護持正法又乃至善男子若謂是法於法可轉是法無所取著此即名為護持正法

論曰彼說法師雖說親近善知識及不捨善知識相若不護持正法是不守護是不清淨是不增長即非菩薩決定於如是事護持正法師子吼勝變經云佛言菩薩所有殊伽沙數無量行願皆應涉入一大願中所謂護持正法護持正法者是大境界彼經復說譬如有力士少觸身分為彼損害佛言勝鬘少護正法亦復如是令魔波旬得大憂惱我不見餘一善法能令惡魔生此憂惱如是唯少護持正法之者又云譬如須彌山王端正殊特於諸黑山最為高大佛告勝鬘如是大乘捨身命財以攝取心護持正法勝餘住大乘者不捨身命財所獲一切善法故如海意經偈云護持如來

菩薩學論卷第四 第三張

正法者即為勝尊所攝受諸天龍王緊那羅福德智慧皆能攝乃至護持如來正法者所生刹土不空過一切生中見勝尊見已即得心清淨護持如來正法者而得宿命大我法出家善利數能成所修真實清淨行又云護持如來正法者得大總持及善利正使百劫非聽聞由具辯才悉無礙護持如來正法者乃至釋梵護世等人中復得轉輪王悉悟菩提安隱樂護持如來正法者具三十二殊妙相大智莊嚴喜樂身隨所見者無厭足護持如來正法者而不捨離菩提心波羅蜜行不棄捐普能攝受多種善護法師品第三

論曰守護方便說有三種謂護身語得離諸難護持正法行者思惟守護不令他人之所損害離此難事如虛空藏經護持正法諸菩薩等同說偈言最上兩足尊於此滅度後咸生勇猛心不自惜身命護持佛正法棄捨於利養及離諸眷屬為證佛智故不捨是正法若毀恨罵辱乃至加惡言

護持正法故我等皆當忍或戲調輕蔑  
誹謗不稱讚護持正法故一切皆當忍又  
總略云為末法眾生我當持正法如世惡  
比丘有大增上力於諸妙經典不聽亦不  
讀唯自師已見執異互相非又於甚深  
教皆順解脫果如是正法中心不樂分  
別乃至以慈念眾生或不住是法為起  
悲愍心得持是經故若見毀戒人貪著  
於利養我當憐愍心方便令棄捨若見  
惡心者毀謗於正法我以慈忍心正見令  
歡喜如力護彼人善成於語業或復不  
與言彼當自安住後以四攝事成熱如  
是人於罪惡行中教導令開悟或能捨  
憤鬧寂住善境界如自在鹿王少欲及  
知足乃至偈云若入於聚落調柔心正  
直諸有求法者為說深妙法令遠住  
空閑樂寂靜法欲由斯善利中而常獲  
法樂若諸迷謬者數數現其前安住法  
樂中應當自觀察我為道世師不染  
世間法而於毀讚中若須彌不動破戒  
諸比丘設來增毀謗應自忍是事慎勿  
加於彼又此諸法中我說無所有於斯  
正法行不生冤報想假我沙門相實無

沙門德聞此嗚隨南於經亦毀謗或截  
於耳鼻及不喜樂見聞此嗚陀南正  
法悉誹謗未來諸比丘護持正法者為  
其作留難不令聞是法或為王所執  
謫罰於大眾我願承佛威普皆聞是  
法當來惡世時寧喪於身命護持正  
法故作眾生利益妙法蓮華經亦作  
是說應入行處及親近處常離國王  
及國王子大臣官長兇險戲者及旃  
陀羅外道梵志亦不親近增上慢人貪  
著小乘三藏學者破戒比丘名字羅漢  
及比丘尼好戲笑者諸優婆塞比丘勿  
親近若是人等以好心來到菩薩所為  
聞佛道菩薩則以無所畏心不懷希望  
而為說法寡女處女及諸不男皆勿親  
近以為親厚及至販肉自活街賣女色  
如是之人皆勿親近兇險相撲種種嬉  
戲諸婬女等盡勿親近莫獨屏處為  
女說法若說法時無得戲笑  
論曰復說是難所謂魔事般若經云謂  
魔波旬於未久住菩薩乘者修習此  
般若波羅蜜多時起大勢力又云復  
次阿難陀若菩薩摩訶薩修習此般

若波羅蜜多時有惡魔來於菩薩所  
生婬亂意現怖畏事化雷電火燒十  
方界欲令菩薩驚怯毛豎於一念中  
退失阿耨多羅三藐三菩提心復次教  
人書寫乃至讀誦是人樂棄捨利  
養從座而去如是狂亂作大戲笑復  
次書寫乃至讀誦起諸魔事謂尋末  
城邑聚落和尚阿闍梨父母知識營  
從親黨如是作意又復思念賊難衣  
服財物復次有說法師樂欲如是甚  
深般若波羅蜜多書寫乃至讀誦彼  
聞法者或生厭怠於法師所如是顛  
倒樂往他處聽餘經法又說法師樂欲  
大器彼聞法者希望少分或說法師唯  
樂略說彼聞法者更希荷負如是一  
切說為魔事又虛空藏經云乃至樂行  
十不善業捨於善法如是一切悉為  
魔事海意經云世尊復次菩薩住阿  
蘭若樂處閑寂以為止足雖離俗出家  
少欲知足然妙樂行不求多聞亦不化  
度眾生於講法處不樂聽聞是中隨  
宜所說諸決定義應當親近不生諮  
問於少善行亦不希求然住空閑多

菩薩學論卷第四 第七段 善

樂憤開集煩惱行如彈指頃即從座起不自知覺不修違害壞道觀門不行自利利他世尊是名菩薩住阿蘭若第七魔事以要言之世尊復次菩薩有惡知識親近承事與善知識體相無異乃至斷四攝事斷修福業斷護持正法唯修狹惠少欲知足教招為說聲聞緣覺者時菩薩離大乘行於此菩薩營務定可作者故樂稱量唯修狹惠如有處說菩薩於菩提道勇猛精進暫無懈怠或八九劫當得阿耨多羅三藐三菩提然不能得是菩提果世尊是菩薩勇猛精進於此住著決定無有唯處閑靜得此果故世尊是名菩薩於善知識體相第十魔事若人於此菩薩乘為魔鈎所制緣佗法行共樂修習如其隨轉親近下劣之所修作趣下劣行所謂昏迷所向無知猶如啞羊乃至是名第十一魔事

若身若心皆無懈倦是名菩薩畢竟精進云何於此精進得生懈倦或非時分修極重事遠生怯弱尚未成熟信解難行苦行便謂施自身肉肉何得非時持此受用施諸眾生由是菩薩於諸眾生而生懈倦即時損棄積集大果菩提心種子又虛空藏經云非時固求為魔事謂非時於身忽起如是捨心如先不修習亦勿少施住是念者以癡自害違純熟菩提心等是故捨自身肉等事應善守護如善現藥樹受用根種於非時施應善守護此正覺藥樹亦復如是

論曰於魔事平等是難如寶雲經說佛告善男子云何離諸魔事得不壞善謂此菩薩一切時應先遠離諸惡知識亦不對類詣彼方所論世俗語親近利養供養恭敬如是多種一切時處悉皆遠離又若微細煩惱能障菩提道者一切時處亦皆遠離善知如是所對治故彼經復說惡知識相謂毀正戒者此惡知識應當遠離如是毀正見正行正命之者悉皆遠離樂憤

菩薩學論卷第四 第九段 善

開者多懈怠者著生死者背菩提門者樂居家眷屬者應當遠離如是諸惡知識善男子雖樂遠離此惡知識然不於彼發起惡心及損害意應如是住心又世尊言處眾生界破遣合集是故我應遠離此故

論曰夫菩提心是難故寶積經云復次迦葉菩薩成就四法失菩提心何等為四一者謂於阿闍梨及餘師長而不尊重返生欺誑二者無疑悔處令佗疑悔三者住大乘者而不稱讚毀生罵辱四者與人從事心行誑詐而無正直復次迦葉菩薩成就四法諸所生處得不捨離菩提之心乃至坐菩提場相續現前何等為四一者設遇喪命因緣不以妄語親近戲笑二者與人從事心行正直離諸誑詐三者於諸菩薩起議論想隨所四方稱讚其名四者化度眾生志不求餘一切具足今住阿耨多羅三藐三菩提佛言迦葉是名四種師子王所問經偈云若人行法施亦不為凌滅是人速疾得諸佛集會中如星賀太子生生念

法施又生生世世乃至夢寐中不捨  
菩提心況復今覺時彼經又云若於  
是行處或聚落城邑亦不捨是心教  
化令佗悟文殊莊嚴佛刹功德經云  
菩薩成就四法不失本願乃至得離  
憍慢慳貪嫉妬或見佗人安隱富樂  
代之悅豫

論曰如是於菩提心開發無妄失故  
如寶積經說一切威儀進止皆菩提心  
事業是心由過去菩提心故又月燈三  
昧經偈云若人多疑惑應受我教款  
由得此深心彼疑當出離

論曰不澄厚是難遠離此者見寶雲  
經說菩薩發如是心以我精進怯弱  
下劣及懈怠故修習菩提自謂難  
得如是於無量多百千劫之所積集  
如救頭燃方證菩提我今棄捨如是  
重擔云何菩薩發如是謂言所有三  
世如來正等正覺精進修行方現等  
覺乃至如是非不長時現成正覺  
我今亦應於多劫中護持攀緣為  
諸衆生積集精進當得阿耨多羅  
三藐三菩提

論曰復說是難寶積經云於未成熟  
衆生而同善巧是菩薩錯謬於非法  
器衆生示以諸佛深廣妙法是菩薩  
錯謬於廣大信解衆生示下劣乘  
是菩薩錯謬

論曰不信解是難如護國經云謂於  
佛法僧寶不生信解亦不信解學  
杜多行亦不信解罪福等事住是  
過失門者由此死已設生人中受癡  
冥報後受地獄餓鬼畜生之苦

論曰為難此者見寶積經說若人於  
甚深法無所入解不生誹謗如來如  
是證知又云然我不能知解但於無  
量諸佛菩提種種信解故如來為  
此衆生說正法行

論曰應知捨善營事行是難故菩薩  
別解脫經云於行法比丘所為供養佛  
聽聞妙法親近營事  
論曰彼營事行如寶積經說佛言營  
事比丘於諸比丘衆應護持是心若阿  
蘭若比丘樂空寂處坐彼營事比丘於  
一切時處不應役使時阿蘭若比丘設  
入衆學處而得役使是營事比丘應

代彼作或別請比丘代彼阿蘭若比丘  
作故若有行乞食比丘彼營事比丘  
應與美膳而供給之復次迦葉若有  
比丘得離扼者彼營事比丘隨其所  
須一切給與所謂飲食衣服卧具醫藥  
若離扼比丘所住之處不應高聲彼營  
事比丘於離扼比丘所近住坐卧為作  
防護隨其所樂上妙飲膳而供給之  
又云若有多聞比丘應當勇悍乃至守  
護若有說法比丘應當為法乃至就座  
聽法住法會處或論議場清淨之處  
乃至應當三唱善哉以要言之不應  
於所有物起自在想設少有辦事衆  
許方作勿自許用乃至現前僧物四  
方僧物不相提聚及佛塔物更互積  
聚應善遮防如是顛倒若四方僧物  
與現前僧物互有疑濫彼營事比丘  
應白衆言此現前僧及四方僧利養  
事應同意施作如是佛塔朽壞應求  
施者而為興作是佛教救復次迦葉  
若佛塔物多彼營事比丘不應分與  
現前僧及四方僧所以者何以佛塔物  
下至十分之一皆是淨信何得多取諸

菩薩藏經卷第四 第三十五 三

天世人佛塔想況復珠寶皆即寶  
 故若取佛塔衣於如來制底寧使風  
 雨曝爛散滅不應以寶賀易此衣如  
 來塔衣無有人能善作價者又佛無  
 所須故佛言迦葉若營事比丘以惡  
 心故於持戒者為手供給自在役使  
 以不善業墮大地獄設得為人作世  
 奴僕希求財利為佗役使毀罵打撲  
 以要言之或於比丘更作新制恐畏  
 謫罰非時役使是營事比丘以不善  
 根墮大地獄名曰多釘乃至千釘釘  
 身熾然猛焰成大火聚又總略云其  
 舌廣長百由旬量於舌根上每百千  
 釘熾然猛火難堪難忍佛言迦葉又  
 營事比丘若來若去得僧利養慳惜  
 拘藏或應時不時與或困苦與乃至  
 不與是營事比丘以不善根故死墮  
 餓鬼名食糞丸有大力鬼持以示之  
 初不得近然於糞丸仰目諦視受飢  
 渴苦經百千歲於其飲食了不可得設  
 有少得由險惡行悉成糞穢又僧護  
 緣起亦說是難佛告僧護比丘言如  
 汝所見實非是壁是地獄人迦葉佛時

菩薩藏經卷第四 第三十六 三

是出家人以非理洩唾污僧坊壁由  
 斯業報受肉壁苦猛火燒然至今不  
 息又汝所見實非是柱是地獄人如前  
 非理以洩唾污僧坊柱受肉柱苦至今  
 不息又汝所見實非樹葉華果是地  
 獄人如前非理於僧坊樹葉華果獨  
 先受用或與白衣受肉樹等苦至今  
 不息又汝所見實非緊索是地獄人  
 如前非理於僧坊索獨先受用或與  
 白衣受肉索苦至今不息又汝所見實  
 非是杓是地獄人迦葉佛時而為沙彌  
 以煙誑心執杓摩拭客比丘來時彼沙  
 彌見已背立客比丘言此衆有漿飲否  
 彼慳悻心答如是言汝何不見執杓摩  
 拭求欲飲水尚未可得時客比丘到已  
 嘿然空無所得慚蔽而去由斯業報受  
 肉杓苦如前不息又汝所見實非杵  
 曰是地獄人迦葉佛時比丘聚物主事  
 緣處有一沙彌持印記者即阿羅漢有  
 比丘來語沙彌言當須杵曰彼言尚座  
 且住須臾我有少務後當與搗彼發  
 憤恚語沙彌言我若得是杵曰擲汝  
 曰中如是搗搗何況杵曰是時沙彌知

菩薩藏經卷第四 第三十七 三

彼破毒惡言罵辱我若報言轉增憤  
 恚嘿然而住乃於後時瞋罵少息詣  
 彼說悔大德上座如是煩惱彼言汝知  
 此迦葉佛法律中出家沙彌我為上  
 座比丘沙彌說言若如是者我等出  
 家云何斷除一切煩惱解脫一切結使  
 出是惡言應善對說悔罪之法是名  
 隨所至向使業消薄時上座比丘不  
 為對說瞋猶不悔以斯業報作肉杵  
 曰受苦不息又汝所見實非是鐺有  
 比丘來鐺不用否沙彌答言且坐須  
 臾承事病比丘故為彼煎藥是比丘  
 不樂此說以惡心故壞鐺而去受肉  
 鐺苦至今不息又汝所見中間若斷  
 唯少連持者是地獄人由昔主持比丘  
 利養以慳惜故回換衆物冬時雨時  
 交互而與由斯業報受苦不息  
 空品第四  
 論曰復次經說大義如虛空藏經云  
 佛告沙勒菩薩言灌頂刹帝利王  
 有五根本罪若犯此者焚滅一切宿  
 種善根趣向惡道隨作勝處遠離  
 一切天人等樂何等為五善男子謂

灌頂刹帝利王故取佛塔物四方僧物  
 自作教佗是名第一根本罪若謗聲  
 聞乘法緣覺乘法謗大乘法隱蔽留  
 難是名第二根本罪若依我法而  
 出家者剝除鬚髮被袈裟服於學  
 無學持戒毀戒脫其袈裟逼令還俗  
 或加捶打獄囚繫閉或斷命根是名第  
 三根本罪殺害父母殺阿羅漢破和合  
 僧以惡心故出佛身血隨作一事是五  
 無間業是名第四根本罪若謗無因果  
 不畏佗世自行十不善業道或轉教  
 多人身自堅住教佗堅住十不善業  
 道是名第五根本罪乃至總略若樂  
 破壞國邑聚落舍宅人民是名根本  
 等罪以要言之復次善男子善女人  
 初行住大乘者有八根本罪此初行  
 住大乘者於根本罪而有錯謬滅滅  
 一切宿種善根趣向惡道墮佗勝趣遠  
 離天人大乘等樂久處輪回離善知識  
 何等為八此諸眾生因昔惡行而生  
 險難五濁惡世以少善根近善知識  
 得聞甚深大乘經典其人淺智即發  
 阿耨多羅三藐三菩提心而初行善

薩聞說甚深法空經典如其所聞受  
 持讀誦為前淺智如實開示巧妙  
 文義廣大境界彼愚夫異生聞如  
 是說心生怖畏心怖畏故即便退失  
 阿耨多羅三藐三菩提心發聲聞  
 乘心是名初行善菩薩第一根本罪善  
 男子以犯罪故焚滅一切宿種善根趣  
 向惡道墮佗勝趣遠離天人大乘等  
 樂毀善提心是故善菩薩於佗有情補  
 特伽羅深心志願應先知已如所行  
 隨其漸次而為說法譬如漸入大海以  
 要言之復次初行善菩薩發如是言汝  
 不能修習六波羅蜜行亦復不能得  
 阿耨多羅三藐三菩提汝應速發聲  
 聞辟支佛心汝可速得出離生死乃  
 至如前所說是名初行善菩薩第二  
 根本罪

大乘集菩薩學論卷第四

甲辰歲高麗國大藏都監奉

秘彫造

大乘集菩薩學論卷第四

校勘記

- 一 底本，麗藏本。
- 一 六二六頁中三行第九字「於」，徑、清作「放」。
- 一 六二六頁中二一行第一一字「心」，磧、南、徑、清作「身」。
- 一 六二七頁上七行第六字「念」，磧、南、徑、清作「令」。
- 一 六二七頁中五行「願承」，徑作「願乘」。
- 一 六二七頁中二一行「未久」，磧、南、徑、清作「未久」。
- 一 六二八頁上六行「乃至」，徑、清作「乃能」。
- 一 六二八頁上七行第一四字「招」，磧、南、徑、清作「詔」。
- 一 六二八頁中六行「損弃」，徑作「捐棄」。
- 一 六二八頁中二〇行第八字「皆」，磧、南、徑、清作「能」。

- 一 六二九頁上二行第一一字「又」，  
[磧、南、徑、清無]。
- 一 六二九頁中一二行首字「甚」，[磧、  
南、徑、清作「其」]。
- 一 六二九頁下一五行「相混」，[磧、南、  
徑、清作「相混」]。
- 一 六三〇頁下一八行「空品第四」，  
[徑、清作「空品第四之一」]。
- 一 六三一頁中一三行末字「得」，[磧、  
南、徑、清無]。

大乘集菩薩學論卷第五 主

要義

空品第四之二

復次初行菩薩作如是言汝何堅持  
守護波羅提木又及律儀戒應速發  
阿耨多羅三藐三菩提心讀誦大乘  
經典若身語意所集煩惱不善業報  
悉得清淨乃至如前所說是名初行  
菩薩第三根本罪復次初行菩薩作  
如是言善男子如能遠離聽受讀誦  
聲聞乘法亦不為佗人說此聲聞乘  
法不能得大果報不能永斷煩惱應  
信大乘經典聽受讀誦為佗人說此大  
乘經法能令懺除一切惡道罪報速  
得阿耨多羅三藐三菩提故如彼所  
言取是見者二俱得罪是名初行菩  
薩第四根本罪復次初行菩薩作二  
種語如其所見大乘經典為利養故  
廣大稱讚受持讀誦聽其義理為佗  
人說便作是言我是修大乘者見佗得  
利而懷嫉妬又陀所得或全或分便生  
譏謗輕毀凌蔑以嫉妬故自高其身  
便謂我得過人之法於大乘中有斯

妙樂是人由財利故得大重罪趣向

惡道隨陀勝處譬若有人欲入大海  
修治船舫將至寶渚自壞其船喪失  
身命此初行菩薩摩訶薩亦復如是  
欲入大乘海中以嫉妬故而作妄語因  
緣毀壞信船斷智惠命此初行愚童  
諸小菩薩以嫉妬故得大重罪是名  
第五根本罪復次善男子未來世中  
當有在家出家初行菩薩於其深空  
義所屬經典三昧總持諸忍諸地大  
莊嚴事善人沙門及菩薩行於此大  
乘經典受持讀誦廣為人說然於是  
法我自所證由悲愍故我為汝說應  
當修習汝亦得證是其深法如我知  
見彼不實言但能讀誦此其深法及  
為佗說於此深法而實未證求利養  
故妄說我得三世諸佛所證之法菩  
薩聖人無有過上得大重罪即是欺  
誑諸天世人於聲聞乘尚未能得何  
況入解大乘勝行及阿耨多羅三藐三  
菩提耶譬若有人居大曠野大果樹  
下飢渴所逼求索飲食此大果實色  
香美味皆悉具足弃已自趨毒藥樹

下食毒藥果即時命終我說此人亦

復如是於難得中得獲人身依善知  
識遇大法令具利養故虛銜已德卑  
賤佗人如是行相得大重罪由重罪故  
決趣惡道是人一切刹帝利婆羅門吠  
舍首陀及諸智者之所擯弃皆勿親  
近善男子是名菩薩第六根本罪復  
次善男子未來世中刹帝利王有旃  
陀羅國師等而實愚憒自謂明智起  
諸憍慢具大財寶及大受用種種布  
施營修福業恃布施故增益我慢向  
刹利王分別沙門無量過失依王勢力  
非理治罰責其課調時諸比丘為彼  
所逼或取佛塔物四方僧物現前僧  
物而轉與之諸旃陀羅持以上王如是  
二種俱獲重罪善男子是名初行菩  
薩第七根本罪復次有刹帝利王與  
旃陀羅沙門共立制限非法謂法法  
說非法捨諸契經毗奈耶學不依時  
說及廣大說捨大悲眼般若波羅蜜  
多學處方便善巧學處及餘契經  
所說學處捨如是行相彼行法比丘  
先所修習極生燒亂以燒亂故損智



是義云何攝論釋云破壞三寶物或如芥子量謗正法二罪是牟尼所說設破戒比丘由被袈裟服或不聽出家捶考繫牢獄造作五無間又或執邪見及破壞聚落此名根本罪是勝尊所說但樂談空性實自無知覺設住佛智中不修正覺道捨斯別解脫希入大乘果又令諸學人不斷於貪執樂向佗人前稱揚自己德由光於他人廣獲其利養或復邪妄說我得甚深忍或責罰沙門故取三寶物由如是取已復捨奢摩他或行法比丘與所受受用是名根本罪因墮大地獄又虛空藏菩薩住立佛前宣悔夢中捨菩提心偈云有諸來乞者慳貪而不施雖然生忿怒打撲諸眾生清淨心者亦不為恭敬隨他染欲心誹謗於正法地藏經云佛告大梵若依我教而出家者犯戒惡行內壞腐敗如穢蝸螺寶非沙門自謂沙門實非梵行自稱梵行常為種種煩惱所勝敗壞傾覆如是比丘雖破禁戒行諸惡行尚為一切天龍人等開示福德行故此

善知識然非法器而剃除須髮被袈裟衣於無量眾生種種善根為開導因近生善趣顯示正道是故若依我教而出家者持戒毀戒我尚不聽轉輪聖王依俗正法鞭撻其身牢獄繫閉節節支解斷其命根況餘非法如是比丘然依我法毗奈耶中說名死屍復說彼人如牛有黃如麝有香又云若依我教而出家者是器非器不應惱害即是毀犯三世諸佛得大過咎焚滅善根墮無間獄彼經又云被袈裟衣解脫幢相是諸如來之所建立今時復有無量百千聲聞及菩薩眾聞佛所說皆懺往昔造業罪或言世尊我於往昔如來聖書量中及佛弟子是器非器多行忿恨呵罵毀辱種種誹謗造業障罪墮三惡道受種種苦難堪難忍以要言之世尊我於如是業障今悉懺悔或言世尊我念往昔於聲聞教及佛弟子是器非器恐畏惡罵加諸杖捶復有說言於佛弟子侵奪衣鉢斷其受用復有說言於出家者逼令還俗非理役使復有說

言於佛弟子是器非器有罪無罪枷鎖牢獄是業障罪於多劫中墮諸惡趣受種種苦難堪難忍乃至白言世尊是業障罪今悉懺悔更不敢造唯願世尊攝受憐愍濟拔我等廣大罪報郵礙出家經亦作是說若人成就四大舍法在所生處獲如是難謂生盲愚啞或旃陀羅樂多毀謗無諸妙樂常為奴僕或作女人扇茶半擇迦等駝驢猪狗及毒蛇報何等為四此大舍者為過去諸佛作增上力令諸眾生發出離心出家心聖道心為作障礙是名第一復次樂貪財賄及貪子息不信業報謂言於眾富樂自在男女妻妾有出家者為作留難是名第二餘二種者誹謗正法及害沙門婆羅門等論曰十不善業道是難有極苦報見正法念處經說彼中殺生罪報今當略說云地獄中復次有鳥名火頂行火中不燒見地獄人極生歡喜先破其頭次飲其血復次有鳥名髑髏行髑髏火燄然食腦髓復次有鳥名曰

菩薩學論卷第五 第十張 主

食舌食罪人舌食已復生過前柔軟  
 如蓮華葉如是義者隨想所生復有  
 諸鳥或名拔齒名執咽喉名曰食毛  
 名曰食財名食生藏名食背骨名食  
 隱密諸骨節間破已飲髓次復有鳥  
 名曰針孔背刺如針唯飲其血復有諸  
 鳥名骨中住名曰拔爪名食筋脉名  
 曰拔髮唯食髮根如是阿鼻大地獄中  
 三千由旬名惡夜又飛鳥往處於百千  
 歲食已復生受大苦惱彼經復說一切  
 苦網周遍圍繞復有地獄名墮險岸  
 疾趣彼處希望歸救周匝行時十一火  
 聚獨無伴侶唯有冤報業繩所縛遍  
 常隨逐謂令趣入諸大地獄復次趣入  
 墮險岸處彼下足時熾然銷爛舉足  
 復生過前柔軟以柔軟故受極痛苦  
 如是惶怖頭目手足一切肢分悉皆銷  
 爛而說是處世所希有名墮險岸復  
 說墮處業風所飄高三千踰繕那量  
 後墮地已鵬鷲鳥鳥竟分食之乃至  
 業風舉已還墮經百千歲受如是苦  
 彼經復說次有墮處名曰旋輪有千  
 輻輪世所希有熾然猛利正使金剛

菩薩學論卷第五 第十張 主

不能沮壞是輪於身速疾旋轉乃至  
 緣諸身分悉皆燒然舉足行處為釘  
 所刺如是趣入蠖酷吒山有蠖酷吒蟲  
 食彼罪人食已復生過前柔軟以柔  
 軟故受極痛苦生已復食食已復生  
 於是身肉過前希有由彼快意造殺  
 生者得如是果  
 論曰不與取報我今當說如是惡作  
 業行於地獄中有大資具如旋火輪  
 乾闥婆城鹿愛相似由癡惡業見有  
 珠寶衣服財物種類若干以癡業故  
 於熾焰中奔捉彼物自業所造琰魔  
 羅卒執利刀劔詣鐵網中劈割燒然  
 一切肢分唯有骨在由無始來不捨  
 財利受斯苦報  
 論曰造欲邪行我今當說造斯罪者  
 於前苦趣暫得脫已惡業旋增過  
 大火聚復墮他處名惡邪見由業  
 所造見有女人如先所觀彼既見已  
 無始時來貪火發生即便奔趣彼女  
 人者自業所造皆鐵所成為彼執已  
 齧其唇吻食其身分乃至無有如芥  
 子許食已復生生已復食彼人如是

菩薩學論卷第五 第十張 主

貪火所燒受極痛苦難堪難忍如是欲  
 火所燒於彼女人不念苦惱彼女人者  
 皆鐵所成堅若金剛身火洞然執彼罪  
 人如摧沙繭一切身分熾然散滅散已  
 復生過於前說略彼偈云女為罪根本  
 能壞諸財利若人樂女色云何獲妙樂  
 乃至此世及他世女失第一失遠離女  
 色者身獲安隱樂  
 論曰妄語業今當說有大力琰魔羅卒  
 執彼罪人以刀劈口鈴出其舌此妄語  
 報惡業力故舌廣五百踰繕那量舌  
 相出時琰魔羅卒即共敷置熱鐵地  
 上自業所造百千鐵犁犁頭熾然世  
 所希有極大力牛周遍往來而耕其  
 舌涎血流溢耕已復入以要言之復  
 出其舌過前柔軟如天舌相吐聲號  
 哭受大苦惱經無量百千歲難堪難  
 忍彼地獄人舌暫入口極生惶怖是惡  
 相狀趣馳走墮猛火聚而或焦爛  
 於是苦惱希望歸救復有琰魔羅卒  
 手執刀捧世所希有磨斫罪人從頭  
 至足如微塵許  
 論曰兩舌報如妄語說舌出三百踰

縊那彼琰魔羅卒持熾焰刀斷取其舌狐狼野干隨處食之受極痛苦吐聲號哭斷已復生過於前說

論曰惡口報今當說琰魔羅卒執彼罪人以刀劈口斷取其舌由彼飢渴求索飲食令自食舌及飲自血惡業力故斷已復生蹉轉于地吐聲號哭目精旋動受極痛苦琰魔羅卒訶責教誡由自作誰復代汝說伽佉曰舌放類堅弓利言毒火前若人惡口說來斯見大報

論曰綺語報今當說琰魔羅卒以刀劈口灌赤洋銅涌沸熾然先燒其舌次燒咽喉次燒其心次燒其腸次燒其臍燒熟臍已從下而出琰魔羅卒說伽佉曰前後非聯屬無義不相應汝非聯屬說彼果來此受常不誦佛經不樂真實語彼既非是否何異於肉齋  
論曰慳貪報今當說彼地獄人自業所造望見地邑滿中珍寶佗人守護彼地獄人由無始來癡惡業故謂言已有貪不善業樂行多作於地獄果

起顛倒見如是見已為多貪取手執利刀世所希有疾趣彼物餘地獄人亦執利刀迭相戰掠乃至食散身肉俱盡無有如芥子許唯有骨在吐聲號哭略彼偈云見佗人富足思惟怖我得是貪生毒果而今來此處  
論曰瞋恚果今當說以瞋業故師子蛇虎住其人前生大怖畏處處馳走不善業故何能得脫為彼執已先食其頭乃至兩脰蛇吐牙毒斃整散之虎食其背火燒兩足琰魔羅卒遠刺射之如是廣大

論曰邪見有無量果少略而說謂地獄中兩鋒利劍及金剛雹雨諸石等斬截破壞復有十一火聚謂飢渴火從口中出周而焚燒  
論曰此諸欲本是難應如是悔又如經說有大地獄名曰大變何業眾生墮於彼處謂若實非沙門自稱沙門或聞女人誦舞莊嚴具聲深心作意略無省解由聞誦舞戲笑故漏失不淨以要言之墮彼地獄雨熱鐵丸一切肢分碎為微塵復雨火湯如是燒煮

復次憶念往昔欲邪行者說有地獄名鉢訥摩謂由憶念夢中欲事隨是地獄火鑊煎煮琰魔羅卒持大鐵叉而撞刺之如彼廣說復次然修梵行回向願生天女眾中說墮地獄名大鉢訥摩是處有岸名曰鹹河汎涌燒然如鎔金汁令身銷爛髮毛如草肉滓為泥聚骨如石腸為魚等於此地獄經無量時復次邪欲謂二男子毀壞正行有無量相如彼經說如是毀正行者於彼鹹河見妙童稚出沒其中由昔惡業生極愛樂入彼河已即為憂苦之所纏逼復次邪欲說極惡報謂於傍生起大性罪彼地獄中有牛鹿等熱鐵所成極不善相於畜生道欲心附近滿腹熾熾為彼燒煮經百千歲乃至廣說復次邪欲強逼淨戒比丘尼等毀壞正行墮大地獄廣如彼說復次邪行非道行欲自欲熾盛侵暴佗屬或由近住或稱師教毀壞正行墮大地獄無量極苦過於前說七種合集經說如是婆羅門於一類同梵行者云我知彼與是里舍二

菩薩學論卷第五 第三十二  
 根和合或彼里舍觀曠境界去來住立而起愛著此說婆羅門梵行合集非離和合法然修梵行而不清淨如是里舍或共戲笑若意樂著說此梵行而不清淨如是里舍愛樂承事有莊嚴具誦舞等聲來兩壁間而起樂著是名和合如是五欲樂中於他觀察而生愛著回向梵行願生天處是名合集非離和合法

論曰若思念如是趣欲境界是難訶欲經云佛言比丘應怖此道斷彼欲心起極怖懼如彼稊棘此二種道是極險惡彼不善人之所親近於是道為諸正士之所遠離汝勿如是思惟少分著欲世尊說此多苦多難及多罪垢譏毀凌蔑佛言比丘又此欲者如病癰疽中含毒穢如財利鈎為諸罪本欲如夢寐是虛妄法是死是空是無常是過失云何愚夫於此樂著乃至如鹿縛圍如魚縛網如蛾縛焰如猴縛糞如婆羅門縛諸戒線其欲如是又惣略云尋求欲者譬若群獸行長夜中赴師子口不知限量牛死虎口不

菩薩學論卷第五 第三十三  
 知限量乃至蝦蟇赴百蛇口不知限量又長夜中窺近欲事如行賊道執縛斷首不知限量強侵他屬攻伐聚落殺害人民乃至籠繫執縛斷首不知限量受極艱苦涌血漫流如四大海其水尚少以要言之況此身者而多譏毀筋骨纏聚皮肉裹絡毛孔諸蟲衆多師食如大癰疽穢惡充滿又此身者種種病惱謂眼病耳病乃至痔漏瘡癬彼經復說又此身者是若若惱為老所逼癯瘦背偃無強無力發白面皺諸根過熟行苦傾敗如是衰舊速朽之法乃至於如是身身惡毀厭不可親附以要言之佛言比丘云何於欲有是貪愛纏綿悶絕耽著追求若我滅後正法欲沒汝等於欲慎勿親近當隨彼趣何待老死授我教誨佛言止止比丘當斷欲心謂若非時求欲未若依時求法又最上授所問經云應知遠離彼欲邪行於自妻屬而生喜足於作眷愛不樂觀視止息是意唯一苦惱忍伏此欲相應作意若起欲尋隨觀不淨親近欲者應知

菩薩學論卷第五 第三十四  
 於染意中得自在故常離繫縛勿起貪著若於無常身作不淨想如是念住如我所作起正分別勿嗜於欲何況惡露不堪表示彼經復說菩薩於已眷屬當起三想何等為三謂暫同戲樂不共他世唯同飲食然於業報不共領納唯同快樂不共苦惱乃至此復三種謂破戒想破定想破慧想復有三種謂賊想竟想地獄卒想

大乘集菩薩學論卷第五

甲辰歲高麗國大藏都監奉

勅彫造

大乘集菩薩學論卷第五

校勘記

- 一 底本，麗藏本。
- 一 六三三頁上一九行「讀誦」，徑、清作「讚誦」。
- 一 六三四頁中六行第一三字「大」，磧、南、徑、清作「人」。
- 一 六三五頁上一九行「內壞」，磧、南、徑、清作「內懷」。
- 一 六三六頁上一六行「以柔軟」，磧、南、徑、清無。
- 一 六三六頁中一三行「利刀鈎」，磧、南作「利鈎」；徑、清作「利劍」。
- 一 六三六頁下二〇行「苦惱」，磧、南、徑、清作「舌惱」。
- 一 六三六頁下二一行第九字「魔」，磧、南、徑、清作「魔」。
- 一 六三七頁上一四行第一三、一四字「次燒」，磧、南、徑、清無。
- 一 六三七頁上二一行「地邑」，南、徑、清作「他邑」。

- 一 六三七頁中二〇行第一二字「心」，磧、南、徑、清無。
- 一 六三七頁下八行「為泥」，徑作「如泥」。
- 一 六三七頁下二一行末字「前」，磧、南、徑、清無。

大乘集菩薩學論卷第六 注 係

善惡業報論卷第六 諸善惡業報論卷第六 諸善惡業報論

空品第四之三

亦如月上童女所問經云今時月上童女見諸人等欲來親近即時住虛空中高一多羅樹為諸人等說伽陀曰汝當觀我身晃耀真金色非因染欲心感斯清淨質欲生於境界如火坑燄然忍欲調六根淨修諸梵行設見他婦女皆生母妹想後獲端正身他人常喜見我諸毛孔中妙香徧城郭不從貪染心薰修斯善果貪心本不生無欲何生欲牟尼現證明如實不虛誑汝昔或我父我或為汝母送為父母身情何生染欲我或嘗害汝他復害我來怨朋互殺離情何生染欲端正非貪得貪非生善趣貪非出離因是故皆棄捨又此貪欲因速墮三惡道夜叉毗舍闍及阿修羅象鳩盤荼鬼等皆由貪欲故或聾盲瘡癩疥癩醜陋身世間諸過患皆由貪欲行或得轉輪王及帝釋天主梵王自在廣因修梵行若象馬牛虎駝驢

善惡業報論卷第六 第二三

猪狗等性本普親疎而常希染欲利及王臣或信士長者豐饒富樂門廣因修梵行若加鎖繫閉水火諸苦難或挑目截耳及斷於手足乃至為奴僕此由貪欲故又曰子王所問經訶欲義偈云說是著欲者如蠅見瘡血亦如猪犬等奔臭肉不淨無知樂女人奔馳亦如是愚童不明了舌舐於穢惡如癡樂女人具足諸黑闇現住魔境界死當墮惡道又若廁中蟲著味生樂想猶如畫菌餅莊嚴觀外相亦如風臺中滿盛諸穢惡謂眇澆涎唾及便利不淨身如臭漏囊愚夫謂為美舉身唯有骨皮肉之所覆唯生一白門譬若大癰疽亦如瘡孔中種種諸蟲滿及餘不淨器此身相亦尔腹如大疱等内生藏熟藏及頭骨肋脉塗汚諸血髓有八萬種蟲潛處於身內墮癡網籠中故愚夫不見又於九竅中流臭惡不淨或若見若言愚夫生取相一切穢惡趣由樂不覺知涎涕以為食斯愚夫境界或兩腋汗流穢惡實可厭樂斯訶歌事如蠅

善惡業報論卷第六 第三

見瘡等於下劣法中唯欲斯最下造斯惡業者死當墮惡道墮無間獄已受諸大苦報佛說諸女人臭中極臭惡是故於合集破斯下劣想又若起執著唯愚者奔竟造斯惡業故當獲如是果彼經又云如是行相苦求所須以自活命封著不捨乃至衣弊貧窮乞巧飲食為諸女人之所降伏所持所魅譬若僮僕自在侵使由於女人貪樂養育必不能修布施持戒及餘善品又復為諸女人惡罵要勒繫縛由心取著悉能忍伏或詬女人里舍起貪很候審觀姿貌由欲因緣自在而轉佛言大王嗜欲愛者是不清淨是極臭惡於世間行尚為過失乃至偈云於女人合集見作共隨喜聞已意樂觀彼人無出離親近諸苦欲說此實欲賤由聞是法故善說及癡說是心奔女人無異鼠逐猫或聞佛所說暫時得省解後復於是貪如喝羅羅毒又如猪見糞發生於愛樂暫得須臾間轉復生獸怖著樂諸愚夫遠離於佛教親近下劣欲死當墮惡

道樂耽酒醉欲毀戒破淨命造作諸罪業死當墮惡道若於是正法了知諸欲境不生放逸心常生淨天趣於無上菩提此不為難得若聞是法已刹那獲正慧悟出家法門遠離諸欲事

論曰復說是難寂靜決定神變經云佛告文殊師利設若有人於閻浮提一切有情劫諸財寶悉壞命根文殊師利若善男子善女人於菩薩所斷一善心即近墮傍生趣於所取時如同彼墮斷善根故是罪過前阿僧祇數所以者何斷善根者即是斷滅佛出世故佛告文殊師利又他種類於菩薩所起慳嫉時以是因緣應知即是求三種怖何等為三謂墮地獄怖及生盲怖邊地難怖彼經又云若得為人語不誠實而樂誹謗惡口憤恚燒惱於人後復於此身壞命終墮大地獄生無足身受諸苦惱死轉五百踰繕那量為諸小虫啣食其肉是蛇可畏具五千頭由誹謗故彼一一頭有五百舌彼一一舌口出五百熾談

鐵犁是語業罪為猛火聚熾然燒煮又若起不調柔逼惱菩薩者是人於畜生道尚為難得墮大地獄經百千俱胝那由多劫於彼死已為大毒地慘惡可畏飢渴所逼造眾惡業設得飲食而無飽足於此死已設生人中亦復生盲無有智慧惡心不息惡言訶毀不敬聖賢人中死已復墮惡道經千俱胝劫生不見佛彼經又云文殊師利菩薩於菩薩所乃至發明淨心時而心或輕易乃至多劫住大地獄如被鎧甲文殊師利是菩薩業必不能墮唯除誹謗是菩薩者文殊師利譬若金剛摩尼寶無有木石能破壞者文殊師利是菩薩業亦復如是必不能墮唯除誹謗是菩薩者信力財入印經中亦作是說佛告文殊師利若復有人於十方一切世界諸眾生等起瞋恚縛墮黑暗處文殊師利若於菩薩所遠住其前屈伸臂頃起瞋恚心是罪過前阿僧祇數文殊師利又若有人於諸閻浮提一切財物剽掠皆盡若於菩薩所輒生罵辱是

罪過前阿僧祇數彼經又云佛告文殊師利設若有人以菟伽沙等諸佛塔廟悉皆焚毀若於信解大乘菩薩摩訶薩起瞋恚心加諸罵辱或增誹謗是罪過前阿僧祇數所以者何從諸菩薩出生諸佛世尊故從彼諸佛有塔廟故生諸利樂及諸天等若輕毀諸菩薩者即是輕毀諸如來故若有恭敬諸菩薩者即是恭敬諸如來故欲求最上供養者應當供養諸菩薩等即是供養諸如來等

論曰此供養福報如寂靜決定神變經云若人護法及說法者即是遠離一切惡道獲天帝釋及梵世主夜摩兜率自在天等後生人中為轉輪聖王長者居士具大財寶念慧相應安隱無畏

論曰何等菩薩於菩薩所於善作中起惡心故謂異生等又如信力財入印經云文殊師利設若有人於一切世界微塵數眾生日日以天百味飲食及天衣服於菟伽沙劫海如是布施若有善男子善女人於成就十善

菩薩學論卷第六 第七提至 意一

供養如是說聲聞者說辟支佛者說大乘者住大乘人戒德相應樂說辯才與彼無智戲論之者而為諮稟聽受皆應供養乃至得幾罪滅佛言善男子譬如有入以初日分滿閻浮提諸大珍寶施佛弟子以中日分及後日分亦復如是滿百千歲如是布施是人彼所得福寧為多不白言甚多世尊是人福聚無量無數於是福聚無有能稱量者唯除如來乃能知之佛言善男子若有真善利帝利王乃至如前所說彼所得福寧為多不如是廣略過前福報無量阿僧祇數佛言於後五百歲護正法眼善護自作及護他世於我教中作弟子者是器非器剃除鬚髮被袈裟衣皆應善護勿生惱害乃至自他國土皆得豐樂滅除罪垢諸天諸仙增益守護壽命長遠自他煩惱亦皆滅住正覺道六波羅蜜離諸罪惡於輪回海不久沉溺常離惡友近善知識共事諸佛大菩薩眾樂諸佛刹非久如得阿耨多羅三藐三菩提果今時眾中一切

菩薩學論卷第六 第八提至

業道一優婆塞於一日中能施飲食於佛弟子如是布施過前福報阿僧祇數文殊師利又若於一切世界微塵數成就十善業道諸優婆塞日日以天百味飲食及天衣服於琉璃沙劫海如是布施若復有人於一比丘若一日中能施飲食過前福報阿僧祇數入定不定印經云佛告文殊師利假使十方一切世界諸有情類皆被挑目至滿一劫復有善男子善女人於諸有情起慈愍心令眼平復還滿一劫文殊師利若復有人於信解大乘善業所以清淨心而往瞻觀過前福報無量阿僧祇數文殊師利假使有人能令十方一切牢獄繫閉眾生皆得脫已復受轉輪聖王妙樂或梵天樂若復有人於信解大乘善業所以清淨心瞻觀讚歎過前福報無量阿僧祇數又地藏經云世尊若真善利帝利王真善居士真善宰官真善沙門真善婆羅門等自護護他及護他世於佛弟子是器非器乃至剃除鬚髮被少分袈裟衣者皆應守護

菩薩學論卷第六 第九提至

天主及天眷屬乃至畢舍遮主與其眷屬皆從座起合掌恭敬而白佛言世尊若未來世乃至後五百歲真善利帝利王真善居士真善宰官真善沙門真善婆羅門等如是守護正法紹三寶種皆令熾盛以要言之所有我諸眷屬真善利帝利王真善居士宰官等於十種事守護增長何等為十一者增益壽命二者廣持正法三者常無煩惱四者眷屬廣多五者倉庫盈溢六者壽命無乏七者富貴自在八者名稱普聞九者得為善友十者智慧具足是名十種廣如彼說論曰應知此廣大報如是入聖地者故觀音經云發正覺心者善利一切眾生故若唯右繞佛塔我猶說此功德廣大汝諸佛子若人不愛諸天遠離善人是地獄境界廣如前說論曰未能於餘開示且止此分別淨諸業障經云九說障礙皆名為難佛告文殊師利言云何說名障礙謂貪為障瞋為障癡為障布施為障持戒忍辱精進禪定智慧皆為障礙所以

昔何愚夫異生於布施時為慳惜者不起淨信由不淨信發損害心由損害故生悔惱罪墮大地獄彼護戒者為破戒人加諸誹謗不為稱讚令諸人等聞過失已不生淨信由不信故即墮惡道彼修忍辱者由忍辱故是忍辱醉渾濁於心由忍辱醉為放逸本即墮苦處發精進者便起我慢云餘比丘修行懈怠不共信施之食及飲水具由發精進起我慢故輕賤於他如彼愚夫安禪定者由於淨慮三摩鉢底發生愛樂彼便如是我得三摩地行餘諸比丘心行散亂由何得佛廣如彼說又隨轉諸法經云教招菩薩除業障罪遠得善提教招威儀遠得善提教招威儀道行遠得善提然彼善薩於善薩所生下劣想已身發高天想謂我少除業障故此善薩於彼善薩或說教令應往佛想善薩於善薩所勿起毀謗之心彼不捨善提故佛言天子善薩如是不斷少分善根如善薩不二行中設不發善提心者下至聽利善薩尚不起於陵憊何

况發善提心者如首楞嚴三昧經云佛語堅意善薩言云何未發善提心者而與授記若人得生五趣輪迴或天人傍生地獄琰魔羅界是人諸根利益廣大信解如來於彼了知是人乃至若干百千俱那那度多劫當發阿耨多羅三藐三菩提心乃至如是百千阿僧祇劫得善提果以要言之佛言堅意說此善薩名未發善提心者而與授記今時尊者大迦葉波前白佛言世尊從是已後當於一切眾生起世尊想所以者何我等無有如智慧何等眾生此有成熟善提根者何等是無世尊我等不知如是行相若於眾生起下劣想則為自傷佛言善哉大迦葉波汝說此語以是義故自在正觀我於所說如是法中不妄稱量出家在家男子女人若妄稱量則自傷也唯有如來應量眾生等者大迦葉波若諸聲聞及善薩說當於一切眾生起世尊想論曰善薩於諸補特伽羅何有少分不作化度不護身者見有如是標相

決定得善提故於彼佛子不應陵憊應當守護如妙法蓮華經云或有起石廟旃檀及沉水木檀并餘材磚瓦泥土等若於曠野中積土成佛廟乃至童子戲聚沙為佛塔如是諸人等皆已成佛道乃至彩畫作佛像百福莊嚴相自作若使人皆已成佛道乃至童子戲若草木及筆或以拍爪甲而畫作佛像如是諸人等皆已成佛道若人於塔廟寶像及畫像以華香幡蓋等心而供養若使人作樂擊鼓吹角貝簫笛琴箏篳篥琵琶鑼銅鈸如是眾妙音盡持以供養或以歡喜心歌頌頌佛德乃至一小音皆已成佛道若人散亂心乃至以一華供養於畫像漸見無數佛或有人禮拜或復但合掌乃至舉一手或復小低頭以此供養像漸見無量佛又云若人散亂心入於塔廟中一稱南無佛皆已成佛道於諸過去佛在世或滅後若有聞是法皆已成佛道又大悲經云佛告阿難譬如漁師為得魚故於大水池中安置鈎餌令魚吞食魚吞食

菩薩學論卷第六 第十三張 三

已所以者何然知此魚尚在池中不久當出復如是知為彼堅釣竿繩所中繫岸樹上時捕魚師既到其所即驗竿繩知得魚已便拽鈎繩敷置岸上如其所欲而受用之佛告阿難我今亦復如是令諸眾生於佛世尊心生淨信植諸善本乃至以一信心彼諸眾生雖餘惡業之所覆障刹那墮落若佛世尊於彼眾生以菩提智執攝事繩於輪迴海拔諸眾生置涅槃岸

論曰是故皆作佛想禮敬應知此尚意中作禮若初發菩提心者以身禮敬如善財童子於寶雲大菩薩所初發道意以身敬禮一切斯為了義如深心教誡經云為諸菩薩於所度生恭敬作禮而或所說何一處所禮不禮故而無相違於是禮敬展轉繫屬不如是禮者而無福報由何一禮得觀諸佛無有是處

論曰謂此是菩薩學處此非菩薩學處俱謗正法說為是難故集諸法方廣經中說言佛告文殊師利云何於

菩薩學論卷第六 第十四張 五

如來所說少分法中或起淨想及不淨想俱謗正法謗正法者即是毀謗輕慢諸佛法僧又說此是解脫此非解脫俱謗正法我非別說有法屬聲聞垂屬緣覺乘屬於大乘彼愚癡者於我此法中種種施作說言此是聲聞此是緣覺此是菩薩由起種種想故便謗正法云此是菩薩學處此非菩薩學處謗正法者云此說法師有是辯才無是辯才亦名謗法又說此是法說此非法俱名謗法云過去佛出世無有物持可得亦名謗法於說法師亦無惣持悉名謗法於說法師是過失行亦名謗法謂說法師無此具足辯才是名謗法教示放逸是名謗法教示威儀道行亦名謗法教示正戒是名謗法毀滅辯才是名謗法於光明法而不了知亦名謗法於持明召請不悟所說是名謗法於如來教唯文字想而無入解皆名謗法

大乘集菩薩學論卷第六  
甲辰歲高麗國大藏都監奉  
勅彫造

大乘集菩薩學論卷第六

校勘記

- 一 底本，麗藏本。
- 一 六四〇頁中一七行第四字「犬」，  
〔磧、南、徑、清作「大」。又第七字  
「內」，〔磧、南、徑、清作「肉內」。
- 一 六四〇頁下一三行「很候」，〔南、徑、  
清作「狼候」。
- 一 六四一頁上三行「不生」，〔磧、南、  
徑、清作「不行」。
- 一 六四一頁下一行第一〇字「又」，  
〔磧、南、徑、清無。
- 一 六四二頁上一行至末行「供養……  
一切」與本頁中一行至末行「業  
道……守護」，〔磧、南、徑、清互置。
- 一 六四三頁上一行「淨慮」，〔南、徑、  
清作「靜慮」。
- 一 六四三頁上一四行「教招」，〔磧、南、  
徑、清作「教詔」，下同。
- 一 六四三頁上二一行首字「故」，〔磧、  
南、徑、清作「教」。

一 六四三頁上二二行第七字「行」，  
[磧、南、徑、清]作「門」。

一 六四四頁中六行第二字「我」，[磧、  
南、徑、清]無。

一 六四四頁中一一行「此非法」，[磧、  
南、徑、清]作「此非法說」。

大乘集菩薩學論卷第七 三

菩薩學論卷第七 第三法 五

空品第四之餘

謂此契經違餘契經俱名謗法謂此  
 伽陀違餘伽陀亦名謗法何者是起  
 信解何者不起皆名謗法於說法師  
 所說意解別異而轉是名謗法作此  
 專業離眼所觀說戲笑語是名謗法  
 此是有行此是無行俱名謗法說此  
 佛言三昧有是解脫說彼佛言三昧  
 有是解脫亦名謗法佛告文殊師利  
 乃至所有一切展轉皆名謗法若比  
 丘比丘尼優婆塞優婆夷等於說法  
 師如是行相如是思惟一切皆是毀  
 謗正法彼經又云佛言善男子若如  
 來滅後於我已說法中隨所愛樂如  
 其信解為衆生說於彼會中若一衆  
 生身毛喜堅或墮淚悲泣當知是為  
 諸佛印可彼愚癡人謂言此是菩薩  
 此非菩薩當知是菩薩各由如是妄  
 說三乘法故於我所說法中何由悟  
 解乃至若於菩薩起陵蔑者我說是  
 人住於地獄不知限量所以者何若

菩薩於說法師起誹謗者即是遠離  
 諸佛毀謗正法及比丘僧又若輕賤  
 諸說法師不起尊重者即是於佛如  
 來不生尊重於說法師不欲見者即  
 是於佛如來不生樂見於說法師不稱  
 讚者即是於佛如來不起稱讚是則  
 遠離佛故若於初發心菩薩起惱害  
 意乃至佛言慈氏若於我六波羅蜜  
 諸菩薩正覺行中彼愚癡人妄作是  
 說唯般若波羅蜜多應知是菩薩學  
 處云何學餘波羅蜜多餘波羅蜜者  
 彼為過失佛言慈氏於汝意云何我  
 為憐迦尸王脫帝子命施自身肉為  
 無智不慈氏自言不也世尊佛言慈  
 氏若修菩提行六波羅蜜行之所相  
 應發善心者頗不成熟善根不慈氏  
 自言不也世尊佛言阿逸多汝亦於六  
 十劫集行布施持戒忍辱精進禪定  
 般若波羅蜜多皆共集行又愚癡者  
 作如是說唯一正理是菩提道所為  
 空性行是正理者得本然清淨等

集離難戒學品第五

論曰略說是難應當遠離如深心教誡

經云如是種難聞已怖畏是初行菩  
 薩如其受持說利益事自言世尊我  
 今最初於如來前如是受持世尊我  
 若從今於彼菩薩及所化人說彼過  
 罪若實不實是則欺誑如來正徧知  
 者世尊又我從今於彼菩薩及所化  
 人譏毀陵蔑或在家人或出家者受  
 五欲樂縱逸自在見已於彼不生淨  
 信及慙被心起不尊重不生佛想逼  
 惱身心化知識家受下種施見已若  
 不唯一喜美言說晝夜不以三時歸  
 向是則欺誑如來正徧知者世尊我  
 若從今受持禁戒或作諸王於身命  
 財而不捨施陵蔑聲聞緣覺及所化  
 人謂我最勝或如旃陀羅心行自高其  
 身卑下作人或遇闍諍而不怖走過  
 一由旬或百由旬是則欺誑如來正徧  
 知者世尊若我從今身持具戒或不  
 以多聞別知頭陀功德及餘出生功德  
 之身樂行覆蔽作善顯作過惡是則  
 欺誑如來正徧知者乃至今時世尊  
 語訖勸菩薩摩訶薩言若有善男  
 子善女人欲淨諸業障者應如此初

論曰略說是難應當遠離如深心教誡

行菩薩如是受持又隨轉諸法經云謂若於菩薩晝夜三時頭頂禮敬是人於所行行亦勿少分窺求錯謬設若常見著五欲樂亦勿少分窺求過失善提行者修無量功德殊勝利益時乃取證由是漸次修道漸次成佛正使修行一罽羅分於無量百千俱胝那庾多劫住大地獄如被鎧甲彼經又云善男子如是行相遠離罪業彼菩薩一切行中皆不二行應當信解一切修作發如是心然我於作心了知不難化諸眾生行如是行復次善男子自在徧觀如來如是說法應無有人稱量此者若人解我所說則為見我善男子欲護身者於此行中略無疑惑如其所作不壞住善求佛法者當知於晝夜中以法思解如地蔵經云余時復有無量百千點惠眾生從座而起合掌恭敬而白佛言大德世尊我今現前發如是願乃至久遠流轉生死未得忍間常願不處諸王宰官城邑聚落輔相將帥等位乃至不處商主師長居士主沙門斷事者

一切親屬富貴尊尊重等位乃至未得忍間我等若處如是行相是愚惡惠則於佛世尊教無能修習論曰廣說離如是難如月燈三昧經偈云愚童不恭敬應知無有罪其母尚教言汝當後時作欲少分所須於我起尊重若因無上道懈倦於化度問訊於耆年及大德尊者頭面接足禮為此作尊重勿視彼錯謬唯觀善提場常樂起慈心亦勿生損害又設見錯謬慎說彼過失若樂斯善業亦獲於道果卑幼尊宿前如面清涼月常愛樂此言猛除伏我慢若飲食衣服為此作憐愍施汝如是心一切得調伏若發菩提心或不生信重彼應自防護怖墮於惡道見不見喜納自淨濁亂心惟分別性堪任獲事業又如華嚴經云時慈氏菩薩觀善財童子發菩提心功德以偈讚曰若見諸眾生老病諸苦逼及憂生死怖發大悲利行由見世苦逼五趣常流轉為求堅利智破諸趣苦輪若見貪樂者過患多榛棘為作堅固淨治泉

生地癡壞世間明及正道惠眼為群首導師示其安隱處智劍伏冤賊解脫三法忍為世間導師令得離憂怖或如法航主令涉智海道為三有導師達勝忍寶所智光大願輪如佛日出現光舍法界空普照群生暗白法圓滿輪如佛月出現慈定清涼光平等照諸有又若勝智海出生諸法寶善提行漸高住深心堅固發心若龍主昇法界虛空兩甘露法雲增諸白果苗又若燃法燈正念堅固器慈愛無垢光淨除三毒暗又此菩提心譬如羯邏羅悲袍慈閉尸鉢羅健南位菩提分漸生令佛藏增長福德藏亦然得智藏清淨又開發惠藏如願藏出生此慈悲法性解脫眾生故世間天人中淨意難可得希有智果樹植妙深固本衆行漸增榮普覆於三有欲長諸功德請問一切法斷除一切疑求諸善知識欲壞煩惱魔淨除塵染見解脫諸眾生求斯大智者欲淨除惡趣顯示人天路開解脫智門安住功德道欲脫諸趣苦當斷諸有索施

諸趣安隱近此真佛子菩薩學論卷第七 第七張主

論曰以意觀察遠離如是難者不以為難如深心教誡經說離此難云佛言慈氏於彼菩薩及所化人當成就四法後五百歲正法滅時不為損壞及彼陵蔑自然解脫何等為四一者觀察已非二者於彼菩薩及所化人不談佗短三者不化知識家往非親里四者不出惡言是名四種如前所說復有四種何等為四一者遠離寡聞衆生二者眷屬而不取著三者常樂坐卧林野四者自習奢摩佗行是所相應是名四種彼經又云佛言慈氏此初行菩薩獲惠力財遠離非分名聞利養彼名利者是為過失見無益語見世俗語世俗睡眠世俗事業世俗戲論應當遠離是為過失以要言之佛言慈氏若菩薩摩訶薩應當觀察名聞利養發生貪染破壞正念於得不得勿作高下又應觀察名聞利養起愚癡暗作慳種類發生誑誑資益已身無慙無愧離四聖種如諸佛說名聞利養應善觀察起諸驕

慢輕慢師尊是魔羅分一向放逸破壞善根如金剛電及霹靂火又名利者化知識家多種愛樂誑非親里而復起惱迷覆知覺向所愛事信生憂感又名利者失四念處滅劣白法壞四正斷由前後利養破壞神通遠離善人近惡知識於佗眷屬常愛合集又復遠離無量禪定墮大地獄琰魔羅界畜生胎藏應觀察名聞利養如天授水佛言慈氏彼名聞利養有如是等行相菩薩應當如實觀察以觀察故無有恐怖亦無悔惱所以者何於是行相無恐怖者得無過失唯樂佛法得無間斷在家出家隨所守護若天若人住清淨心得無驚怖設墮一切惡道不為逼惱遠離呪詛解脫魔境得無傾動諸耽酒者之所敬仰住定學者之所樂見斷除誑誑而獲正直是五欲樂是為過失安住聖種如說修行諸梵行者之所喜見慈氏如是行相功德智者了知菩薩深心住於少欲樂少欲者即斷一切名聞利養

論曰無益語今當說遠離貪毒愚癡

過失不住無益語者心得決定解如尋戲調諸無益語愛樂修作是為過失不修威儀及微細行若無益語言愛樂不堅牢世是說隨順愚夫若聞比丘不如理言生愛樂已而常尋求即便增長如是過失是故棄捨不如理言常知法樂臨命終時自捨千身求菩提道聞法無厭設若疲極由聞法故一切時處悉皆遠離不如理言不愛樂言於最上法樂生難得想經無量劫住山林中應知於佗功德利益勿求其短若謂我為最上殊勝勿取是心是慢為諸放逸之本此下劣比丘亦勿陵蔑漸如是教非止一生得證菩提故

論曰世俗語我今當說彼間憍醉樂起鬪諍獲不尊重由所說言失念及不正知是為過失由所說言多競高名極遠內思若身若心不得輕安是為過失由所說言愚夫自心生澀貧賤墮入正法遠離毗鉢舍那及奢摩佗是為過失由所說言於功德財常起愛樂獲不尊重住不堅牢狹劣智

惠是為過失由所說言減失所知諸天  
不勤不生愛樂是為過失由所說言  
於彼智者及眷屬等所餘身命現無  
義利是為過失由所說言彼諸愚夫  
憂命終時我何所作得如是苦減失  
所知不得悟解是為過失由所說言  
如草動植疑無楷決不生實智是為  
過失由所說言如伎藝者住戲場中  
別說功勤自以為得減失所知是為  
過失由所說言遠七聖財五生詭誑  
輕失彼得是為過失由彼說言軍思  
研幾喜務怯弱而不自知動本無體  
是為過失乃至不如實說我樂最上  
此一句義於之遠時思惟尚未了知云  
我樂得無量句義譬如甘蔗堅硬皮中  
少有其味人食皮已無復能得甘蔗甜  
味是故廣說者如甘蔗皮唯樂神變  
思擇義理者如甘蔗味常無惛醉  
論曰言耽著睡眠者如彼偈云謂若  
樂惛睡造此多種見彼得見得疑增  
長大癡網若樂惛睡者智惠皆怯弱  
而於悟解中常時俱減失若樂惛睡  
者急墮無智惠設住深林中非人得

其便若樂惛睡者即樂非法欲善心  
常不增何由獲法樂若樂惛睡者愚  
蔽善法欲壞白法功德遍入諸黑暗  
若樂惛睡者封著無辯才常生放  
逸心纏綿身懈倦若樂惛睡者我知  
懈怠故嫉彼勤力人毀具足精進乃  
至若除諸苦暗即離於罪本常親近  
勝勤諸佛之所歎  
論曰世俗事業今當說如彼偈云師  
誨謂惡言執為非教誠速毀犯尸羅  
樂斯過失事每思俗事業常時務  
忽遽不修諸禪定樂斯過失事由貪  
生廣大繁纏味中味下劣非止足樂  
斯過失事處眾大喜悅謂除諸苦惱  
如驢行隘道樂斯過失事乃至是心  
晝夜中不樂諸功德唯衣食猛利樂  
斯過失事不樂相應語唯順不相應  
問世俗所作樂斯過失事以要言之  
今時慈氏菩薩摩訶薩白佛言世尊  
菩薩少惠者由捨最上法已減失勝  
惠作下劣事佛言慈氏如是如是如  
汝所說菩薩得少惠者由捨最上法  
已作下劣事佛言慈氏又彼菩薩於

如來教既出家已無有禪定正斷正  
勤無有多聞不懷希冀佛言慈氏此復  
觀察禪定正斷知如來教知有為相  
三摩呬多是所相應勿白衣事業營  
務觀察是事不應道理應知彼菩薩  
發起愛樂輪迴生死者所謂營務世  
俗造作遠離法財佛言慈氏彼營事  
菩薩假使修七寶塔滿三千大千世  
界我亦於彼不生恭敬尊重讚歎乃  
至滿閻浮提一切皆是營事菩薩不  
如於一讀誦如說修行菩薩起承事  
行又若一閻浮提量讀誦如說修行  
菩薩不如於一各居所安行菩薩作  
承事行所以者何此為難事所謂惠  
業於諸三世為勝為上最極高勝無  
有過者佛言慈氏是故菩薩欲勤精  
進相應義者當修勝惠  
論曰世俗戲論我今當說此戲論行  
常為過失獲如是難謂不得遠離彼八  
種難亦復不得利那具足殊勝乃至  
智者正解離諸戲論此戲論行遠獲  
是難是故皆不共住寧使畜受專學  
罪惡過百由旬於佗戲論或須臾頃

菩薩學論卷第七

第七

不應親近亦不共住於出家功德之利欲求財賄者是則惡心起諸鬪諍勿有田作勿營商賈若求財利是則戲論勿有男女妻妾朋屬僕從富饒起諸鬪諍既出家已授袈裟衣信順寂靜至極寂靜復觀是寂勝寂近寂離戲論故起如是忍不得遠離戲論行者譬若毒蛇覆截惡心後墮地獄畜生酸摩羅界是故精進起如是忍乃至得是乘者於諸業障淨盡無餘破冤魔力諸有智者起如是忍論曰略說離如是難佛言慈氏是故此菩薩乘若善男子善女人後五百歲正法滅時使無留難而獲吉祥脫諸業障盡除罪欲當知勿樂合集住阿蘭若曠野林中而修行之於餘眾生而或遠離但省己非無求佗各默然信樂般若波羅蜜多行故又寶雲經亦作是說行乞食時乃至獲得是事除餘惡處謂惡狗家新乳犢家體性犯戒於彼畜生尚離損害何況男子女人童男童女起獸賤處彼一切時處皆應遠離

菩薩學論卷第七

第七

論曰若見如是種種惡作者慎勿往觀得離彼罪復次說離如是等難云何得果離無果利成利佗義應知遠離無果利故如月燈經說身戒義云謂密護手足使無虛動又十法經云手足動亂往來跳躑此說身業分重論曰如菩薩為利於佗如其照了而不分別餘業故法集經云世尊諸菩薩等所有身口意業皆為利諸眾生起大悲增上安慰眾生令諸眾生身意快然如是深心如是思惟隨修何行而行平等令諸眾生得安隱樂以要言之謂菩薩了知觀十二處如空聚落於是等處無不樂捨大乘集菩薩學論卷第七

甲辰歲高麗國大藏都監奉  
勅彫造

大乘集菩薩學論卷第七

校勘記

- 一 底本，麗藏本。
- 一 六四六頁上三行「之餘」，徑、清作「之四」。
- 一 六四六頁中一〇行第二字「唯」，徑、清作「深」。
- 一 六四七頁下九行「龍主」，南、徑、清作「龍王」。
- 一 六四七頁下一四行第五字「令」，積、南、徑、清作「今」。
- 一 六四八頁上三行第一三字「云」，積、南、徑、清作「去」。
- 一 六四八頁上五行「損壞」，徑作「損害」。
- 一 六四八頁中一八行末字「是」，南、徑、清作「見」。
- 一 六四八頁下一七行「鬪諍」，徑作「最諍」。
- 一 六四八頁下二一行首字「礦」，徑、清作「獮」。

- 一 六四九頁上一一行「輕失」，南、徑、清作「顛倒」。
- 一 六四九頁上一四行第一一字「尚」，南、徑、清作「由」。
- 一 六四九頁上一六行末字「紺」，南、徑、清作「滋」。
- 一 六四九頁下四行第九字「勿」，南、徑、清作「如」。
- 一 六五〇頁上一〇行「業障」，南、徑、清作「業苦」。
- 一 六五〇頁中卷末經名，徑、清無  
(未換卷)。

大乘集菩薩學論卷第八 主

集離難戒學品第五之餘

五藏經論卷第八 第二張 主

又虛空藏經云譬如孔隙聲入其中  
菩薩亦尔若心有間隙則魔得其便  
是故菩薩令心常無間隙若心無間  
隙則諸相圓滿及空性圓滿

論曰況復諸相圓滿者即菩提行亦  
不捨修習觀諸空性廣如寶髻經說  
又如無盡意經云謂欲發起斷除惡  
不善法者說彼復有餘散亂心三摩  
地蘊是對治行說此是名三摩地分  
乃至是名惡不善法

護身品第六

論曰此言遠離虛無果利者說何所  
成就耶此常成就正念則得遠離虛  
無果利所謂不違如來教勅守護果  
報尊重正念於一切身不動自性安  
住正念利益眾生隨應所行堅固正  
念見諸智者樂他所作不動正念不  
怖時分親屬禮制於身解脫正念於  
四威儀道分檢察正念於威儀道安  
庠平正守護不亂具力正念發語笑

菩薩學論卷第八

第二張 主

時慎護高舉手足容貌其量端雅敦  
肅正念若應聞說者乃至知彼聲品  
無高無下一語正念學者共行勿於  
餘處令佗驚怖而生過失自心悚敬  
令佗淨信守護正念心如醉象以奢  
摩佗常糜制之是為正念住於觀察  
當照其心是為正念於眾富饒捨離  
餘事如所說念一心守護是為正念  
成就如是念者說為遠離虛無果利  
又於此念得極尊重彼尊重事一切  
觀察現前輕毀是所對治如是尊榮  
知己則於此廣大平等何名平等故  
無盡意經說奢摩佗者云何奢摩佗  
無盡若心不亂謂寂近寂密護諸根  
性不高舉不動不搖深善謹密無生  
無作唯一境性獨處閑靜捨離憤鬧  
身遠樂事心無動亂意樂空寂亦無  
惡求乃至護威儀道知時知量及知  
止足易養易滿等

論曰云何於尊重平等而不能生如  
實智邪謂過去牟尼所說若於三摩  
四多則如實知如法集經云於等引  
心得如實見如實見者菩薩於諸眾

菩薩學論卷第八

第三張 主

生大悲心轉我得如是三摩地門於  
一切法皆如實見當為成辦一切眾  
生以大悲薰修增上戒定慧學圓滿  
成證阿耨多羅三藐三菩提是故我  
於淨戒善住不動得無懈倦

論曰此奢摩佗於自他尊貴平等超  
越無量罪苦得彼世出世間無量富  
樂我當趣求發勤修習詣火宅中希  
求清冷之水得極尊重諸學弟子當  
住如是正念行相近正念者則得遠  
離無果利事若遠離無果利者則彼  
難不生是故欲護身者當推求念本  
常近正念故最上授所問經說在家  
菩薩云彼於米果甘蔗等酒及放逸  
處不樂著者則無昏醉亦無沉酒不  
罷不動亦無忘失狂亂高舉及惡罵  
等由近住正念正知故彼經復說出  
家菩薩正念正知而不散亂又寶髻  
經云若正念者一切煩惱而不發生  
若正念者一切魔事皆不得便若正  
念者邪道惡道皆不能隨若正念者  
如守禦關鑰一切不善心心所法悉  
不能入此說是為正念正知者般若

波羅密多經說行則知行住則知住

座則知座卧則知卧如其身處是名

正知乃至得不違越彼正知行謂可

觀不可觀著衣持鉢若飲若食若眠

若覺及與懈倦取捨屈伸去來坐立

或語默等各居所安修正知行

論曰戒定相成如月燈三昧經云謂

此戒功能清淨無垢速得等持由定

趣入則相應戒亦復趣入是故由戒

正念正知得三摩地由三摩地一心

故得淨尸羅彼經說言禪定功能中

得住無行亦非無行行相應故遠離

境界無境界故不起染習如是成辦

密護根門

論曰此由心所成辦修習戒定二種

綺互增長此說菩薩學者利諸眾生

謂心成辦而為根本故實雲經說知

一切法皆依於心心為先導故徧緣

諸法又世間諸決定心以心所緣而

不見彼則使業清淨若清淨已則心

無流轉心無流轉即心如燒燄或如

湍流如是心相徧能觀察得住正念

心不徧緣則心得自在心自在故於

菩薩學論卷第八 第五節 主

一切法而得自在又法集經云謂若

有法法無處所亦無方分即已自心

是所尊法說名為法是故我於自心

謙恭建立極妙殊勝當知發起此善

攝受所以者何謂若於心有是功德

過咎無是功德過咎彼菩薩者此二

種心唯求成辦功德而不造過咎說

如是心是所尊法所尊法者即善提

故世尊我於是法開演成就如是安

隱正覺又華嚴經云謂於自心建立

一切善行故自心建立度脫一切

眾生故乃至善男子我於自心當如

是住應知自心具足一切善根故應

於自心淨治法雲地故應於自心堅

固無障礙法故又如善財勤修精進

欲見摩耶夫人親主城神名曰寶眼

鏡益教誡作如是言善男子應守護

心城謂樂排遣一切生死輪回境界

應莊嚴心城謂專趣求如來十力應

淨治心城謂畢竟斷除慳嫉諂誑應

增長心城謂增長大精進行求一切

智應防護心城謂摧碎魔輪禦捍一

切煩惱魔眾及惡知識應廣大心城謂

菩薩學論卷第八 第六節 主

以大慈普及一切世間應覆蔭心城

謂以廣大法蓋對治諸不善法應密

護心城謂遮諸世間內外所有無令

侵入應嚴肅心城謂欲排遣諸不善

法乃至善男子以菩薩得如是淨修

心城則能積集一切善根所以者何

由菩薩淨修心城故則無諸障礙謂

現前不住或見佛緣聽法緣等

論曰是故住此菩薩學者於心所行

得不動思等心不動外境不起妄念

不正知者謂於三摩地多其心動亂

或於他境而有攀緣若得正念正知

則外境不轉彼自在故無一攀緣乃

至求彼安住如先所說功用廣大今

利益解脫眾生故得修如是淨信云

何得一切處希望潤澤不遠不緩教

斯福行不捨眾生所謂不捨眾生者

是菩薩修作如法集經云喜見菩薩

白佛言世尊善哉以如是行眾生見

者俱生喜樂何以故世尊善哉餘無

所作唯一化度眾生世尊是名菩薩

法集

論曰如是復造何過失耶謂輕毀諸

菩薩學論卷第八 第七張主

佈及輕世間墮地獄中如燬煨覆苗  
熾然燒煑慎勿輕毀如前數說造此  
報者如寶雲經說輕毀禁戒不生淨  
信一心捨離諸眾生等又如彼言云  
何是菩薩學處乃至為諸菩薩不行  
非處無非時語知時知方若不如是  
即令諸眾生不起淨信何況護諸眾  
生及為己身威儀道行求菩提利益  
具足圓滿喜樂調柔於此現前合集  
無多執著又法集經云若護禁戒則  
護諸眾生應怖彼方謂於女人里舍  
勿共住屏處護世間者勿容故作又  
若受用水陸地等大小便利洩溲不  
淨屏處密弃諸利益心護天人者勿  
容故作且正法念處經云菩薩尚不  
以殘食施人若故作棄殘行者墮餓  
鬼趣又菩薩別解脫經說所向清淨  
不應現前擲小齒木亦勿現前遺彼  
洩溲如是於尊者者慙耻儀式一切  
處見皆非梵行畢竟經說修梵行者  
見是義已怖彼重罪又如彼說不應  
高語亦非儀軌如梵天所問經云應  
知菩薩者譬若新婦又菩薩別解脫

菩薩學論卷第八 第八張主

經云遠離世間人不喜作謂乃至不  
滿口食歌爵有聲不伸脚坐不露  
肘臂  
論曰如是自當遠離人見聞已不喜  
守護又如棄捨不喜作語亦不為  
難念隨所解於義可見故海意經云  
無衰弱語無麤獷語無熾然語無不  
實語無貪順卑下語無下劣語無覆  
藏語無瞋害語無動亂語無戲謔語  
無對面鬪諍語又如來秘密經云復  
次善男子菩薩無愛著語猛惡語癡  
亂語染污語缺漏記別語自分高強  
語佗分離散語自讚功能語破佗功  
能語不救拔語增上慢記別語十地  
經亦作是說謂若發言喜自眷屬破  
佗眷屬斷如是語謂應發言潤澤柔  
軟意喜適悅美妙可愛悅耳快然心  
行樂欲分明不謬所聞通達無不依  
止多人愛樂多人歡喜平等稱讚利  
益安樂一切眾生自佗眷屬意喜踴  
躍滅貪瞋癡一切煩惱如是行相若  
發語言乃至對向先發喜笑除損害  
故又虛空藏經云為尊長言極研慮

菩薩學論卷第八 第九張主

故為佗人言離覆藏故當樂攝受如  
是等語法集經云佛告虛空藏菩薩  
言菩薩不作此語令佗起瞋不作此  
語令佗起惱不作此語令佗無智不  
作此語令佗無益不作此語令發無  
明不作此語令佗眾生心不歡喜悅  
耳快然菩薩不作如是等語又海意  
經云略說於佗不生喜護云復有一  
法攝受大乘謂自錯課而常觀察於  
諸眾生隨所守護  
論曰此護身者不惱於佗如是佗人  
亦無惱害我於此論廣大積習菩薩  
利益應知常持是意謂安靜不動專  
重愛樂慚耻怖懼於佗寂靜一心親  
近及於眾生而常自在淨信等事若  
變若化持如是意彼護身者云何無  
有湯藥衣服藥共二種謂常受用藥  
及病緣藥常受用藥者如寶雲經說  
是故行乞食者應作四分一者分與  
同梵行人二者施諸貧苦三者餓鬼  
畜生四者自食然於飲食勿起耽嗜  
亦不多求乃至資養於身安住色力  
如其飲食得無懈倦不令身重所以

者何彼懈倦者於此善分樂後時得或令身重而多睡眠應知此等行乞食者現前獲得如是善分故實積經云若比丘入於城邑聚落乞食應以法莊嚴而行乞食所以者何謂若見可愛不可愛色見已不應起違順意如是可愛不可愛聲香味觸法見已皆勿起違順意攝護諸根使無散亂諦視一尋先所思法不捨作意不以食覆於心而行乞食若得食處不生樂著若不得處不起瞋害若至十家若過十家不得食者勿生憂惱當發是心此諸長者及婆羅門多作事緣不施我食乃至未曾攝受於彼況施我食如是行乞食者不生憂惱又乞食時見諸衆生若男若女童男童女乃至畜生起慈悲心若諸衆生見我所作及施我食皆生天趣如其所得精麤飲食受是食已徧觀四方此城邑聚落貧窮之者我以此食而分施之若見貧者於所乞食而為分與若不見有是貧窮者亦發是心以我真實徹眼境際所觀衆生我所乞食於

中上味願當施與持此食已詣阿蘭若處行杜多者淨洗手足於沙門行具諸儀式威力加持結跏趺座而飲食之乃至欲食如是作意此身中蟲有八萬戶共得此食皆得安隱我今以食攝受諸蟲我得善提復以法化若復不足發如是心若食少者令我身輕息除便利斷諸過惡身心輕安又少昏睡乃至於所乞食若復多者於食分量應行捨法於所乞食發如是心飛鳥麋屬希求飲食我當施彼又乞食比丘於諸味中不應生好味想乃至如旃陀羅童子應淨身心不應淨食何以故食美食已一切皆為臭惡不淨是故我今不應求美食也乃至不起是心謂此男子施食非女人施此女人施食非男子施童男童女亦復如是又云此是美食非麤糲食若入聚落應得恭敬非不恭敬應得富家若男若女童男童女種種美味非貧賤家所得飲食如是勿起一切不善作意乃至若有衆生著食味者造惡業已墮於地獄復次有知足

者不著美味捨細受麤舌根喜足若節約食者彼命終時得生天上人間或餘善道若天若人食天美食迦葉波如是行乞食比丘離於味愛調伏其心設唯敬熟豆亦不憂惱何以故為求聖道趣活身命是以故食以要言之佛言迦葉波若行乞食比丘值天大雨雲霧等時不能乞食乃至思法莊嚴以慈為食住是作意若二夜三夜欲斷食者應作是想彼毘摩羅界墮餓鬼中以慈作故於百歲中欲食少唾尚不可得我今安住甚深法中不應發起身心羸劣況復勤修聖道我今堪忍如是飢渴又總略云令在家人為作淨食敷座而座為說法要乃至彼作淨食受此食已從座而去迦葉波行乞食比丘不應自衛諛諛云何諛諛若為佗說此麤惡食而復不足乃至持此多衆共食若食少者令彼飢渴若有如是行相是名諛諛諸行乞食比丘應當棄捨云何真實謂食墮鉢中若麤若細及淨不淨皆悉應食不生憂惱唯淨內心以法

菩薩學論卷第八 第十三段 主

調伏住聖道故得活身命乃行乞食如最上授所問經云若人親近飯乞食者能於自他利益圓滿隨所了知彼乞食菩薩言如是乃至不為護身當如服藥入楞伽經說斷食魚肉義云如說菩薩修大慈故一切肉皆不得食乃至略彼偈云觀肉所從來膿血諸不淨修行淨行者當遠離食肉一切肉及葱蒜亦不飲諸酒韭蒜等亦然修行常遠離於牀吉祥卧及離覆油等孔隙諸眾生於中大驚怖乃至為利殺眾生或營財販肉是二種罪業死墮大號叫又總略云臭惡實可厭常生倒懸中及生旃陀羅或獵師屠膾生羅刹女中食肉諸種類貓狸夜叉等是人生於彼

菩薩學論卷第八 第十四段 主

竟皆斷一心捨離得淨諸見斷除我慢樂修福者漸令教入遠離食肉又如入楞伽經云為彼學者讀誦解說漸次繫屬依止巧妙章句彼修行者繫屬三種我為彼說令作斷除即是斷彼性近殺故說名常受用藥病緣藥者如聲聞毗奈耶說乃至我為利益梵行貨鬻衣鉢治療於身況復普救一切眾生由是菩薩見難得身於刹那頃獲此勝福世尊見此利益以自醫藥於修行者是為勝見故寶雲經說若得斷三種食彼時真實或不真實如是行相為住身命勿取勿食所謂酥油根莖果汁設見起對治心而不可食若復菩薩得重病時然後可食如其疾病命根欲盡勿惡作故斷彼善分無起疑惑斷除是心當如服藥最上授所問經說若受用衣去沙門者慙愧義故以衣覆身勿現肢體世間天人阿修羅等作佛塔想應知如持佛塔若不對治修離貪染使餘清淨則增長煩惱壞袈裟衣得此過咎為不隨樂修行莊嚴法服於善

菩薩學論卷第八 第十五段 主

作中而返惡作此袈裟衣為求聖道知對治故如一刹那頃亦復於身受持如寶積經說此因者佛言迦葉波若復嚴飾於身而不密護壞沙門功德法者是袈裟衣雖持於身而心不生尊重復次迦葉波如是色相名相似沙門以是緣故當墮地獄迦葉波以沙門色相相似故於地獄中衣熱鐵衣以覆頭上應器數具熱鐵所成所有一切受用資具悉皆鐵熾然焦爛彼說色相相似沙門得受是苦又寶雲經說若菩薩以身有疾肌體怯弱不處僧坊當顯露髮如是心謂佛如來社多功德以揀擇故對治煩惱我亦修作如契僧坊斷諸煩惱然於僧坊不起樂著亦不請求設得如是施者隨所攝受應知亦勿為我滿足彼經又云彼具儀式應疊雙足右脇而卧法服覆身正念正知起光明想不著睡眠為樂亦復不著彼脇此脇及餘肢分為樂乃至於四大種安住調息彼地方所一切受用皆為利益眾生之所建立若我愛樂受用

則生疲厭過咎如月燈三昧經云得彼  
細妙滋味飲食是食非解脫相應謂  
得彼食是則繫縛如象子卧非杜多  
行又寶積經云復次世尊說是受用信  
施亦時眾中離扼比丘於此法律聞已  
悲泣作如是言世尊我今寧取命終  
不復得果亦不受用一信施食佛言善  
哉善哉善男子斯言清淨如是行相  
耻具惡作怖他世罪佛言迦葉波我知  
信施此有二種說名解脫何等為二若  
離扼比丘及餘比丘學我所行見諸  
行無常領納諸受是苦信解諸法無  
我求涅槃寂靜者設食信施量等須  
彌及餘所施畧竟清淨若受施主物  
及信施食具大光明得大福報所以  
者何以諸增上慳貪令作福事是為  
慈心三摩鉢底復次迦葉波若比丘受  
施主所施衣服飲食已思入無量三摩  
地者令彼施主於作福事所求果報  
亦復無量迦葉波假使三千大千世  
界大海水竭是所修福亦無有盡

大乘集菩薩學論卷第八

甲辰歲高麗國大藏都監奉  
勅彫造

大乘集菩薩學論卷第八  
校勘記

- 一 底本，麗藏本。
- 一 六五二頁上一行經名、二行譯者、三行品名，〔徑、清無（未換卷）〕。
- 一 六五二頁上一三行「善法」，至此，〔徑、清〕卷第七終，卷第八始。
- 一 六五二頁上一四行「第六」，〔徑、清〕作「第六之一」。
- 一 六五二頁下一五行「沉酒」，〔徑、清〕作「耽酒」。
- 一 六五三頁上一二行「心無流轉」，〔續、南、徑、清無〕。
- 一 六五三頁中一六行「主城」，〔南〕作「王城」。
- 一 六五四頁上七行「何況護」，〔徑〕作「何云苦」。
- 一 六五四頁上一〇行「若護」，〔徑〕作「況護」。
- 一 六五四頁中六行「所解」，〔續、南、徑、清〕作「於解」。

- 一 六五四頁中九行「戲劇」，〔徑、清〕作「戲劇」。
- 一 六五四頁下二二行「資養」，〔續、南、徑、清〕作「資善」。
- 一 六五六頁上一二行末字至次行首字「肉食」，〔徑〕作「食肉」。



南囉拏囉拏虎羅羅羅羅羅羅羅

誦此於剎那頃諸作障者頻那夜迦

悉皆馳散諸天龍等皆以飲食衣服卧

具承事供養乃至加持淨水或隨意

所見而作守護又一切所作誦此不動

尊明王心真言曰

那莫三滿多囉惹囉囉囉囉囉囉囉

吒阿謨引法贊摩訶引嚕瑟引拏

薩普引吒引野引恒囉囉囉囉囉囉

引捨引嗟引末朗捺捺諦儒引摩

隸你薩嚩囉囉囉囉囉囉囉囉囉

若初食時誦此真言至一七徧次當飲

食彼諸藥王佛菩薩眾隨所念中消

諸毒類真言曰

恒訶引伊隸密諦底隸密諦伊

隸底隸密諦努努努努努努努

哩計引恒哩葛引囉振摩摩哩哩

摩哩摩引囉振葛悉引哩葛悉引

引囉日訶底引阿佉你阿佉那佉你

伊隸伊梨曳阿珂引以引曳阿播引伊

曳尾底悉尾引多敷捉阿那引努囉

吒薩嚩囉囉囉囉囉囉囉囉囉

復次若聞此明者於七年中不為蛇

螫毒不著身設為所螫蛇則頭破

七分如蘭香稍若持此明者乃至盡

其形壽不為蛇螫毒不著身此真

言句蛇前勿念所以者何蛇趣命終

故真言曰

恒訶引伊羅囉囉囉囉囉囉囉

訶引訶引底你訶囉囉囉囉囉囉

訶囉囉囉囉囉囉囉囉囉囉囉囉

囉囉囉囉囉囉囉囉囉囉囉囉囉

觀阿佉你引枿枿枿枿枿枿枿枿

薩耽引蓬枿枿枿枿也引枿枿

觀普銘枿枿枿枿枿枿枿枿枿

復次若為賊侵害當誦摩利支真言曰

恒訶引阿哩歌引摩泉摩哩歌

摩泉鈴體引囉囉囉囉囉囉囉

囉囉囉囉囉囉囉囉囉囉囉囉囉



者斷多財利乃至我決定說菩薩如是成  
辦由何趣入廣如最上授所問經說  
論曰若說為住修作當捨已事如維  
摩詰所說經云問曰維摩詰生死有  
畏當何所依答曰文殊師利菩薩生  
死畏中當依如來功德之力問曰欲  
依如來功德之力者當依何住答曰  
欲依如來功德之力者當依一切眾生  
而住又問曰欲依一切眾生住者復何  
所住答曰應住解脫一切眾生故又如  
法集經云向主菩薩自言世尊若菩  
薩樂欲菩提最先一切眾生不為已  
事乃至世尊是名法集  
論曰捨此即成自利問何故減失利益  
眾生謂懷怖懼不為眾生自任重負  
由減失故不觀利住唯於世間修自  
利行復何差別謂若菩薩不棄已德  
而成住善或怖惡道自受苦惱此為二  
種謂若是苦我或當受故不應捨如  
經所說獲大罪報如寶積經云佛言  
迦葉波有四種法說名相似菩薩謂自  
利未安而不濟度苦惱眾生等又最上  
授所問經彼說次第若云先無執則

是菩薩學子亦如法集經云具壽須  
菩提語無所發菩薩言善男子菩薩  
當云何住答曰若為眾生不捨正行  
問曰云何為諸眾生不離正行答曰  
謂不捨大慈大悲須菩提言云何菩  
薩大慈答曰若以身命及諸善本當  
施一切眾生而不求報又問云何菩  
薩大悲答曰若菩薩樂欲菩提最先  
一切眾生而不自取證彼經復說此  
一切菩薩學處以大悲為本世尊畢竟  
令彼不斷利他是菩薩義故定非究  
竟是中我當觀大福海施大義利匪  
定一向違害生滅又決定寂靜神變經  
說彼昔有王見一比丘於千歲中入滅  
盡定以是緣故有諸比丘讀誦經典  
求菩薩行尊重法欲受信施食發如  
是心我為求法以此善根為法捨施百  
錢迦羅羅努且底執著妙樂等事如前次  
第說無過失或俱說為護受用福  
論曰復次廣樂自利果報守護清淨  
如那羅延所問經云守護戒者非國  
王因非天趣因非爍迦羅因非受用  
因非富樂因非形色因非顯色因非

美譽因乃至守護戒者無地獄恐怖  
如是無畜生琰魔羅界恐怖以要言  
之守護戒者唯除住佛眼者乃至守  
護戒者利樂一切眾生相應義故彼戒  
蘊菩薩如是行相得具足十種無減  
失法何等為十所謂得轉輪聖王而  
無減失求佛菩提亦無雜亂得爍迦  
羅亦無減失願覩諸佛得無障難如  
是為梵天王亦無減失聽聞妙法得  
無退墮乃至如其所聞讀誦經法具  
菩薩行皆無減失於諸善法不斷辯  
才求深禪定亦無減失乃至如是住  
戒蘊菩薩摩訶薩常為一切之所禮  
敬謂天龍夜叉乾闥婆等供養恭敬  
歌詠讚歎亦為諸龍王阿修羅王等而  
常尊重利利婆羅門長者居士等之  
所親近及諸智者而常讚仰為佛嗟  
咨若天若人一切眾生之所憐愍乃至  
不行四種之行唯除化度眾生何等  
為四所謂不行無相之行亦復不行  
空諸佛刹又亦不行生邪見家及墮  
諸惡趣  
論曰如前所捨彼煩惱力及憍慢等

大乘集菩薩學論卷第九 第五張 主

守護福報亦復布施然於是福自不  
希報此欲守護唯為利作後不生悔  
如最上授所問經云若布施已是心設  
不生悔而逐彼後者憂不憂等皆  
名追悔滅滅福報令罪增長若不  
發露於佛覆蔽而翻彼善說為罪性  
復次於彼罪惱行懺除者由此無罪  
而獲福喜

論曰利益眾生者不以財利之心而  
為發露如寶雲經執譬如禁王而自  
讚已德不為過失復說欲守護福者  
於名聞利養菩薩常當遠離高舉  
以清淨法捨愚癡暗

大乘集菩薩學論卷第九

甲辰歲高麗國大藏都監奉

勅彫造

大乘集菩薩學論卷第九

校勘記

- 一 底本，麗藏本。
- 一 六五八頁上二行譯者，徑、清作  
「宋西天三藏朝散大夫試鴻臚少  
卿宣梵大師日稱等奉詔譯」，下至  
卷第二十三同。
- 一 六六〇頁中九行「第七」，徑、清作  
「第七之一」。

大乘集菩薩學論卷第十 三

護受用福品第七之二

寶積經云佛言迦葉波若菩薩具此四法則未生善法令滅已生善法亦不增長何等為四謂於世間深著過慢巧構言辭耽著利養樂觀種姓嫌讚菩薩於未說未聞契經而輒生誹謗又說一切有部云如是髮毛爪塔及諸身分見已淨信發恭敬心是大德比丘比丘尼等從此地面下過八萬四千踰繕那至金輪際是比丘所有若干沙數千倍轉輪聖王受用福報乃至具壽優波離向如來前合掌恭敬而白佛言世尊若佛所說是比丘善根如是廣大世尊云何有是善根言汝於此尚能散滅佛言優波離謂忍此動亂而隨彼見如彼梵行而親梵行優波離由斯善根亦復廣大然汝於此尚能散滅優波離是故當如是學又若積薪所焚心可無壞況彼識身等文殊神變經云所對害者謂百劫中積修其善有所滅失說為對害

華嚴經說普持眾生妙德夜神因緣如前已說

論曰當於是時互相誹謗增不善本減失壽量色力安隱悉皆減少無有少分示饒益者唯說追求名聞利養作高舉事如寶雲經說佛言善男子菩薩得珍寶聚量若須彌而取彼施或得弊陋之物亦取彼施所以者何彼如是思惟由此眾生慳貪嫉妬惜自佗物而常鬪諍以是因緣劇生死海之所沈溺我欲於彼令長夜中利益安樂故受彼施然竟不作已有亦復不起貪著之心唯為供養諸佛法僧亦復轉施一切眾生如貧苦者得活身命亦令施者極生歡喜具如彼說得施無憍慢彼復又云設有人來以施因緣歌頌稱讚是人不生高舉逮無憍慢又若於我歌頌稱讚謂起即滅非久如問設使再三於諸音處歌頌稱讚當生何智謂諸法無常無住無強無力令心卑下勿生高舉逮無憍慢如是菩薩於名聞利養歌頌稱讚等事悉往王念彼復又云譬若旃陀羅子遊行

世間卑下其意得離憍慢隨所住已生乞食想復如彼說善男子一者菩薩若捨家出家為諸親眷朋屬之所棄捨猶若死屍以是因緣摧伏我慢二者已毀形好被壞色衣身貌異俗以是因緣摧伏我慢三者剃除須髮手持應器於親非親遊行乞食以是因緣摧伏我慢四者如旃陀羅子卑下其心遊行乞食以是因緣摧伏我慢五者由乞食故得遂生成為佗繫屬以是因緣摧伏我慢六者雖為佗毀為乞食故亦受彼施以是因緣摧伏我慢七者尊重供獻阿闍梨等以是因緣摧伏我慢八者行住威儀安詳平正令梵行者見已歡喜以是因緣摧伏我慢九者於諸佛法所未得者願此當得以是因緣摧伏我慢十者於瞋忿心有情之中多行忍辱以是因緣摧伏我慢又海意經云若菩薩得身清淨具相莊嚴手足柔輭殊妙可愛成福生身諸根不減身分圓滿然於形好亦無辭傲不以嚴身而求觸樂若諸眾生種種色相菩薩

大藏經菩薩論卷第十 菩薩 主

爾豈為求法故謙下恭敬彼經又云  
譬如大海處地卑下所有一切江河及  
諸細流疾趣入世尊菩薩敬重師  
尊心不高舉亦復如是一切甚深法  
門及微細善於其耳根速疾趣入世  
尊是故菩薩安住正念若高舉我慢  
不重師尊亦不恭敬禮拜當知菩薩  
是為魔鈎所制又如出世間品云佛言  
佛子菩薩有十種魔事何等為十一  
者於和尚阿闍梨父母沙門婆羅門住  
於正行向正道者不起尊重是為魔  
事二者謂諸法師說殊勝法說廣大法  
於大乘中知涅槃道及餘契經得總  
持王無有休息然於法師不起尊重  
及於所聞不作善巧是為魔事三者  
然於會中聞說大法於法師所不樂  
讚美況起淨信是為魔事四者好起  
過慢自執已見陵蔑他人固知已短心  
無揀擇是為魔事五者好起過慢自  
無知覺於阿羅漢補特伽羅隱蔽覆  
藏作實有德謂不如已應讚不讚是  
為魔事六者了知是法是律真為佛  
語為嫌其人頗嫌其法謗正法已於別

菩薩論卷第十 第五 主

受持是為魔事七者自求高座謂言  
我行道法不應親近執事於他久修  
梵行大德者舊不起承迎是為魔事  
八者貌不温恭復多嚙感言極麤獷  
心伺過惡是為魔事九者由增上慢喜  
調戲故不親有德不生恭敬亦不諮  
問何者是善何者不善何者應作何  
者不作又何所作於長夜中而得安  
樂利益又何所作於長夜中而不能  
得安樂利益癡冥頑很為慢所持不  
明出要是為魔事十者由慢所覆設  
過佛出亦復遠離壞風善根竟無新  
起說不應說多起鬪諍謂此法行返  
為是趣墮大邪惡於菩提心根力聖  
財斯不可得百千劫中常不值佛況  
復聞法是為十種魔事佛言佛子菩  
薩捨此十種魔事得十種智業  
論曰此中智業者說善住化度一切  
眾生等護國經云彼人墮蔑戾事罪  
惡邊地貧賤中生聾盲闇鈍而無威  
德親近愚蒙執著我慢又如法集經  
說謂諸菩薩欲取佛土者即眾生土  
是為佛土由是得諸佛法不壞正行

大藏經菩薩論卷第十 第六 主

謂諸善行惡行無不依止眾生而轉  
故惡行者依罪惡起彼善行者依人  
天等寶光明陀羅尼經云佛言佛子  
此初發心菩薩先於一切眾生發十  
種心何等為十所謂利益心安樂心  
憐愍心潤澤心愛樂心攝取心守護  
心平等心教授心稱讚心是十種發  
心為若此入解信力財印經云我已得  
住一切眾生作弟子者亦令住一  
切眾生作弟子故俱獲安隱以要言  
之我已先住恭敬禮拜亦化一切眾生當  
住恭敬禮拜又如維摩詰所說經云若  
樂說世間清淨無難故則隨所化調伏  
一切有情來生淨佛國土  
論曰若踞座洗足思惟應何所作愛  
樂尊重等事故華嚴經云亦時有王  
名法音蓋於大眾中處師子座有諸  
人眾一皆合掌住立其前如是恭敬  
為王作禮乃至亦皆法音蓋王見諸  
人者生大歡喜具大悲愍假使三千  
大千俱為轉輪聖王經無數劫所得  
妙樂過於前說乃至淨居天王於無  
際劫行寂靜解脫門亦過前說善男

子譬若有人唯行愛育父母兄弟姊妹朋屬男女妻妾皆久乖離後於曠野斂然值遇更相慰問極生愛重瞻視無厭善男子此法音蓋王亦復如是見來乞者具大愛樂心生喜樂發起最上大希有心乃至於諸乞者生一子想生父母想生福田想善知識想堅固力想極難得想難行能行想多作想最上成辦想近住菩提道想阿闍梨教誡想如其來者知眾生性之所承事平等無礙一切捨施設棄己身如其所欲復次選地清淨塗拭莊嚴捨自利樂等

壽阿難陀於病者比丘為浣彼衣如來尚以親手與水乃至總略時具壽阿難陀如彼病比丘所唱言善哉汝當為起我今侍汝於外住已如來亦復親手與水語阿難言  
汝廣大承事 濟度生歡喜  
為憂苦損惱 捨離於眾生  
若人此淨信 成就良福田  
所有世間中 非餘眾生類  
譬如意賢餅 欲悌醇乳汁  
尊重彼天言 是故生恭敬  
亦如新婦法 承事無暫捨  
救無量眾生 後當獲出離  
又若現前尊 任持於頂上  
置眾生髻中 一心故無動  
設墮阿鼻獄 若今造當造  
諸廣大度門 脩行如是善  
自我為主宰 我義不可得  
於彼彼造作 不為慢所使  
喜樂淨諸根 苦故入煩惱  
由喜默諸根 為作斯化度  
眾生若在苦 舉身如談然  
於諸欲悅意 有方便憐愍

愍諸造苦者 故我求是苦  
若倦於忍默 如罪當懺悔  
設於世尊所 頂足俱散壞  
我捨諸世間 承事如來故  
我造諸眾生 憐愍無疑惑  
見如是等人 由何不尊敬  
我親事如來 正成於自利  
為除世間苦 故我持淨戒  
假若一強人 摧壞於大眾  
願長觀眾生 使無能作者  
又若眾強人 一一如王力  
沉無如是威 何容行酷罰  
設逢暴主時 治官獄平等  
力行悲愍心 拯濟於群有  
極怒何所為 寧同地獄苦  
若惱逼眾生 造此亦當受  
大喜何所施 豈容獲正覺  
若悅豫眾生 造此亦當受  
汝後當作佛 出濟諸眾生  
云何不暫觀 現任稱讚者  
巍昂清淨身 及壽量長遠  
逮得生死忍 轉輪王妙樂  
若慈心供養 名大身眾生

以佛淨福報

為佛大身者

大乘集菩薩學論卷第十

第七段上

論曰修慈心觀如月燈經云乃至供養無量無數百千萬億不可稱量歌羅頻婆羅等諸佛刹土如是供養已不如以一慈心如是次第供養恭敬常得遠離高舉不如理作意

論曰心人解是事如寶雲經說善男子云何菩薩不如理作意為是菩薩獨處閑靜住無雜亂發如是心我由獨處閑靜住無雜亂故唯我能順如來法律汝諸沙門婆羅門等皆住雜亂於輪迴行多所耽著不能隨順如來法律是為菩薩得不如理作意彼經復說菩薩起精進時於此精進不拒教誨謂不自矜已德亦不陵蔑他人如是名為善惠發生然於自所脩習亦求佗誨如是菩薩得謙下精進

論曰已略說此護受用福若迴向菩提如無盡意經云佛言舍利子若人以少善根迴向菩提乃至坐菩提場終無散滅譬如一沛之水隨大海中乃至住劫邊際終無散滅  
清淨品第八

論曰護身等說有三種清淨今當說

大乘集菩薩學論卷第十

第七段 主

是義云何謂已身受用清淨俱獲安隱若大於身示現淨飲食成熟正等菩提如秘密大乘經云復次菩薩於大城邑大塚壙間以無數百千眾生充滿其中而菩薩摩訶薩示死滅相現傍生趣大身眾生乃至令食身肉於命終時得生天界及餘善趣以是因緣乃至最後入於涅槃所謂菩薩宿願清淨於此長夜酬其宿願作利益事臨命終時令食身肉以是因緣得生天界乃至最後入於涅槃謂若成就持戒成就思惟成就希求宿願如是彼經復說現法身光為諸眾生作利益事寂惠當知譬如活命醫王集諸妙藥搗師和合成女人相姝妙端正人所樂見而善安立施作等事行住坐卧如其分別諸有國王王子大臣官長長者居士而或來詣活命醫王時彼妙藥所成女人相與給侍由給侍故一切輕安得無煩惱佛言寂惠汝且觀是活命醫王深植妙樂除世間病然餘醫師無有是智寂惠現

法身光菩薩亦復如是乃至男子女人童男童女及餘眾生為貪瞋癡徧觸其身熾然燒者若彈指頃一切煩惱遠離燒者身獲輕安所謂菩薩宿願極清淨故

大乘集菩薩學論卷第十

第七段 主

論曰此身清淨義者譬如苗稼為草所覆而不滋茂是菩提芽為煩惱覆亦不增勝若不行對治思惟怖求何容解脫令彼增長汝諸世間一心伺察罪業清淨則身器清淨說為正覺復次罪清淨者四法經云佛言慈氏若菩薩摩訶薩成就四法滅先所造之積過罪何等為四所謂悔過行對治行制止力依止力復次悔過行者於不善業行多所改悔二對治行者謂造不善業已極為善業及餘利益之所對待三制止力者由讀誦禁戒得無毀犯四依止力者謂歸依佛法僧寶亦不棄捨菩提之心由能依止是力決定滅彼罪等佛言慈氏是為菩薩摩訶薩成就四法滅先所造之積過罪

大乘集菩薩學論卷第十

甲辰歲高麗國大藏都監奉

勅彫造

大乘集菩薩學論卷第十

校勘記

- 一 底本，麗藏本。
- 一 六六三頁中末行首字「王」，**磧**、**南**、**徑**、**清**作「正」。
- 一 六六四頁中八行「不作」，**徑**、**清**作「不應作」。
- 一 六六五頁上一二行首字「已」，**清**作「自」。又第六字「欲」，**清**作「從」。
- 一 六六五頁上二二行第五字「洗」，**清**作「先」。
- 一 六六五頁中一四行「任持」，**磧**、**南**、**徑**、**清**作「住持」。
- 一 六六五頁下七行第六字「正」，**磧**、**南**、**徑**、**清**作「至」。
- 一 六六六頁上末行「第八」，**徑**、**清**作「第八之一」。
- 一 六六六頁中二二行「妙樂」，**南**作「妙藥」。
- 一 六六六頁下一行首字「法」，**磧**、**南**、**徑**、**清**作「土」。

- 一 六六六頁下六行第三字「此」，**南**、**徑**、**清**作「已」。

大乘集菩薩學論卷第十一 主

清淨品第八之二

論曰復次應知說悔過行如金光明

經偈云

十方住世	兩足之尊	以悲愍心
當證知我	若我先造	廣大罪業
住十方前	皆悉懺悔	未識佛時
未識父母	未識善惡	我造此罪
自恃種族	及恃財寶	盛年傲逸
我造此罪	心念口言	造眾惡業
謂不可見	我造此罪	愚夫惡行
煩惱覆心	由無智暗	近惡知識
遊戲樂著	或住憂恚	財無厭足
我造此罪	貧窮誑詐	由生慳嫉
不親聖人	我造此罪	因欲生怖
於去住時	不得自在	我造此罪
因欲恚怒	動擾其心	飢渴所逼
我造此罪	飲食衣服	由斯三種
諸結熱惱	我造此罪	身語意業
三種惡行	具如是相	我悉懺悔
若於佛法	及聲聞眾	不起尊重
我悉懺悔	又若緣覺	及菩薩眾

不生恭敬 我悉懺悔 或於有德

諸說法師 不起承迎 我悉懺悔

由謗正法 而常無智 不敬父母

我悉懺悔

十方三世佛

心運無緣悲

我於百劫中

常懷憂怖心

又心常怯弱

於四威儀中

諸佛具大悲

今當願攝受

我先造諸罪

以佛大悲水

又若此罪惡

若已作之罪

若未作之業

謂身業三種

與意業三種

論曰菩薩所得罪犯約勝說有輕重

故優波離所問經云於根本罪等比

而說何者復重佛言優波離住大乘

菩薩如犯苑伽沙數貪罪與一瞋罪

大乘集菩薩學論卷第十一 主

觀察護念我

哀受我懺悔

先若造諸罪

哀愍願消除

怖此諸過各

曾無歡樂想

除諸世間怖

解脫諸怖畏

對如來發露

洗滌煩惱垢

一切皆懺悔

皆不敢覆藏

一切不復造

及語四過愆

一切皆懺悔

論曰菩薩所得罪犯約勝說有輕重

故優波離所問經云於根本罪等比

而說何者復重佛言優波離住大乘

菩薩如犯苑伽沙數貪罪與一瞋罪

大乘集菩薩學論卷第十一 主

於菩薩乘為作校量此二罪中瞋唯

屬重所以者何優波離起瞋者捨離

眾生然起貪者愛護眾生優波離若

愛護眾生則不為煩惱於菩薩所無

有災橫等怖乃至是故優波離若有

犯貪罪者皆名無罪是義云何愛護

眾生者如前增勝故我說深心有是

悲愍佛言優波離菩薩若無方便善

巧則畏犯貪罪若菩薩有是方便善

巧者則怖犯瞋罪而不怖犯彼貪愛

何以故方便善巧者具悲智二種而

不捨離眾生若捨眾生者唯一智惠

悟解苦空或唯悲愍非之如問為煩

惱力之所滅滅如方便善巧經云善

男子譬若持明之人為彼羅索五處

繫縛以真言王於所求法即能超越

由一真言明力悉能斷除一切縛法善

男子是菩薩方便善巧受五欲樂

亦復如是然於所作不亂正行謂若

以一智力徧一切智心淨諸欲樂當

生梵世

論曰瞋義云何謂本性為大罪故由

廣分別不生方便悲愍行恚怒者

然非利益何名過失以容受彼則長  
養煩惱滅失悲愍斯為過失斷此根  
者後當可見若菩薩如於眾生失悲  
愍心則於眾生廣大利益相續滅失  
故聖諦品云應知如父見子起悲愍  
心謂若弃除世間利樂悲愍則亦當  
遠諸有智又若菩薩勤行於欲滅  
失利益是故說貪過各得二種難彼  
著欲者譬無目人違害父母於下劣  
欲而生苦惱損滅天趣又著欲者毀  
犯禁戒遠離人境是故希求已樂狀  
捨他苦非真實見應以他苦惱如已  
苦惱然不自脩習起二種失如月燈  
經說佛告阿難假使有人從足至頂  
洞然熾發成一火聚復有人來語如  
是言我勸汝身共受五欲歌舞嬉戲  
佛告阿難於意云何是人勸就此身  
可共五欲歌舞嬉戲不阿難白言不  
也世尊佛告阿難是人於歌舞嬉戲  
由分別橫起勸就此身共受五欲歌  
舞嬉戲如來不尔往昔修菩提行  
時見諸眾生三惡道苦及貧窮者心  
無悅樂

論曰世間有子不見父母懷擔痛苦  
有此大恩唯見已樂或親非親愍惜  
覆蔽守護善法幢者勿行邪欲此於  
眾生或為利益或復損害謂若繁纏  
嗜彼欲者斯為過咎具正梵行作利  
益故若比丘入是行處應如母妹而  
供侍之不應於佗如梵行類成就眾  
生固當遠離如無盡意經云於時非  
時復捨其所作或見眾生增上利益  
亦住是學處又方便善巧經云昔光  
明梵志於四万二千歲中嚴持梵行  
住十步已發生悲愍設犯禁戒受地  
獄苦不應弃彼令趣命終善男子是  
光明梵志即時執彼右手作如是言  
姊起如其所欲以要言之善男子如  
是深妙欲中起大悲心於十千劫受  
輪迴苦後復還修梵行善男子以菩  
薩方便善巧得生梵世彼經又說若  
有菩薩為一眾生發善根者於其色  
相如罪所墮百千劫中受地獄苦之  
所燒煮世尊彼菩薩然起是罪無地  
獄苦謂由於一眾生亦不捨離此善  
根故彼經又云善男子此方便善巧

菩薩有極重罪謂或時遇惡知識勸  
就此蘊取證涅槃然於後際不復堪  
任被斯鎧甲何容化度一切眾生故  
我不起是心如彼輪轉化度眾生又  
若設有是罪如其法行使無過各善  
男子若出家菩薩一切分別所造過  
四重罪是菩薩具方便善巧者隨起  
即悔說為無罪如寶雲經所明造極  
無間者謂令人死聲聞律中名根本  
罪處又若剝剝鹿屬如起悲愍說為  
無罪此貪得者若菩薩起貪猶生善  
趣則不應瞋怒如說方便善巧菩薩  
樂作貪暗於妙女色極樂修作數數  
願求生女人中獸彼貪心捨女身已  
得丈夫相成大身者佛告阿難汝見  
如是功德不自餘眾生雖行如是起猛  
利貪然猶出離苦器生人天趣乃至藥  
王大士云何菩薩起瞋謂若發生煩惱  
何容施諸妙樂等  
論曰若為此名聞如是於餘眾生利益  
方便設起貪者說為無罪此方便善  
巧菩薩所造利益而不弃捨眾生廣  
如彼說然非得地六度妙行於此伺

大業集菩薩摩訶薩卷第十一 第七 主

察極善相應是故不容瞋等又優波離所問經云佛言舍利子菩薩有六大罪何等為二謂心與瞋俱及與癡俱乃至舍利子應先志誠懺十惡罪及五種僣亦當懺悔謂手執眼觀心難制止或於一衆生兼餘二種舍利子復說有重五無間罪謂具作此菩薩或時於他婦女捺行非法手斷命根盜佛塔物四方僧物菩薩今時如犯彼罪應向三十五如來前於晝夜中一懺悔云我某甲歸依佛歸依法歸依僧

- 那謨釋迦牟尼佛
- 那謨金剛消伏壞散佛
- 那謨寶藏佛
- 那謨龍自在王佛
- 那謨勇猛軍佛
- 那謨勤勇喜佛
- 那謨寶火佛
- 那謨寶月光佛
- 那謨不空見佛
- 那謨寶月佛
- 那謨離垢佛
- 那謨勇施佛
- 那謨梵德佛
- 那謨水天佛
- 那謨水王佛
- 那謨水天佛
- 那謨賢吉祥佛
- 那謨梅檀吉祥佛
- 那謨無邊威德佛
- 那謨光吉祥佛

大業集菩薩摩訶薩卷第十一 第八 主

那謨無憂吉祥佛 那謨那羅延佛 那謨華吉祥佛 那謨淨照明游戲神通佛 那謨蓮華光游戲神通佛 那謨財吉祥佛 那謨念吉祥佛 那謨善名稱吉祥佛 那謨因陀羅網幢王佛 那謨善游步吉祥佛 那謨安祥行佛 那謨勝游步佛 那謨普徧光嚴吉祥佛 那謨寶蓮華勝游步佛 那謨寶蓮華善住娑羅樹王佛 如是現前乃至一切世界如來應供正等正覺惟佛世尊觀察護念我於今生或至餘生及無始來生死輪轉造業罪自作教他見作隨喜或盜奪堵波物四方僧物五無間業十不善業道自作教他見作隨喜由斯業障毀除禁戒應墮地獄或傍生趣酸魔境界若生邊地及穢戾車生長壽夭設得為人諸根不具深著邪見離佛出世此諸業障佛以真實惠真實眼真實證明真實稱量悉知悉

大業集菩薩摩訶薩卷第十一 第九 主

見今悉懺悔不敢覆藏若我毀犯禁戒等罪願佛世尊觀察哀愍若我今生或至餘生及無始來生死輪轉乃至於傍生趣或嘗施一搏食護一淨戒若脩梵行所有善根化度衆生發菩提心及無上智一切善根如稱量已無不迴向最上最勝阿耨多羅三藐三菩提果我今亦如過去未來現在諸佛之所迴向乃至偈云 懺除一切罪 諸福皆隨喜 及勸請諸佛 演說無上道 過去及未來 現住人中尊 無邊功德海 一切歸命禮 舍利子是菩薩於三十五如來前如是作已是諸如來隨知作意得罪清淨由罪清淨故此諸佛世尊當現其前如是解脫利益衆生現諸相好由是愚夫異生於此化度輒生疑惑乃至一切聲聞及緣覺衆而不能使彼惡作罪處清淨地若有菩薩於此諸佛如來名号而常持念晝夜三時轉正法行出離彼罪得三摩地說此是名悔過及對治行

論曰讀誦甚深經典得彼罪滅如能斷金剛般若波羅蜜多經云復次須菩提若善男子善女人受持讀誦此經若為人輕賤所以者何是人先世所造罪業應墮惡道由見是法以今世人輕賤故先世罪業則為消滅得佛菩提等論曰信解空性得罪惡清淨故如來藏經云佛言迦葉波有十不善業道是為大罪此最極殺生者謂若殺父斷緣覺命最極不與取者謂若欺奪三寶財物最極欲邪行者謂起汚母及無學尼最極妄語者謂言我是如來最極兩舌者謂於聖眾作離間語最極惡口者謂呵毀聖賢最極綺語者謂巧構浮飾亂諸法欲最極貪者於正道財利起侵奪心最極瞋者於五無間無悲愍心最極邪見者謂橫起僻執深險惡見迦葉波若一眾生具足如是十不善業道大罪者如來以是因緣宣說法要為令悟入無我無人無眾生無命者無作無受是行是造作是幻化然諸法性即煩惱性入解諸法自體明亮信解諸法種

種清淨我不說有眾生墮惡趣者又淨諸業障經云復次文殊師利若菩薩觀非律是律則見罪非罪觀輪回界即涅槃界則見諸煩惱是為緣生當知是人得業障清淨又底哩三昧耶王經說對治行云若閉目觀緣諸佛菩薩誦百字明八十遍已開眼備觀佛菩薩等得離彼罪或右繞佛塔誦八十遍塔像經典隨一現前如儀廣說又尊那陀羅尼經云若念誦已乃至夢見是相得滅彼罪若夢天女授乳酪飯得離彼罪或見日月昇虛空中猛火水牛及黑丈夫怖走而去又若夢見比丘比丘尼眾或乳木樹白象白牛山峯舡舫剎大殿堂及師子座聽聞妙法應知悉是罪滅之相又如來形像品說對治行云譬若有人不淨塗身臭惡可厭以水洗灌施妙塗香而彼臭惡即時遠離如是造作五無間罪具足徧行十不善業道若得信解如來造佛形像得離彼罪由無罪故智惠殊勝具菩提心由殊勝故而或出家堅持淨戒花積施羅

尼經云尔時師子游戲如來當住於世經百千歲施諸妙樂時彼如來般涅槃後起舍利塔若人以菩提心持彼一花供養如來合掌稱名或洒水為淨及一花鬘塗香花燈乃至身行一步起諸言說稱南無佛於彼師子游戲如來勿應疑惑若於一劫百劫千劫返墮惡道者則無有是處又藥師瑠璃光王經云若持五戒十戒菩薩四重戒出家比丘二百五十戒比丘尼五百戒如於所受或有毀犯怖墮惡道若人專念藥師瑠璃光王如來名号如其供養是人決定不墮惡趣尔時世尊告阿難言若我稱讚彼佛世尊藥師瑠璃光王如來所有功德是為諸佛甚深境界汝無疑惑生實信不尔時具壽阿難隨白佛言世尊我於如來所說經中不生疑惑所以者何一切如來身語意中所集善行無不清淨世尊此日月輪最為高遠具大威光可使陸地妙高山王亦可傾動是諸佛言終無異也世尊然有眾生信根不具聞說諸佛甚深境界便發是言

大乘集菩薩學論卷第十一

蘇亮 主

由何唯念一如來名便獲余所功德  
 勝利由斯不信便生誹謗於長夜中  
 退失利樂佛告阿難若聞彼佛名墮  
 惡趣者無有是處阿難此是諸佛甚  
 深境界難可信解阿難汝信解者應  
 知皆是如來威神之所建立非諸聲  
 聞緣覺未登地者唯除一生所繫菩  
 薩摩訶薩故彼經又云若餘淨信善  
 男子善女人鄔波索迦鄔波斯迦具  
 足八分齋戒一年三年受是學處以  
 此善報願生西方極樂世界無量壽  
 如來前者若得聞是藥師瑠璃光王  
 如來名号是人臨命終時八大菩薩皆  
 以神通來示正道復有種種間色世  
 所希有衆寶蓮華自然化生或復生  
 於天上如是生處而宿植善根彼無  
 窮盡亦復無有墮惡道怖彼天歿  
 已復生人世為轉輪王統四大洲

大乘集菩薩學論卷第十一

甲辰歲高麗國大藏都監奉

勅彫造

大乘集菩薩學論卷第十一

校勘記

- 一 底本，麗藏本。
- 一 六六八頁中一〇行「歡樂」，徑、清作「飲樂」。
- 一 六六九頁上六行第五字「除」，磧、南、徑、清作「他」。
- 一 六六九頁上九行第六字「目」，磧、南、徑、清作「知」。
- 一 六六九頁上一〇行第八字「天」，磧、南、徑、清作「失」。
- 一 六六九頁中一行第一二字「檐」，磧、南、徑、清作「耽」。
- 一 六七〇頁上一九行「勇施佛」，清作「善施佛」。
- 一 六七二頁下七行第三字「來」，磧、南、徑、清作「人」。

大乘集菩薩學論卷第十二主

更詳論善惡業緣及善惡業緣門等事

清淨品第八之三

與無量百千萬俱胝衆住十善業道後復生彼刹帝利婆羅門長者大種族中財物豐饒庫藏盈溢色相眷屬皆悉具足彼經又云若有女人得聞是藥師琉璃光王如來名號受持者後轉女身又文殊莊嚴佛刹功德經云妙吉祥言我亦恭敬是惠上菩薩光幢菩薩如意願菩薩寂根菩薩若有女人持是四菩薩名者得轉女身後不復受

論曰對治行略如前說制止力今當說如地藏經云若菩薩摩訶薩離殺生者即是施與一切衆生無憂無怖及無悲惱驚懼毛豎以斯善根果報所有前際乘五趣輪溺生死海因是殺生造身語意一切業障自作教他及隨喜作由此遠離殺生輪故一切摧滅乃至不受其報於現身中得壽命長遠諸天及人之所愛樂復次善男子若菩薩摩訶薩乃至

大乘集菩薩學論卷第十二 善法 三

盡形壽離不與取即是施與一切衆生無憂無怖及無熱惱不生動亂於自財利而行喜足終不希取非法之利以斯善根乃至因是遠離不與取故一切業障摧滅無餘不受其報以要言之如是十不善業道亦能對壞自所修善如月燈經云聞瞋滅罪者如說凡愚不實瞋罵誹謗者安住忍伏盡諸往昔所造罪業及於菩薩所起瞋等

論曰制止力已如前說依止力今當說故諸緣起中釋云若能歸依佛者不隨惡道捨此人身得生天趣若法若僧亦同上說又慈氏解脫經說菩薩淨諸罪業者諸不善法遍若大地而劫火起時一切所有無不燒者乃至壁屋若有人以喝吒迦汁一兩點于兩鐵而作黃金非彼多鐵能令少汁而返成鐵此發一切智心亦復如是以一善根迴向智能攝受一切業煩惱障成一切法智非諸業煩惱障能令一切智心而為煩惱善男子又若有人持以一燈入照暗室即時能破千年

大乘集菩薩學論卷第十二 善法 三

復古之暗此發一切智心亦復如是如入一衆生心無明暗室俱能破壞百千不可說劫復古業煩惱障發智光明善男子如大龍王首戴如意摩尼寶王冠無他冤敵等怖此菩提心亦復如是若菩薩具大悲心無有惡道冤敵等怖優婆塞所問經云此住大乘菩薩摩訶薩於初日分時有毀犯罪當中日分時不捨行一切智心如是菩薩得戒蘊具足若捨行一切智心則菩薩戒蘊亦復具足我應復說如是次第佛言優婆塞此住大乘菩薩或時捨戒學處然於彼菩薩勿起惡作亦勿隨轉若復於彼聲聞乘者展轉說為有毀犯罪然聲聞人謂失戒蘊應如是知乃至廣說忍辱品第九

論曰此不遠離有多門轉而善守護令戒長養如是離業障縛破煩惱結乃至聞忍不忍滅失精進怠惰俱故或復不聞不知等持方便由無方便淨諸煩惱是故懈退唯聞脩習

了難亂行誦誦習勤苦依止山林  
大非集菩薩摩訶薩經卷第廿一 第五品 主 苦  
 彼修行者暫息難亂而心無等持  
 然此止息亦等持攝尚無少果況  
 餘淨諸煩惱設修此觀亦亡少善  
 乃至說淨諸煩惱法集經云此說忍  
 有三種謂安住苦忍諦察法忍耐究  
 害忍安住苦忍者得究竟行對治  
 苦怖及得除遣著樂之愛餘二種惱  
 彼云何說謂瞋恚懈怠等月燈經云  
 著樂之者亦不捨苦又寶雲經說若  
 內懷憂悲苦惱者住方便調伏忍最  
 上授所問經云復次長者在家菩薩  
 應當遠離不如理損害勿著世間八  
 法所得妻孥及諸受用財穀豐饒  
 不以高舉逸豫設諸衰弊亦不低  
 下愁惱應如是觀察諸有為相幻  
 化所造起高舉息滅罪報謂此  
 父母妻子奴婢僕從親眷朋屬等  
 彼既非我我亦非彼如有偈云若  
 有所幹集由何起愁惱或無所幹  
 集亦何起愁惱為所幹集者以癡  
 恚惱悶絕疲懈故或執著勇悍起  
 太過各癡迷追悔須臾天壽應遠

離此無畏是難  
大非集菩薩摩訶薩經卷第廿一 第五品 主 苦  
 論曰云何捨是愁惱謂發輕軟心者  
 如最上問經云於此遠離則令心柔  
 軟如觀羅綿又華嚴經云應如勝財  
 王童女發如是心滅諸煩惱以無能  
 勝心破諸瞋忿以不動心於眾生海  
 而不退墮深心境界  
 論曰脩習此者不以為難如其所有  
 愚者尚尔至若擔夫耕農畝獵勉苦  
 脩習荷負鄙事怖微細果塵穢不  
 淨心無悔惱况復此等諸妙樂行諸  
 菩薩樂為最勝事趣無上果又如  
 諸鄙賤者少不饒益於身難作尚無  
 廢壞但自繫念剛強領納如決勝負  
 况復此等長時無益受諸苦惱由何  
 於善法財少不怖取地獄治罰世間  
 賊害獄卒守護按治無遺隨處遇  
 會極為痛惱使勿為寬於久遠時無  
 諸繫縛捍勞忍苦破煩惱賊淨盡無  
 餘於三有中勝甲冑執持器仗敗  
 諸魔冤解眾生縛由先脩習少勉  
 苦而得成就於諸眾生脩苦樂想謂  
 諸苦生時如其處所脩習樂想任樂

想者即能成辨此果得三摩地名起  
大非集菩薩摩訶薩經卷第廿一 第五品 主 苦  
 諸法樂如父子集會經云佛言有三  
 摩地名起諸法樂若菩薩得是三摩  
 地者於諸事緣受如是樂受不苦不  
 樂非一因緣如其處所而得樂想譬  
 若有人以因緣故斷截手足及耳鼻  
 等耳鼻斷已如其處所而得樂想  
 及以鞭杖之所打扑翻如樂想或為  
 牢獄繫閉捶撻謂作衣者然酥燈  
 者然油燈者碾蔗漿等者如其處所  
 而住樂想作鴿鷓面者作師子面者燃  
 曝曬者乃至造金錢者造飲食者供  
 象酒等者翻如樂想或為挑目破壞  
 命根諸有損害及隨首等翻如樂  
 想無苦樂想所以者何此菩薩摩訶  
 薩如是願力長夜修作若我為諸走  
 使得近妙樂若我為罪犯者亦以承  
 事尊重恭敬供養一切時處得近妙樂  
 若遇惡言譏刺打扑刀仗割截乃至  
 諸壞命根一切所有得菩提樂成證  
 阿耨多羅三藐三菩提果具足如是  
 作意如是事業如是願力亦復具足  
 一切眾生隨知樂想親近脩習於彼

業報多所脩作而得超諸法樂三摩地者時菩薩得至一切法樂三摩地者是故得大不動壞諸魔事由是方便圓滿一切捨施成就一切難行苦行堅牢一切忍辱策勵一切精進助修一切禪定智惠是故常喜如月燈經說常喜尊重常住正見又無盡意經云何等為喜謂喜念法清淨信樂發踊躍心不生懈怠無諸熱惱不五欲之樂不離一切法樂由心建立身喜覺喜起適悅意樂如來身莊嚴相好希求善巧聽法無厭依實法行由法生喜愛樂淨信然於眾生覺了無礙以最勝欲勤求佛法不捨法欲廣大信解諸佛妙法示解脫乘發最上心除慳恡心若初發心施當施已三輪清淨歡喜布施於妙尸羅亦常清淨由持淨戒攝諸毀禁而常超越諸惡道怖向佛禁戒堅固無毀正使佗人惡來罵辱於語言道心不加報樂然故忍變以尊重遠無憍慢自常溫恭遠離顛覆感先以愛語無諍無佞淨意不邪心不虛澀見諸勝已

亦無曲抑不規乖謬不揚佗失修和敬法於菩薩眾敬如佛使敬諸佛法惜過身命於諸師長如已父母護諸眾生猶如子於和尚阿闍梨敬如佛想於諸正行皆如上首諸波羅蜜如愛手足於說法師如諸妙寶諸教令中如親五欲於喜足行如無病惱求勝妙法如希妙藥於發露者如遇良醫如是調御諸根使無懈怠說此是名為喜

論曰此言學菩薩莊嚴者如大雲經說若樂地獄傍生者於地獄趣心常戒之雖處獄城而得如旅泊又樂地獄者於地獄趣心生愛著及與慳嫉令地獄火轉復熾盛

論曰說安住苦忍苦忍故海意經云有三種忍佛言海意此菩薩摩訶薩如其所發一切智心寶中或為非人毀犯淨戒謂若諸魔魔民及天魔后魔力所持令魔使者固來侵害震擊動搖期剋打擲當於是時此大菩提發深固心令無所壞亦復不壞大悲精進解脫一切眾生亦復不壞令三寶種

紹隆不斷亦復不壞諸佛法中於此相應積集善本亦復不壞成辦相好修習福行亦復不壞勇力精進嚴淨佛土亦復不壞求一切法不惜身命亦復不壞度諸眾生不著已樂是中深心具如是意若為一切眾生之所惡賤或遇瞋恚譏毀罵辱及諸打擲能忍受至若一切眾生以惡心來逼惱摧壓亦悉堪任不疲不懈不退不沒勇猛精進勢力發現捍勞忍苦起攝受心又若有人以惡心來若瞋若罵若害逼惱忿恚打擲如是心悉不加報乃至設復有人於十方界執諸器仗逼逐其後彼地方所若行若住若坐若卧是中若遇一人發菩提心修布施心乃至脩智惠心者聞彼發起一善根心我當即至彼地方所正使斷割其身節節支解如菓葉量於是等事我悉堪忍又若世間一切眾生皆起嗔恚巧出惡言罵辱譏毀加以斷割其身節節支解如菓葉量我當是時於此眾生終不為起少分動擾之心所以者何然我此身於

大乘集菩薩學論卷第十二 第十一版 主 卷一

過去際無量無數生死輪轉靡所不造或處地獄畜生琰魔羅界乃至今在人趣耽味飲食諸欲受用聽受非法艱苦追求邪命資養多種逼迫然於身命曾無果利雖復種種多所營作緣此不能自利利他設復生死最後邊際使諸眾生於我身分斷割支解寧受眾苦我終不捨一切智心亦復不捨一切眾生及善法欲所以者何然我此身多種逼惱苦切殘毀比地獄苦百分千分乃至優波尼刹曇分不及其一又復於佛法中不捨大悲所緣一切眾生以要言之若有因緣起嗔恚者我當以法斷除去何為法所謂愛樂於身繫屬於身取著於身捨是身者即捨嗔恚佛言海意於如是法聚而趣入者即能堪任一切眾生之所逼惱乃至不惜其身而能棄捨亦不愛樂者此即能修布施波羅蜜多復次若遇身欲壞時大慈不捨一切眾生此即能修持戒波羅蜜多若遇身欲壞時如義解脫堪任忍受忍力發現亦不動擾其

大乘集菩薩學論卷第十二 第十一版 主 卷一

心此即能修忍辱波羅蜜多以勤勇力不捨攝受一切智心於生死中發諸善行此即能修精進波羅蜜多復次若身壞時於心發現一切智寶不捨菩提如寶觀察勝寂靜此即能修靜慮波羅蜜多若遇身欲壞時觀身幻法猶如草木牆壁瓦礫入解於身是無常是苦是無我是寂滅如是諦察其身此即能修勝慮波羅蜜多乃至設復有人以惡心來瞋恚罵辱即作是念是人懈怠遠離白法我今發起精進勤求修習植諸善本勿生厭足乃願是人先坐道場我當最後取成正覺以要言之是等眾生名未調伏者未寂靜者未密護者未近寂者為作義利莊嚴鎧甲乃至我依此法去何是瞋云何非瞋二中伺察俱不可得又若是瞋非瞋若自若他瞋與瞋者皆不可得斯不可得尚離此見是即名忍又般若云若諸眾生有所諍竟應發是心我當勸勉我今於此諍竟得無難遇若諍竟者及所諍事然我於諸眾生為作橋梁

大乘集菩薩學論卷第十二 第十一版 主 卷一

我若為他惡罵毀咎汝何此語不應加報但類癡人及若啞羊不起聞諍他或惡來醜言罵辱於語言道心無損害親近於他我應善語不似於彼起斯過各乃至若我聞他過失亦不似彼所以者何我意無怒故又若一切眾生所須妙樂者我當與彼眾生妙樂乃至涅槃成證阿耨多羅三藐三菩提然我於他終不起嗔及與自他起愚癡行唯修堅固精進以精進故設壞身命而無恚惱不生顛異感又菩薩別解脫經云若於恚怒眾生如是安慰極善安慰住此忍者得隨順法喜

大乘集菩薩學論卷第十二

甲辰歲高麗國大藏都監奉

勅彫造

大乘集菩薩學論卷第十二

校勘記

- 一 底本，麗藏本。
- 一 六七三頁中一五行「遍若」，〔疏〕、〔南〕、〔徑〕、〔清〕作「若遍」。
- 一 六七四頁上八行第一〇字「愛」，〔徑〕作「受」。

大乘集菩薩學論卷第十三 主

要經義疏卷第十 菩薩學論卷第十三 具釋奉詔譯

精進波羅蜜多品第十

論曰雖聞住如是忍發生精進然於此未聞尚起毀犯如月燈經偈云  
傲法不護戒 為得幾多福  
破戒縱多聞 無能免惡道

論曰由聞具勝能者那羅延所問經云善男子如所聞解得勝惠性若聞息除煩惱令煩惱魔皆不得便是中廣如最上大德本起經云菩薩摩訶薩具足深心尊重法欲住餘世界現諸佛前隨所聞法若菩薩摩訶薩精進法欲於山林中貯法伏藏得無量經典法門如置掌中又諸菩薩精進法欲而得佛現前及諸天等與佛辯才乃至命欲將盡為佛世尊及諸天等增益壽命及與色力住命千歲非本所求為佛諸天共加持故乃至求住一劫又諸菩薩生法尊重為佛世尊除老病苦得授正念及通達辯才乃至得授正見隨見能說又若菩薩摩訶薩精進法欲

無他一切冤敵等怖是故精進多聞資糧善巧菩薩修習得如是等

論曰菩薩聞幾種行入解毗奈耶如無盡意經云由聞八十種行而能入解所謂欲行深心行深固心行極相應行無倨傲行不放逸行恭敬行極尊重行離名相行善言行承事行聞利益行作意行不散亂行無住行寶想行樂想行消除一切疾病行念器行達解行意喜行悟入行聽聞佛法無厭行廣捨行了知調伏行親近多聞行喜樂容受所作行身踊躍行心悅樂行聞不懈行聞義行聞法行聞威儀行聞他說行聞所未聞妙法行聞神通行不樂餘乘行聞諸波羅蜜多行聞菩薩藏行聞攝事行聞方便善巧行聞梵行行聞正念正知行聞已生善巧行聞未生善巧行觀不淨行觀慈行觀緣生行觀無常行觀苦行觀無我行觀寂滅行觀空無相無願行無作行善作行建立真實行無減失行單已行守護自心行精進不懈行諦察諸法

行對治煩惱行希求自分善法行降伏他分煩惱行依止七財行斷諸貧窮行讚諸有智行欣樂智者行眾

聖平等行非聖淨信行見諦行遠離諸蘊過失行稱量有為過失行依義行依法行一切惡作行利益自他行於善修作不發餘業行趣向殊勝行所得一切佛法行彼經又云若於助法相應則得如是智業云何助法相應謂若少務少求慎語慎行初夜後夜聞諸世間順理相應者稱量利他數數推求心無濁染除諸蓋障於餘罪犯以智出離不起惡作發起趣向堅固正行樂法敬法為法與府具足精進如救頭然希求智惠為游止處不隨禁戒不捨重負趣發殊勝捨無益眾樂單已行於阿蘭若現前作意及聖種子杜多功德喜足不亂欣樂法樂不念世間語言求出世法要及無妄念通達義利隨順真道知持戒緣慙愧莊嚴以堅實智破壞無智以勝惠眼極妙清淨覺了無明癡暗繫縛謂

廣大覺了無邪曲覺了分別覺了現證覺了不從他得持自功德讚他功德善所脩作不惰業報是為智業清淨又般若中說應何所聞於方廣經論當如是學非義利者亦應遠離所謂世間處論鞭扑論蠱毒論默置論童子戲論乃至所有別部解脫等論成就癡冥善住一切菩薩乘者悉應遠離又如無盡意經云有四種施於說法師為智資糧而得成就何等為四一者謂紙筆墨經二者嚴飾法座三者具諸名聞利養四者為攝受法不以誣詐稱讚復有四護何等為四一者謂護己身二者護善三者護諸世間四者護利益事乃至復有四住為智資糧而得成就何等為四一者住說法師二者住法三者住利養四者住覺悟是名四種又華樓閣經云若人以須彌量七寶聚布施在家菩薩者不如能以千錢奉施出家菩薩或以信解出家功德施一指節脩難行施若諸所有唯除出家得是大果如來最上最聖非

在家者有如是理況復在家無智心不具足如最上問經云謂若一心於他眷屬等罪而能遠離說為無罪彼若不能遠離性難調故於在家者建立是罪說阿蘭若品第十一如最上授所問經說依止住阿蘭若次第居家者性過失故又如月燈經偈云不起著欲 遠離眷屬 棄捨在家得無上道 若離於欲 如避火坑怖畏在家 遠離眷屬 無上菩提斯不難得 未有三世 諸佛如來由常在家 住於欲地 而能獲得勝妙菩提 捐捨三位 如棄坎漚安住空閑 遠離諸欲 斷除煩惱降伏魔寇 離垢無為 悟菩提道飲食衣服 妙花塗香 而得承事人中聖尊 如出家已 奉行正法若有如是 求菩提者 善利眾生獸有為事 趣向空閑 至行七步所獲福報 最勝無比 若復值遇非眾同分 樂處眾會 憐財利者

眾生隨行 離彼方所 具愚闇難彼經又云 智不為愚諍 猛利應當捨離此極惡心 勿覓愚者法智不近於愚 了知愚本性能使之相親 後當成怨嫉智不保於愚 了知愚本性謂體性癡冥 自當求破壞由是諸異生 何有善知識若法共言說 不順瞋過谷斯愚法確毒 故智者不保愚與愚者合 如糞投不淨智復與智俱 如酥置酥內彼經又云 最極樂處 無有少分常於世間 唯樂林泉 隨得受用若樂不樂 若於所有一切都無沙門勝樂 所繫屬者 如風轉空無有纖毫 乃至世間 諸最樂事如獨覺行 無所繫著 若樂不樂心常如風 謂此苦惱 不樂安住不有合集 謂此苦惱 不樂安住謂若樂彼 無苦無違 離二邊故唯此法樂 非人中樂

彼經又云

大集經菩薩摩訶薩卷第三

第五段

彼得常時

微作相應

離別衆失

不諍少分

彼相應理

住阿蘭若

獲是功德

而常獲得

不怖有爲

不樂世間

不增有漏

住山林者

獲是勝能

不起過分

常樂近寂

身語意密

及遠離行

住空閑者

獲多功德

得彼默離

速悟解脫

寂靜解脫

住山林者

即住解脫

諸阿蘭若

獲是功德

棲止林泉

而常遠離

城邑聚落

樂遠離已

常如獨覺

無有伴侶

非久如間

得斯勝定

又護國經所說得云

棄捨在家

無量過咎

亦常不愛

深險患慮

得樂山林

諸根妙樂

寂靜功德

無有男女

戲笑言論

設有乞求

如獨覺行

心淨無垢

不喜財利

意不耽著

處處少欲

當遠離此

諂求恭敬

最上問經云我應不作衆生合集非

爲於一衆生而起善根或先所聞具

刹那頃繫著財利心不淨者若天

若人咸悉捨去設一天人亦復捨去

又如寶樓閣經云佛言迦葉波譬若

有人泛大水中爲渴而死迦葉波此

沙門婆羅門亦復如是然於多法受持

讀誦而不能斷貪嗔癡渴游大法海

爲諸煩惱渴愛而死後墮惡道

論曰是故決之依阿蘭若及相似處

又寶雲經說若住所依之處得行乞

食不近不遠流泉浴地清淨無垢少

怖畏處樹葉花果皆悉具足遠離

險惡多諸窟窟寂靜第一菩薩如

是當依此處應先晝夜六時自誦經

典聲不高下善閉諸根心不外馳於

此淨命繫念所受善取其相不著

睡眠若王三臣刹利婆羅門及餘官

屬或親來詣阿蘭若處彼比丘應

作是言善來大王如所施設可就此

座至若坐時比丘亦坐王若不坐比丘

亦立王若諸根動亂應當讚言大王

得大善利王之境界有諸具戒具德

多聞沙門婆羅門安住其中不爲惡

人冤賊惱害王若諸根善淨堪爲說

法即當爲說善巧之法審若不樂善

巧則當爲說默離之法審若不樂默

離則當令知如來有大慈悲具大威

德爲諸來者刹利婆羅門及餘官

屬隨其所宜爲作化度彼若多聞

堪任法器者使聞妙法降伏其心

彼等衆生信樂是法得大歡喜最

上授所問經云復次長者出家菩

薩住阿蘭若應如是觀察是義云

何我住阿蘭若中非獨沙門相者

而多猛惡懼候非密非靜非律儀

非相應非願求之所共住所謂非人

諸惡鳥獸盜賊旃陀羅等之所共

住彼不具足沙門功德爾時我任

阿蘭若處我應圓滿是沙門義乃

至復次長者出家菩薩阿蘭若行

應如是觀察我以何義至阿蘭若我

當爲此怖畏云何怖畏謂處衆憤

鬧怖合集怖貪嗔癡怖憍慢覆復

怖慳嫉財利怖色香味觸怖蘊魔

怖煩惱魔怖死魔怖天魔怖無常

計常顛倒怖無我爲我顛倒怖不

淨爲淨顛倒怖執苦爲樂顛倒怖

心意識怖離障起障怖身見怖我

所怖疑三世怖惡友怖惡屬怖名聞利養怖不見言見怖不聞言聞怖不覺言覺怖不知言知怖沙門垢穢怖牙相瞋忿怖三界怖諸有趣生怖三惡道怖總略一切不善作意怖我為如是此惡怖畏行相詣阿蘭若住乃至復次長者出家菩薩住阿蘭若當如是學若怖生時一切皆由我執所起以要言之復次住阿蘭若遠離我執則無我無我所無我相無我愛無我想無我見不為我所持不為我所計捨離於我不為守護住阿蘭若此非利益復次長者住空閑者無已想無他想若於諸法無說則於諸法無雜以要言之長者譬如阿蘭若處藥草樹林不驚不怖不畏亦無驚懼毛豎此出家菩薩住阿蘭若行亦復如是於身發起藥草樹林牆壁瓦礫之想心如幻化所生何有分別及有怖畏驚懼毛豎如是深心於身觀察是身無有我人眾生壽者養者意生儒童虛妄遍計此怖畏者但有假名虛妄

遍計不應分別如彼阿蘭若處藥草樹林無有主宰亦無攝屬此阿蘭若無有攝屬亦復如是於一切法如是知已應起是行所以者何住空閑者猶若強屍無有主宰亦無攝屬乃至復次長者出家菩薩如住空閑於此知已依佛所說住阿蘭若即得圓滿白法深植善根然後出詣聚落國邑入於王宮而為說法復次長者出家菩薩讀誦演說解其義趣入彼眾中而得恭敬親近和尚阿闍梨及耆舊中而新學比丘亦應尊敬亦無懈怠悉自營辦無令地惱亦應勿使尊重承事當如是觀察又如來應等正覺為諸天人魔梵沙門婆羅門及諸眾生尊重供養乃至諸有所作悉自營辦不怖承事況復我今欲求無學如是承事一切眾生若我承事於他一切供給則我諸有所作悉自成辦不復怖求承事供給所以者何長者此尊重承事者於比丘功德法中攝取毀犯造此攝取者因得承事故我

勿由是法造此攝取彼經又說復次長者彼阿蘭若菩薩法若見音聞和尚阿闍梨疾病者雖處迴野應往問訊謂若旦時詣彼應發是心設復為他所請讀誦解說令住僧坊者如阿蘭若心勿愛著如是住阿蘭若求法無厭於一切事皆空闕想

大乘集菩薩學論卷第十三

甲辰歲高麗國大藏都監奉  
勅彫造

大乘集菩薩學論卷第十三

校勘記

- 一 底本，麗藏本。
- 一 六七九頁中六行「第十一」，徑、清作「第十一之一」。
- 一 六八〇頁中一行第四字「諸」，磧、南、徑、清作「者」。
- 一 六八〇頁下一〇行第八字「密」，徑、清作「察」。
- 一 六八一頁中一七行末字「怖」，徑作「怖」。

大乘集菩薩學論卷第十四 云

要修學業觀其心無雜念者即名阿蘭若

說阿蘭若品第十一之餘

寶積經云復次阿蘭若行若諸異生未得果者見虎狼至勿生驚怖當發是心我今詣此阿蘭若處已捨身命不應驚畏為起慈心遠離過失使無怖懼又若虎狼斷我命根敢我身肉應起是心我得善利以不堅身而當獲堅固若復不能令敢我肉豈彼虎狼得樂觸耶以要言之復次阿蘭若行有非人來若美若醜不應愛樂亦勿損害若有往昔見佛諸天來此阿蘭若比丘所起諸問難時彼比丘如力所能隨所學法為諸天說又若有深問難時阿蘭若比丘或未能答而不生恭敬者應語彼言我今未得無學若我當勤佛教時聞法已盡能通解答一切問我今唯能得聞是法乃至總略若住阿蘭若處藥草樹林尚不取着去何為生何等為滅如是觀察是身無我無主宰無作者無受者誰生誰滅畢竟無有生滅之者是身

大乘集菩薩學論卷第十四 第三段 云

亦復如是譬若草木牆壁瓦礫無我無主宰無作者無受者因緣和合故即生因緣離散故即滅復次於勝義中無有一法是生是滅彼經又說復次阿蘭若行應發是心然我至此阿蘭若處獨無伴侶若我所起善作惡作余時此有天龍藥叉佛世尊等知我深心俱為我證又若住此阿蘭若中心不善自在游逸又若至此極遠之處獨無伴侶無親近者無我無取應如寶覺欲尋志尋害尋及餘不善法尋悉如寶覺若我於此不異其眾樂處有情憤鬧中者即為欺誑天龍藥叉諸佛世尊若如所作天龍藥叉不為呵厭諸佛世尊悉皆歡喜

治心品第十二 禪定波羅蜜多解

論曰於此阿蘭若修是禪定如般若經云修此禪定波羅蜜多者得心不散亂利諸眾生所以者何起世間定彼尚亦然乃至心散亂者皆不可得況復阿耨多羅三藐三菩提是故得心不散亂乃至成證阿耨多羅三藐

大乘集菩薩學論卷第十四 第三段 云

三菩提果彼經又說復次須菩提初發心菩薩摩訶薩修禪定波羅蜜多行時於一切相智相應作意則善入禪定若眼見色不取其相亦不執取隨形妙好若於眼根不修制止則依邪妄損惱於餘惡不善心隨其流轉護眼根者制此令盡如是耳所聞聲鼻所嗅香舌所了味身所著觸意所知法皆不取相亦不執取隨形妙好若於意根不修制止則於餘惡不善非法之心隨其流轉護意根者制此令盡則行住坐卧語默時處悉不捨離三摩呬多得彼手足不生動搖口無雜言亦無戲笑諸根不亂若身若心俱無妄失三業寂靜於顯密中如律儀道乃至喜之易養易滿善入行處遠離憤鬧於得不得無有高下等無差別如是苦樂毀譽若讚不讚若友若壽亦無高下等無差別若究若親心常湛然是聖非聖其聲無雜於樂不樂猶如一相無高無下等無差別起諸違順所以者何於自相空如不真實則見諸法無生無滅乃至

廣說

大華嚴經疏論卷第廿一 第四段 云

論曰喜樂修習者遠諸懈退而常作  
意者息除高舉於此二種是所對治  
護國經偈云

無量俱胝劫 所有佛出世

由是大僊尊 剎那獲勝益

遠離於放逸 解脫諸染欲

此有為虛妄 如幻夢所見

乖離非久住 諸愛亦不常

如奮力營求 諸波羅蜜地

乃至悟菩提 精進無疑惑

大戲樂經廣說偈云

老病死苦 如火發然 三有熾盛

無適無莫 未離輪轉 常趣愚瞶

譬若狂蜂 處盤哭閉 三界無常

如戲劇者 及秋空雲 旋生旋滅

人命遽壞 過於山水 輕捷迅速

如雷飛空 虛天界城 遍三惡道

無明橫起 愛有所生 隨轉五趣

如陶家輪 常樂美色 及妙音響

清淨香味 細滑觸樂 貪著此者

如被囚繫 如鹿寄網 如猴被縛

常懷怖懼 作冤家想 此欲樂者

極多憂惱

如鋒銳刀

亦如毒藥

智者遠離

如棄糞餅

愚憍念著

為怖畏因

及為苦本

愛有所纏

疾趣衰老

常樂欲者

怖無歸拯

昔有聖人

了知此欲

怖如猛火

如大淤泥

如持密刀

如避空劍

又諸智者

了知此欲

如糞穢餅

如毒蛇首

如木耦驢

如塗人血

如死狗頭

如惡冤家

又諸聖智

了知此欲

譬水中月

如山谷響

如鏡中像

如戲劇人

如夢所見

又此欲樂

智者了悟

如幻如欲

如水泡沫

剎那而住

遍計所起

虛妄不實

但謂盛年

任持色相

意樂此者

實愚夫行

及老病至

壞苦所吞

遑失光澤

如竭河流

財力豐饒

庫藏盈積

愛樂此者

實愚夫行

或至匱財

後疾耗滅

遠離於人

如空園林

譬如花果樹

愛樂人稀取

貧貧衰老時

厭弃如鴿鷄

豐財壯色者

樂生和悅意

貧貧衰老時

厭弃如死屍

又此衰老相

年邁極過朽

譬如雷電火

焚餘枯槁樹

此衰老可畏

亦猶朽故宅

是故牟尼尊

說速求出離

又若娑羅林

為藤葛所縛

如男女眷屬

枯乾速衰朽

又若溺泥夫

頓之於勇健

此老相亦然

趨捷無快利

老變形容醜

威雄勢力衰

長列妙樂尋

趣死無光澤

此百種病惱

固非安隱樂

是相於世間

熾然如猛獸

觀若老苦病

是世間苦惱

俱捨妙樂尋

說速求出要

又如霜與雪

奪草木滋茂

病苦於世間

壞命根色力

倉庫多崇積

追求極邊際

常如疾病人

好起瞋恚事

及冤害讎對

炎熱如空日

及至死滅時

財命俱散壞

譬川流不返

如菓葉墮樹

亦如河中梗

漂沉不自在

隨業果難停

獨去無伴侶

大華嚴經疏論卷第廿一 第六段 云

此死滅之法

又若磨竭魚

吞敵無量眾

如金翅食龍

及獸王搏象

若猛火焰然

焚燒諸草木

又教示勝軍大王經說佛言大王譬

若四方有四山來堅固精實周普連

匝狀一合成無有缺漏亦無間隙是

中空界地際一切動植悉歸磨滅誰

有踊躑而可逃避及以勢力呪禁藥

術財物等事而令還轉佛言大王世

有四種大怖畏事亦復如是誰有踊

躑而可逃避及以勢力呪禁藥術財

物等事而能還轉何等為四謂衰老

病死佛言大王一者衰勢來時摧逼

興盛二者老相現時摧逼少壯三者

病苦集時摧逼調適四者死滅侵時

摧逼壽命此復云何佛言大王亦如

師子為眾獸王色相勇健皆悉具足

爪牙剛利入鹿群中搏取其鹿隨應

所欲然鹿踊躑入猛獸口無能為也

佛言大王死箭射人亦復如是縱使

剛強無能逃越無歸無救亦無投寄

節節支解血肉枯竭飢渴熱惱張口

大息手足紛亂於追求事悉無堪能

涎涕流溢便利不淨塗污支體餘命

漸滅中有現前隨業緣起焰魔使者

甚可怖畏趣黑夜分於出入息最後

而盡唯已獨行更無伴侶奄背此生

條往佗世奔天險道入大黑暗涉大

曠野趣大稠林泛大溟海業風飄墮

所向冥冥曾無標記餘無歸抹餘無

投寄佛言大王唯法與法是歸是抹

是所投寄佛言大王此善法者如寒

者得火如熱者遇涼渴者飲清冷水

飢者食珍美饌疾病者遇良醫藥怖

畏者得強力伴是為歸抹佛言大王

此諸善法有大勢力亦復如是無歸

抹者為作歸抹無投寄者為作投寄

大王是故應知有現無常者現滅盡

者法亦如是唯死怖畏佛言大王三

時所為悉非善法所以者何大王然

此身者從昔已來縱加守護及加禁

飾上妙飲膳恣情飽滿及命終時未

免飢渴逼惱而死如是身者雖以種

種可愛可文侈服上妙細氎行住坐

卧隨意嚴飾及命終時穢惡不淨要

當流出大王又此身者雖以澡沐塗

香料香薰香妙花無量嚴飾及命

終時不久臭穢又此身者后妃姝女

眷屬圍繞種種效樂歌舞嬉戲及

諸僮僕悅意快然及命終時未免怖

畏及諸苦惱佛言大王至若此身雖

處宮殿臺榭樓閣戶牖軒檻彩繪嚴

飾種種花香及與燈明屏幃幔床

座茵褥燒眾名香散諸妙花寶瓶

香鑪處處行列及妙珠寶錦綺雜

飾玩好之具及命終時至塚墓間骨

肉毛髮膿血臭穢屍卧地上都不覺知

佛言大王又此身者而常乘御象馬車

乘擊鼓吹貝作大音樂張妙憶蓋執

持扇拂無量勇健象兵馬兵車兵步

兵道從前後百千官屬城邑人民以

手恭敬不久要當屍卧車上眾人荷

挽出大城門父母妻妾兄弟姊妹奴

婢僕從作業使人心纏憂惱頭髮被

亂舉手拍頭悲咽哀慟感歎苦哉於

我無抹無親無主城邑人民銜悲瞻戀至

塚墻間或復為諸鳥為鵲為狐狼野

干之所食敗乃至餘骨積薪所焚火或

大華嚴經疏卷第五 華嚴經疏卷第五  
瘞於地風雨曝露未為微塵散擲餘  
方佛言大王此身幻化終歸壞滅一切諸  
行悉是無常乃至廣說

論曰此貪瞋癡等一聚煩惱至若對  
治脩習因是遠離故寶雲經說對治  
貪者於起貪緣悉能遠離云何名對  
治貪及起貪緣對治貪者若善了  
知於起貪緣脩不淨觀云何名不淨  
觀謂若於身髮毛爪齒皮膚血肉筋  
脉骨髓肪膏腦膜汗淚涕唾喉心肺  
肝膽脾胃生臟熟臟屎尿濃汁苦  
薩於如是物而起觀察則愚癡小兒  
顛狂不善知是物已猶尚不起貪愛之  
心況諸智者是為善薩脩不淨觀又  
如般若經云復次善現善薩摩訶薩  
脩般若波羅蜜多行時然於此身如  
實了知善現譬若解牛之師及師弟  
子斷牛命已復用利刀析為四分若  
坐若立如實觀察善現善薩摩訶  
薩脩般若波羅蜜多行時亦復如是  
然於此身地界水界火界風界如實  
觀察乃至善現又若耕夫或諸長  
者滿治場中有種種穀所謂菽麥

大華嚴經疏卷第五 華嚴經疏卷第五  
指梁脂麻芥子等有明目人分別視  
之如實了知彼種種穀此是菽麥此  
是稻粱此是脂麻芥子等善現善薩  
摩訶薩脩般若波羅蜜多行時亦  
復如是然於此身從頂至足髮毛爪  
齒種種不淨之所充滿而善薩如  
實觀察是身唯有髮毛爪齒頭目

脂髓肝膽脾胃生臟熟臟眩暈不  
淨等乃至若詣塚間觀種種相謂所  
弃屍於塚壙間或經一日二日乃至五  
日身體腫脹青瘀臭惡皮穿肉潰  
膿血交流見是事已我與此身亦  
復如是然此身者法尔如是本性  
如是如是法性曾未解脫復次善現  
善薩摩訶薩脩般若波羅蜜多行  
時而於外身脩隨所觀乃至觀所  
弃屍於塚壙間或經一日二日乃至七  
日為諸鳥獸鳥鷲鴟鴞狐狼野干之  
所食取及餘種種螻蛄啣食見是  
事已我與此身亦復如是然此身  
者法尔如是本性如是如是法性曾  
未解脫以要言之又若觀所弃屍於  
塚壙間蛆蟲啣食不淨臭穢我與

大華嚴經疏卷第五 華嚴經疏卷第五  
此身亦復如是餘如上說乃至復次  
向悽慘道觀所弃屍肉銷骨現筋纏  
血汚我與此身亦復如是餘如上說  
復次向悽慘道觀所弃屍血肉都  
盡身骨相現餘骨尚纏我與此身  
亦復如是餘如前說復次向悽慘道  
觀所弃屍唯有眾骨散擲異方所  
謂頭骨足骨腰骨背骨頸骨臂骨等

我與此身亦復如是餘如前說乃至  
復次善現善薩摩訶薩脩般若波  
羅蜜多行時向悽慘道觀所弃屍  
唯有骨在風飄雨漬白若珂貝我與  
此身亦復如是餘如上說復次善現  
善薩摩訶薩脩般若波羅蜜多行  
時向悽慘道觀所弃屍唯有骨在  
經歷多年變異青色如泥地碎未  
為塵我與此身亦復如是然此身  
者法尔如是本性如是如是法性  
曾無解脫  
論曰以不淨觀對治貪者則脩慈觀  
對治瞋恚此乃平等若不樂觀眾  
生者此或於一飲食發生愛樂則於  
他妙樂憍求稱讚無不受樂慈者

大乘集菩薩學論卷第十四  
度貪欲因緣不著染愛是義有三  
種無盡意經云謂初發心菩薩脩衆  
生緣慈已習行菩薩脩法緣慈得  
無生法忍心菩薩脩無緣慈

大乘集菩薩學論卷第十四

甲辰歲高麗國大藏都監奉

勅彫造

大乘集菩薩學論卷第十四

校勘記

- 一 底本，麗藏本。
- 一 六八三頁上三行「之餘」，徑、清作「之二」。
- 一 六八三頁中一七行「第十二」，徑、清作「第十二之一」。
- 一 六八四頁上一八行第二字「電」，徑、清作「雷」。
- 一 六八四頁中一四行「任持」，磧、南、徑、清作「住持」。
- 一 六八四頁中二二行「和悅意」，磧、南作「利悅意」；徑、清作「利悅心」。
- 一 六八四頁下五行「娑羅林」，徑、清作「婆羅林」。

大乘集菩薩學論卷第十五

治心品第十二之二 亦名禪定波羅蜜多品

復有佛緣菩薩緣聲聞獨覺緣  
衆生緣等彼衆生緣者謂先樂  
與利益安樂以禪定之意與彼慈故  
或有知識客寄近住以已聚落如  
佗聚落乃至於此一方解脫如是  
汝緣十方佛等亦無厭怠如金剛  
幢迴向中說具足修習菩薩行者  
若所見色對治於愛如是乃至聲  
香味觸法對治於愛則無罪犯是  
淨是善最上光潔超諸妙樂生適  
悅意起淨信樂發生踊躍安住極  
喜於分別心不生退惱心意調柔  
諸根猛利常受妙樂如是迴向一  
切諸佛轉復迴向諸佛般若而得  
具足不可思議佛妙樂行然未同  
佛得善攝受三摩地樂由是力能  
展轉得佛無量妙樂具足無量佛  
解脫樂攝受無量佛神通樂得善  
攝受無數諸佛無著行樂得佛自  
在如彼牛王所至遠近速疾妙樂

大乘集菩薩學論卷第十五 第三品 六

畢竟獲得無量佛力了知一切寂  
靜無生無滅等樂於無著行而常  
等引得諸如來不二集行無瞋妙  
樂是為菩薩常以如是善根迴向  
如來迴向菩薩者謂於意樂未圓  
滿者迴向圓滿於一切智未清淨者  
深心清淨一切波羅蜜多未成辦  
者為今成辦發菩提心猶若金剛  
令一切智盡無有退屈若令一切智  
盡無退屈者則於菩提妙樂隨所  
輕安於諸善道無所退向平等安  
住一切世間圓滿大願修習一切善  
薩之行了知菩薩利根神通由斯  
善根證一切智以如是善根義故迴  
向菩薩又若學佛教者一切聲聞  
辟支佛等亦以善根如是迴向若  
有衆生一彈指頃聞佛法聲及賢  
聖衆為作尊重以此善根迴向阿  
耨多羅三藐三菩提所謂念佛圓  
滿迴向念法方便迴向尊重聖衆  
迴向不離見佛迴向清淨心迴向通  
達佛法迴向所修無量功德迴向  
清淨一切神通善根迴向斷諸法

大乘集菩薩學論卷第十五 第三品 六

疑迴向是為於聲聞辟支佛等學  
佛教者之所迴向又彼菩薩亦以善  
根迴向一切衆生所謂遠離地獄道  
迴向斷除畜生道迴向與琰摩羅界  
妙樂迴向斷除諸惡趣迴向令  
彼衆生樂欲增長無上菩提迴向  
為令深心得一切智心迴向不謗一切  
佛法迴向畢竟成就一切智地迴  
向畢竟清淨一切衆生迴向以無量  
智迴向一切衆生乃至所有飲食衣  
服卧具病緣醫藥於身承事去來  
坐立種種作業住律儀道於律儀  
道不生瞋恚身語意業如善修作  
密緻諸根而或自身消息按摩等  
事眾味飲食若開若合若觀不觀  
若卧若覺而復自身詣彼承事善  
薩於一切智緣平等相應者無不  
迴向彼一切智心樂利樂一切衆生  
乃至意常救護一切世間發起善  
根遠離憍逸以要言之今諸煩惱  
不復現前為諸菩薩之所守護  
決定勤求一切智道愛樂親近諸  
有智者乃至而能修習一切善根速

得圓滿相續諸行以要言之彼畜生  
 趣者或以少飯而能施與令彼一切  
 得生善趣如是利益解脫迴向彼  
 畜生者是為苦海是苦所取是為  
 苦蘊是名苦受是為苦取是苦邊  
 流是苦邊際是苦根本是苦依處  
 於彼衆生不退迴向又彼一切衆生  
 緣者謂於衆生現前作意由先所  
 作善根發菩提心迴向一切智故不  
 隨輪迴離諸險難得佛妙樂現前  
 無礙超輪迴海永斷相續照明佛法  
 起大慈故如最勝金光明經慈悲  
 藏伽陀云  
 是金光明 最勝金鼓 所出妙聲  
 遍三千界 能息地獄 及跋摩羅  
 乃至人中 貧窮苦等 又此金鼓  
 滅除世間 一切障惱 亦願衆生  
 得除恐怖 如千尼尊 寂靜無畏  
 如諸聖人 處生死海 修一切智  
 如彼所得 勝慧等持 及菩提分  
 功德大海 又此鼓音 願諸衆生  
 獲斯梵響 如佛證已 勝妙菩提  
 轉淨法輪 住無數劫 說法利生

滅貪瞋癡 煩惱衆苦 若有衆生  
 住於惡道 為火所燒 身常洞然  
 聞斯鼓音 如教誨言 令歸佛寶  
 又令衆生 得宿住念 於百千億  
 俱胝生中 念千尼尊 聞甚深教  
 又此鼓音 當得近佛 淨脩善行  
 遠離罪惡 乃至偈云 又諸刹土  
 一切衆生 息除世間 所有諸苦  
 又若衆生 身分下劣 根缺減者  
 並得諸根 悉皆圓滿 若疾病者  
 身形怯弱 隨其方處 無所依怙  
 解脫衆病 得獲輕安 根力充實  
 又若衆生 王法所加 生種種怖  
 及多憂惱 彼諸衆生 苦難若至  
 最極惡事 百種怖畏 悉令解脫  
 或復捶打 枷鎖繫縛 種種苦具  
 逼切其身 又復無量 百千種類  
 憂畏愁歎 間擾其心 牢獄繫閉  
 打撻楚毒 一切解脫 被臨刑者  
 遠活軀命 衆苦雖至 得無怖懼  
 又若衆生 飢渴逼惱 令得上味  
 美膳飲食 盲者備覩 衆妙色相  
 聾者得聞 適意音響 彼裸形者

得細軟衣 分寶嚴衆生 得衆伏藏  
 倉庫豐饒 衆寶嚴飾 一切衆生  
 獲斯妙樂 無一衆生 受諸苦報  
 諸相端嚴 人所樂見 飲膳豐饒  
 福德具足 常得受用 無量妙樂  
 笙篳簫笛 衆妙音聲 隨彼心念  
 應時現前 念水即現 清淨池沼  
 金色蓮華 及優鉢羅 遍覆其上  
 隨彼心念 應時現前 乃至偈云  
 塗香花鬘 和合末香 每日三時  
 從樹而雨 衆生取已 咸生喜悅  
 供養十方 不可思議 一切如來  
 菩提妙法 諸大菩薩 遠塵離垢  
 諸聲聞衆 得離一切 卑下種族  
 及八難處 常值無難 最勝中王  
 常得親近 諸佛如來 乃至偈云  
 願諸女人 得為男子 剛健勇猛  
 智慧聰利 而常修行 諸菩提道  
 六波羅蜜 見十方佛 在寶樹下  
 處琉璃座 安隱快樂 圍繞恭敬  
 聞說妙法  
 論曰此略明慈行對治於瞋以緣生  
 觀對治於癡今當說是中緣生義

大乘集菩薩學論卷第十五 第八段 六

者指釋經說云何內緣生法繫屬於因謂無明緣行乃至生緣老死若無無明則知無有行乃至若無有生則知無有老死又若實無明滅則行滅如是乃至生滅則老死滅又彼無明不念我從行起行亦不念我從無明得起如是乃至生亦不念我從老死得起老死亦不念我從生得起若實無明起者則行起不可得如是乃至生起則老死起亦不可得應知是為內緣生法繫屬於因復何內緣生法繫屬於緣謂地水火風空識等界和合於內繫屬於緣云何地界謂令此身聚集而轉堅硬為性說為地界又若令身攝持造作說為水界又若令身煖性現則飲食成熟說為火界又若於身造出入息說為風界又若於身中有竅隙說為空界謂此名色猶如交蘆令五識身相應繫屬有漏意識說為識界若非此緣者則身不轉若內不闕地界如是水火風空識界亦無關滅彼彼和合則身

大乘集菩薩學論卷第十五 第八段 六

定轉故然此地界不念我能令身堅聚水界不念我能令身攝持造作火界不念我能令身溫煖飲食成熟風界不念我能於身作出入息空界不念我能於身中成竅隙識界不念我為緣生由是緣故身定得轉又此地界無我無人無眾生無壽者無意生無儒童非男非女亦非非男亦非非女無自在無主宰無此無彼及無所有如是水火風空識界亦復無我無人無眾生無壽者無意生無儒童非男非女亦非非男亦非非女無自在無主宰無此無彼及無所有復次無明者是義云何謂於此六界之中起一想合想堅固想常樂我淨想眾生壽者意生儒童想自在主宰等想如是種種無智說為無明由此無明謂實有境起貪瞋癡即彼貪瞋癡境此說為行於事表了此說為識識俱生時彼四取蘊說為名色又此名色所依諸根說為六處三法和合此說為觸由觸領納此說為

大乘集菩薩學論卷第十五 第九段 六

受受耽著故此說名愛愛深廣故說名為取取能生有有復生因由是蘊起名生蘊熟為老蘊滅名死癡瞋滌著畏死名憂追感傷歎名悲五識相應不常領納名苦作意和合極苦名惱如是引生隨煩惱等乃至總略

大乘集菩薩學論卷第十五

甲辰歲高麗國大藏都監奉勅彫造

大乘集菩薩學論卷第十五

校勘記

- 一 底本，麗藏本。
- 一 六八九頁中一六行「苦具」，南、經、清作「諸苦」。
- 一 六八九頁下一八行「菩提」，經作「菩薩」。



我無人衆生壽者如不顛倒則不生不滅無作無爲無對無礙無怖無奪無勤無懈觀彼自性無有堅實如病如癱如痛如害是苦空無常無我等性彼復隨觀前際不流轉者謂我於過去世曾有耶誰謂我於過去世曾有耶我於過去世爲無耶誰謂我於過去世爲無耶復於後際不流轉者我當未來世爲有耶誰謂我當未來世爲有耶我當未來世爲無耶誰謂我當未來世爲無耶復於現在世不流轉者我於今有耶誰謂我今有耶云何爲我今有耶又十地經說是中無明愛取是爲煩惱流轉不斷行有是爲業流轉不斷煩惱餘支是爲苦流轉不斷復說無明緣行是曰前際觀待識及受等是曰現在觀待愛及有等是曰後際觀待此上所說皆名流轉乃至如是由繫屬故則爲流轉若離繫屬則無流轉由和合故則爲流轉若離和合則無流轉由是了知諸有爲中多種過失

是故我今當斷繫屬及彼和合然爲化度一切衆生畢竟不斷諸有爲行念處品第十三  
論曰彼治心業略明緣生對治於癡次當入解不淨身念處今當說如法集經云復次善男子菩薩如是住身念處者謂我此身從足足指跟踝腓脛腓骨髀骨腰脊腹肋胃脇手指肘腕肩臂頸項頭頰鬚等狀衆分積聚是即業有由斯造作種種煩惱及隨煩惱百千種類邪正分別是身唯有髮毛爪齒血肉皮骨肝膽脾腎心肺腸胃生藏熟藏肪膏腦膜眵淚涕便利不淨多物積聚以何爲身由是觀察身如虛空則見一切諸法皆空爲空念處了知是身由二種念所謂流散及不流散是身來者不從前際去者不至後際亦不住二際中間唯從顛倒和合造作由斯領受是中居處而爲根本然實無有主宰亦無攝屬但從客塵先所作事身體形自受用依止爲所恃處然此身者唯

有父母赤白和合不淨臭穢攬爲自體三毒憂惱常爲賊害是散壞法種種百千煩惱窟宅如寶髻經說是身無常而不久住死爲後際了知此已不應於身而生邪命應當以身修三種淨施何等爲三謂身淨施壽命淨施受用淨施是身無常應當往詣一切衆生所親近承事欲何所作或如僕使或如弟子離諸諂誑身過失等是身無常唯出入息爲壽命因寧造罪惡是身無常應於愛樂受用不生耽著一切當捨復次善男子菩薩以身觀身念處應觀自身及一切衆生身等同佛身威神加持得離纏縛然觀自身及一切衆生身與如來身無漏法性彼相無異故應如是知又無畏授所問經說謂我此身非先所集漸次散壞譬若微塵九竅流溢如瘡疱門又諸毛孔有疇羅弭迦猶如毒蛇依止而住身如聚沫體性怯弱如水泡暫生即滅亦如陽燄本無有體身如芭蕉中無有實身如幻事

為他教勅身如惡友多諸諍訟是身  
 如猴性唯輕躁是身如讎常伺其短  
 是身如賊機巧貪取是身如囚常被  
 縛戮是身如冤不可愛樂亦如魁膾  
 能斷其命又復此身如空聚落中無  
 有我如陶家輪無暫停止如滓穢  
 瓶不淨充滿身如癰疽捏唯痛楚  
 身如朽宅不久遷壞身如漏舡無  
 堪濟渡身如罅器漸當沮壞又復  
 此身如河岸樹必為駛流之所漂動  
 身如旅泊多諸艱苦身如邪舍妄  
 執主宰如同盜者常生暴惡乃至  
 是身如癡小兒要當守護彼經復  
 說如是種種不淨之身由我慢愚癡  
 妄為光潔智者所觀猶如穢瓶眼  
 鼻口等眇涕流出去何於此多生貪  
 慢又彼偈云  
 如愚癡童子 洗炭欲令白  
 設盡此生中 求白不可得  
 亦如無智人 洗身欲令潔  
 屢加於澡沐 至死不能淨  
 菩薩觀於身 九竅瘡疱門  
 八十千戶重 依身而所住

菩薩觀於身 如刻木眾像  
 勸骨假連持 應知無主宰  
 菩薩觀於身 或受作飲食  
 應知同狐狼 未食自身肉  
 論曰由飲食資助成廣大行如是處  
 處應當了知受念處者如寶鬘經  
 說善男子菩薩以受觀受念處了  
 知眾生依止大悲得如是樂若一切  
 眾生無有解脫應當修習以受觀  
 受念處我當被大悲甲攝受調伏一  
 切眾生悉以彼樂滅除眾苦我以大  
 悲令貪行眾生了知樂受離於貪  
 染我以大悲令瞋行眾生了知苦受  
 離諸過失我以大悲令癡行眾生了  
 知不苦不樂受捨俱生癡又彼樂受  
 不壞苦受不減不苦不樂受離於  
 對治則無無明若無無明彼何名受  
 云何了知一切無常及無我等然此  
 樂受即無常性苦受即逼迫性不  
 苦不樂受即寂靜性由此了知若樂  
 若苦無常無我等又無盡意經云  
 若受苦時當念一切惡道眾生起大  
 悲心攝除於瞋離於顛倒分別受等

又法集經偈云 領納復為誰  
 說受為領納 差別不可得  
 受者離於受 住如是念處  
 智者觀於受 光明遍寂靜  
 彼相如菩提 光明遍寂靜  
 大乘集菩薩學論卷第十六

甲辰歲高麗國大藏都監奉  
 勅彫造

大乘集菩薩學論卷第十六

校勘記

- 一 底本，麗藏本。
- 一 六九一頁上三行「之餘」，經、清作「之三」。
- 一 六九二頁上一六行「煩惱」，磧、南、經、清無。
- 一 六九二頁中三行「第十三」，經、清作「第十三之一」。
- 一 六九二頁中末行第八字「恃」，磧、南、經、清作「持」。
- 一 六九三頁中一〇行「調伏」，經作「調攝」。
- 一 六九三頁中末行第四字「除」，經作「持」。

大乘集菩薩學論卷第十七 六

要略經說受念處次明心念處者如

念處品第十三之餘

論曰此略說受念處次明心念處者如  
寶積經說佛言迦葉波謂於此心或  
生愛樂或起厭患或多封著於彼  
三際去何伺察若過去則已滅現在  
不住未來未至非內非外亦非中間  
皆不可得又此心者不可色見非所  
詮表亦非對治非觀非照無住無著  
然此心者一切如來尚無所見餘何能  
觀無別境界唯法想轉迦葉波是  
心如幻遍計不實由所取故種種得  
生心如虛空為諸煩惱及隨煩惱客  
塵所覆心如河流生滅不住心如燈  
光因緣所起心如擊雷剎那不住  
心如惡友能生諸苦心如漁師苦為  
樂想心如鬼魅作諸燒惱心如藥叉  
伺取精氣心如狂賊壞諸善根心  
如燈蛾常舐其色心如鼙鼓唯警  
鬪戰心如婢僕貪嗜殘味是心如  
蠅觸羶膩器是心如猪於不淨中  
謂為香潔佛言迦葉波求心者

大乘集菩薩學論卷第十七 第七

了不可得由不可得故無所得於過

現未來皆不可得則能超越三世有  
非有等又寶髻經云然此心者非外  
所有故不可見於蘊處界亦不可  
見如是尋求不可見者由何所緣  
數數得起謂彼彼心緣如是事云  
何說為心不可見應知是心如利劍  
刃何能自斷又復此心亦如指端指  
豈能說心不可見亦復如是乃至  
如人遠行其身輕轉迅疾如風所  
至境界無能障礙善男子若人於  
此六處境界自他繫屬心無愛著  
身不散亂則於奢摩他心一境性  
得無障礙是為心念處又無盡意  
經說以相應行修習莊嚴於法性  
心而不減失去何莊嚴彼法性心同  
於幻化謂若自捨一切所有而能回  
向彼法性心是為嚴淨諸佛刹土法  
念處者亦如彼說菩薩於法不觀  
法行法無可觀故若非佛法非菩  
提道則一切法皆非出離了知此已  
得大悲三摩地於一切法非有煩惱  
非無煩惱得三輪無想所以者何了

大乘集菩薩學論卷第十七 第八

諸法性無有二相是諸煩惱無積聚  
性無貪性無嗔性無癡性若能如是  
悟菩提者了煩惱性即菩提性是  
為法念處又寶髻經云善男子菩薩  
以法觀法念處若法起即生法謝即  
滅謂於法亦我人眾生壽者養者士  
夫補持伽羅意生儒童生老死等若  
集即集行若不集即不集行若善  
不善及不動行未有少法無其因  
緣而得生起乃至於是法處深所伺  
察不捨一切智菩提心故如大戲樂  
經云此有為行唯心造作猶若瓦瓶  
無常散壞行如空城為雨沮壞泥塗  
不堅漸當磨滅亦如河岸積沙所成  
自性怯弱為水流蕩行如風燈生滅  
不住行如聚沫不可撮持行如芭蕉  
中無有實復如空拳誑示愚駭乃  
至或草苒等撻撻為繩依輓輓  
而能汲引未嘗獨一有彼作用一切有  
支手相依止聚集而轉是前後際亦  
不可得如人鑽火二手與木勤劬不  
息火乃得生眾緣若離火勢隨滅  
於如是行印所印已若自若他即能

大乘集菩薩學論卷第十七 第四品云

超越斷常等行如知自賈人於諸險道所至方隅而得通達

論曰由無明愛等煩惱業緣之所招集成蘊處界於勝義中皆不可得自性清淨品第五

論曰說念處已次復入解補特伽羅決定成就相應空性斷根本已餘煩惱等不復集行又如來秘密經云佛言寂慧譬如樹名鉢羅奢若斷其根即一切枝葉悉皆枯瘁寂慧此亦如是若斷身見即能除滅一切煩惱

論曰分別空性有無量行相如月燈經偈云

若人信解如來教 於佛戒學無毀犯  
悉能遠離諸女人 知法自性常空寂  
拔除一切憂苦箭 或施醫藥令安隱  
速得成斯二足尊 知法自性常空寂  
若於身分斷支節 杖木捶打無恙惱  
忍力最上人中月 知法自性常空寂  
設百生中隨惡道 常得任持妙色相  
亦復獲是五神通 而常安住諸佛所  
又般若經云復次舍利子菩薩摩訶

大乘集菩薩學論卷第十七 第五品云

薩欲成就佛身三十二大人相及八十種好者於一切生中當念菩提心無令損壞於菩薩行得無忘失離惡知識及諸過各親近一切佛菩薩眾善知識等為欲降伏諸天魔眾淨諸業障於一切法得無障礙當學般若波羅蜜多復次舍利子菩薩摩訶薩如是發一念心悉能超越東方琉璃沙等世界一切方所當學般若波羅蜜多復次舍利子菩薩摩訶薩設住十方佛刹當學般若波羅蜜多亦如是說乃至廣如諸法無我滅業障縛則見諸法自性無滅如父子合集經云佛言大王如是六界及六觸處十八意所伺察是補嚕沙為緣得生云何六界所謂地界水界火界風界空界識界云何六觸處謂眼觸處而見於色若耳觸處得聞其聲若鼻觸處能嗅於香若舌觸處悉嘗於味若身觸處親覺其觸若意觸處則知於法云何十八意所伺察謂眼見色已若生適悅若生憂惱若住於捨如是六根各各

大乘集菩薩學論卷第十七 第五品云

緣彼適悅等三意名十八意所伺察大王云何為內地界謂於內身所生硬澀髮毛爪齒等若內地界不生亦無有滅則無集行大王若時女人而於內身如所思惟彼補嚕沙彼補嚕沙亦生愛樂由二和合羯邏藍生又復如所思惟相似和合而得生者無有是處若二女人無有是處二補嚕沙亦無是處若彼彼思惟而得生者亦無是處自體無實非相應故云何說此為堅硬性大王此堅硬性相似而立畢竟此身潰爛散滅唯塚壙間是所歸趣彼堅硬性從何所來亦非四方上下而去大王此內地界應如是知

大乘集菩薩學論卷第十七

甲辰歲高麗國大藏都監奉勅彫造

大乘集菩薩學論卷第十七

校勘記

- 一 底本，麗藏本。
- 一 六九五頁上三行「之餘」，經、清作「之二」。
- 一 六九五頁中二一行第九字「出」，經作「此」。
- 一 六九六頁上五行「第十四」，經、清作「第十四之一」。
- 一 六九六頁上一九行「身分」，經作「身命」。
- 一 六九六頁上二一行「任持」，磧、南、經、清作「住持」。
- 一 六九六頁下九行「亦無」，南、經、清作「無有」。
- 一 六九六頁下一〇行「自體」，南、經、清作「自性」。

大乘集菩薩學論卷第六

要義藏經卷第六論菩薩學論卷第六

自性清淨品第十四之二

大王是外地界堅硬性者今時世間  
 初建梵天所居宮殿大寶所成復生  
 佗化自在諸天所居宮殿皆七寶成  
 大王若無地界堅硬性生彼何所來  
 復成大地厚八萬四千踰繕那縱廣  
 六萬踰繕那復生輪圍大輪圍山堅  
 固安住同一金剛復生蘇彌盧山度  
 健陀山頹泥陀山伊舍陀山乃至黑  
 山如是三千大千世界次第成已堅  
 固安住若無地界堅硬性生彼何所  
 來大王又此世界欲壞滅時或為火  
 焚或為水漂或為風吹而此大地為  
 火燒時譬如酥油其焰彌熾乃至煤  
 燼不復可見若為水漂如投鹽水中  
 尋即消壞若為毗嵐風所吹時彼三  
 千大千世界悉皆散壞淨盡無餘大  
 王此外地界生時本空滅時亦空自  
 性空故無有男相亦無女相但唯言  
 說之所顯示如是地界與地界性皆

不可得如實正慧而能了知云何內

水界若此身內所有執受濕潤等性  
 彼復云何所謂涎汗涕唾脂髓膿血  
 瘦便等物為內水界大王若時忽見  
 親愛八等眼中流淚或為苦惱所逼  
 流淚或聞深法信重流淚或為寒風  
 所吹流淚如是水界從何所來水相  
 乾時復何所去乃至此界壞時遍興  
 黑雲三十二重彌覆三千大千世界  
 於虛空中降澍洪雨點大如象晝夜  
 傾注相續不絕如是時分經五中劫  
 其水積滿上至梵世大王此大水界  
 從何所來又此世界將欲壞時有二  
 日出二日出已小河泉源悉皆乾竭  
 三日出時無熱惱池流出四河亦皆  
 枯涸四日出時大海水減一踰繕那  
 或二或三漸次減少至十踰繕那或  
 二十踰繕那次第枯竭至八十踰繕  
 那有餘水在或深一多羅樹或深至  
 腎臆或深如牛跡乃至少水深一指  
 面當尔之時大海中水悉皆乾竭淨  
 盡無餘大王此水界相生無所來滅  
 無所去生時本空滅時亦空自性空

故無有男相亦無女相但唯言說之

所顯示如是水界與水界性皆不可  
 得云何身內火界若此身中所有執  
 受溫熱等性彼復云何所謂溫暖蒸  
 熱咀嚼飲食成熟變壞使令安樂  
 入熱數者名內火界云何外火界謂不  
 執受溫熱相生若復有人於曠野中  
 尋求火緣或以蒿艾或牛糞屑或堯  
 羅綿引火生已或燒草木山林聚  
 落及餘方處皆為所燒大王如是火  
 界生無所來滅無所去從本已來自  
 性離故云何身內風界輕動等性彼  
 復云何謂此內風或時上行或時下行  
 或住腹間或脇或背或發隱疹或聚  
 成塊或如刀裂或如針刺出入息等  
 遍滿身肢外風界者謂若此風從四  
 方來或緊如箭或利如刃若狂暴起  
 摧折林木墮裂山峯若微細起飄  
 舉身衣動多羅樹名外風界餘如前  
 說云何內空界若此身內皮肉血等顯  
 現增長離質礙性彼復云何謂若眼  
 竅耳穴面門咽喉嚙敢飲食所引  
 滋味於腸胃間通徹而出若時業緣

引生六處諸處生已圍繞空界此說名  
入內空界數然彼空界後何所來若  
復外所顯現離質礙性名外空界大  
王若色變壞一切皆空所以者何是  
虛空界本無盡故安住不動猶如涅  
盤遍一切處無有障礙大王譬如有入  
於彼高原穿鑿池井於意云何是池  
井中所有空相從何所來王言無所從  
來佛言大王設使彼人復填以土於意  
云何空何所去王言空無所去所以者  
何是虛空界無去來故不住男相不  
住女相大王外虛空界本來無動所  
以者何自性離故如寶正慧而能  
了知  
復次大王云何識界謂若眼根為主各  
別所緣顯色形色及以表色名眼識界  
若六根為主緣於六境各別建立名  
六識界又此識界不著於根不住境  
界非內非外及二中間然此識界各各  
了別彼彼事已即便滅謝生無所來  
滅無所去大王識生時空滅時亦空自  
性空故不住男相亦非女相但唯言說  
之所顯示如是識界與識界性皆不

可得如寶正慧而能了知大王云何眼  
處謂四大種地界水界火界風界所  
造淨色若地界清淨則眼處清淨若  
水火風界清淨則眼處清淨何以故由  
地界清淨眼處得生是中無有少法  
可得如是乃至由風界清淨眼處得  
生是中無有少法可得何以故無主  
掌故無造作故猶如涅盤自性淨故  
大王如是眼處各各尋求皆不可得  
所以者何由地界空故則地界清淨  
乃至風界空故則風界清淨若諸法  
自性本空則彼界何有清淨亦無忽  
譚若淨若譚皆不可得復有何色  
而可見耶當知眼處畢竟空故自性  
亦空前際後際皆不可得未來所造  
亦不可得何以故自性離故若自性  
無有則無男相亦無女相何有愛樂  
若生愛樂是魔境界若無愛樂是  
佛境界何以故若無愛樂則能遠離  
一切諸法  
大王云何耳處謂四大種所造淨色  
乃至大王諸法解脫法之現前如法  
界空不可施設不可顯示不可記

別無所希望大王諸根各各樂著境  
界眼綠色時而生樂著是故說色為  
眼境界又此眼根緣於色境有三種  
相觸可愛色起於貪想不可愛色  
起於嗔想非愛非惡而起捨想如是  
乃至意著法處為意境界若彼意處  
緣可愛色極生樂著為彼所牽引  
生貪行不可愛色生於嗔行於愛非  
愛起於癡行如是聲等三種攀緣領  
納等相准前應說大王當知諸根如幻  
境界如夢譬如有入於睡夢中與諸  
婁女共相娛樂大王於意云何彼夢  
覺已憶念夢中婁女娛樂為實有不  
王言不也世尊大王於意云何是人所  
夢執謂為實為智者不不也世尊  
何以故夢中所見象人婁女畢竟無  
有何況與之共相娛樂當知是人徒  
自疲勞念夢中境不復可得佛言  
大王如是如是愚癡異生眼見色已  
心生愛樂復起執著者為彼所牽造  
貪業行身業三種語業四種意業  
三種最初造作剎那滅謝不依東  
方南西北方四維上下中間而住於死

大乘集菩薩學論卷第八 第七段 云

邊際命根滅時自分業報皆悉現前猶如夢覺念夢中事大王識為其主業為攀緣二種相因初識生起或趣地獄或墮傍生琰摩羅界及阿蘇囉若人若天初識生已各受其報同分心品相續隨轉最後識滅名為死蘊最初識起名為生蘊大王當知無有少法從於此世得至他世所以者何性生滅故大王身識生時無所從來滅無所去彼業生時無所從來滅無所去初識生時無所從來滅無所去何以故自性離故如是了知身識身識空自業自業空初識初識空若滅滅空若生生空了知業縛無有作者亦無受者但名想耳復次大王譬若有人於睡夢中與諸寃對共相鬪戰於意云何是人覺已憶念夢中鬪戰等事為實有不王言不也世尊佛言大王於意云何是人所夢執謂為實為智者不不也世尊何以故夢中畢竟無有寃對何況與之共相鬪戰是人徒自憂惱都無有實佛言大王如是如是愚癡異生眼見惡色即生於惱歎離破壞毀

大乘集菩薩學論卷第八 第八段 云

皆過失造瞋業行餘同前說復次大王譬若有人於睡夢中為毗舍遮之所燒害心生怖畏癡迷悶絕大王於意云何是人覺已憶念夢中為鬼所燒為實不不也世尊夢中畢竟無鬼所惱況癡迷耶佛言大王如是如是愚癡異生眼見是色癡迷不了造癡業行餘如前說復次大王譬如夢中得聞衆人美妙調聲篋篋絃管諸音樂等大王於意云何是人覺已憶念夢中所有歌樂為實不不王曰不也世尊佛言大王於意云何是人所夢執謂為實是為智不不也世尊何以故夢中衆人尚不可得何況美妙諸樂音聲是人徒自疲勞畢竟無有佛言大王如是如是愚癡異生聞可意聲聞已適悅復生樂著造貪業行如是香等各各三種准前應知乃至大王於此法中善自安意應作是念我當云何於人天中為作眼目為大燈炬而作照明為作船師令渡彼岸為大商主引至寶處未解脫者令得解脫未安隱者令其安隱

大乘集菩薩學論卷第八 第九段 云

未涅槃者令證涅槃大王當知諸根如幻境界如夢凡夫縛著無有厭足乃往過去無量世時有轉輪王名無量稱威德名聞富貴自在統四大洲獨為尊勝隨所意樂而得受用一切林樹常有花果時世人民安隱無惱復能降雨衆妙香水金銀珠寶種種資具諸有所須普皆充足忽於一時昇初利天帝釋天主分座令坐貪欲無厭欲侵其位作是念已即便退沒羣臣圍繞咸共見之譬如生酥置熱沙中不得久住將趣命終今時有王名曰作愛見是事已而作是言我當云何於諸世間善說斯事時無量稱語作愛言汝於未來當如是說彼無量稱貪無厭故自取命終乃至是故大王諸根如幻境界如夢當自安意勿生信順身如陽燄自性無有色受想行自性不實亦復如是

大乘集菩薩學論卷第八  
甲辰歲高麗國大藏都監奉  
勅彫造

大乘集菩薩學論卷第十八

校勘記

- 一 底本，麗藏本。
- 一 六九八頁中八行末字「興」，經作「生」。
- 一 六九八頁中一二行第一一字「此」，磧、南、經作「比」。



摩擊而發於火如是思惟火何所得  
 我說作業亦復如是如說有人壽滿  
 百歲應知無有積聚年歲而可見也  
 又如法集經說眼之與色本無有諍  
 如是耳聲乃至意法亦無有諍云何  
 眼色無有所諍以二和合不相違故  
 乃至意法二相和合亦復如是若不  
 和合則有所諍世尊法無有二是故  
 不諍諸法無二各不相知由不相知  
 則無分別若離分別則無生滅無有  
 增減不生愛樂亦無厭患不住輪回  
 不着涅槃世尊若於諸法不樂不厭  
 應知則無染淨等相世尊若言如是  
 我知如是我覺皆是虛妄之所分別  
 世尊若復於此眼等諸法善了知已  
 不作是念我能分別當知是人與  
 物諍則能隨順沙門道行為見法者  
 為見佛者為見眾生者為見空性者  
 世尊見無所見是名諸法無見彼經  
 又云無所發菩薩問曰如如空者於  
 法何說佛言彼如如空不生不滅若  
 如是者諸法皆空時無所發菩薩言  
 如是如是是故世尊說一切法皆無

生滅世尊何故復說有為諸法悉皆  
 生滅若如是者則佛之塔廟決定生  
 滅善男子如來大悲為除世間眾生  
 驚怖隨順宣說生滅之法是中無有  
 少法可得況生滅耶如般若經云具  
 壽須菩提無生法者何名無生須菩  
 提言舍利子生無所生是無生法  
 論曰此明積集清淨福行而成菩提  
 以清淨慈緣於有情善觀察已無眾  
 生相若復供養十方善逝彼二足尊  
 已離垢染亦不可見應當供養菩提  
 眾生是調御師之所教教人中上供  
 而以施之以大悲心拔除眾苦獲安  
 隱樂發生淨慧斷除煩惱於此正理  
 善了知已當離疑惑如是供養果不  
 難得了佛正教如教觀身念八聖道  
 斷諸癡染當捨己身承事諸佛不希  
 世間諸天妙樂修奢摩他毗鉢舍那  
 若寂遍寂為出苦道  
 云何建立世俗諸法謂於虛妄處和  
 合相應凡夫迷倒謂為子想依止成  
 就說勝義空處則無是相以一切法  
 本無生故如無垢稱經說文殊師利

問維摩詰曰虛妄分別以何為本日  
 顛倒想為本又問顛倒想孰為本日  
 無住為本又問無住孰為本日無住  
 則無本文殊師利從無住本則能建  
 立一切諸法又般若經云應當捨家  
 安住勇猛斷除煩惱心淨平等修習  
 般若波羅蜜多又法集經云善解空  
 者心不依止世間所有利衰稱譏忻  
 感毀譽於諸苦惱不生厭患於諸使  
 樂不生愛著不為世法之所破壞善  
 解空者則了空性無有少法而生取  
 捨若無取捨則無貪厭此則名為善  
 見空者善知空者於一切法無有執  
 著若無執著則於諸法無有所諍  
 論曰此明剎那心得清淨謂由我慢  
 輕捨眾生了知我見本來無有彼若  
 一心專注能斷是人速疾心得清淨  
 如是觀察於一切處諸眾生所常樂  
 尊重離於攀緣及所分別自他平等  
 何有相違如是行學斯不為難譬若  
 如意摩尼寶珠人所愛樂非能自貴  
 是故於他當生尊重謂由顛倒分別  
 執著於有情邊而生怪怪或生毀訾

大業集菩薩學論卷第十九 第七張云 元  
 皆由我慢之所纏縛以是緣故多生  
 讚毀增長熱惱如何鼻燃是聲无心  
 於讚何有此妄慧起彼適悅生何於  
 他言而生於愛他喜若生非我有故  
 常樂平等自取安靜解分別縛離讚  
 毀相如是了知都無果利又於財利  
 多生喜惱慣習慳嫉機巧希求順違  
 二種俱獲重罪隨順正理當起對治  
 摧我慢攀心速清淨離語言過專樂  
 寂嘿唯除教誨相續顯示了諸妄法  
 無有堅實生苦之本不得久住  
 正命受用品第十五  
 復次長者若在家菩薩當樂正命平  
 等受用遠離非法邪活命等如寶雲  
 經說云何菩薩於施者所不以身業  
 假現威儀若舉足時不詐徐步若下  
 足時不作瞻視現思惟相云何菩薩  
 語不矯詐不為利養而現細語柔軟  
 語愛語隨順語云何菩薩心不諂曲  
 不為利養語現少欲心廣貪求內懷  
 熱惱云何菩薩善能捨離為利養故  
 而現異相若見施者終不自言我乏  
 衣服卧具飲食病緣醫藥願垂惠施

大業集菩薩學論卷第十九 第八張云  
 云何菩薩善能捨離為利養故虛言  
 鼓動若見施者不作詐言某甲施主  
 持如是物而施於我我以某物而報  
 彼恩又言以我少欲持戒多聞故施  
 我起悲心而攝受之乃至身行惡者  
 為利養故奔走往來而破禁戒若見  
 餘人同梵行者所得利養與心損壞  
 是名菩薩離於險惡而求利養云何  
 捨離非法利養謂此菩薩不以斗秤  
 而行欺誑他所委信不生侵損云何  
 捨離不淨利養謂此菩薩於空堵波  
 若法若僧所有之物不作手用若有  
 所得亦不肯受云何捨離耽著利養  
 謂此菩薩所得之物不攝於已不自  
 街富亦不積聚隨時而施沙門梵志  
 婆羅門等或施父母親眷朋屬或自  
 受用若受用時不生染著若時菩薩  
 不獲利養心不生苦亦無熱惱或復  
 施者無有所施菩薩於彼不生瞋心  
 又無盡意經說無有眾生不堪受施  
 如其所許持用施之有來乞者不起  
 惱施不為他人逼迫而施無勞倦施  
 無異相施無輕易施無背而施無弃

大業集菩薩學論卷第十九 第九張云  
 擲施無不勤施無分別施無不自手  
 施無不依時施無不平等施無惱眾  
 生施又如最上授所問經云菩薩行  
 布施波羅蜜多時若有人來乞所須  
 物當依我作而給與之若樂酒者使  
 生正念即與其飲後復令斷如是菩  
 薩清淨方便攝受眾生若其內心愛  
 樂不捨菩薩即為種種呵毀酒之過  
 失如利刀劒決定遠離不令相續如  
 是施者則無過咎  
 論曰此說施行清淨漸令趣入如餘  
 經中廣明制斷如虛空藏經云所謂  
 我清淨施我所清淨施因清淨施見  
 清淨施相清淨施種種性清淨施刹  
 那果報清淨施心等如空清淨施乃  
 至譬如虛空無有邊際菩薩行施亦  
 復如是譬如虛空寬廣無礙菩薩行  
 施廣大回向亦復如是譬如虛空無  
 有色相菩薩如是離色行施亦復如  
 是譬如虛空無想無作無表無相菩  
 薩行施亦復如是譬如虛空遍諸佛  
 刹菩薩大慈緣諸有情廣大行施亦  
 復如是譬如虛空合容一切菩薩行

大乘集菩薩學論卷第十九 第七張 三  
施攝諸有情亦復如是乃至如變化  
人施變化者無有受用亦無分別意  
達諸法無所希求離我我所自性清  
淨以勝智慧斷諸煩惱以方便智不  
捨有情是為菩薩修行布施波羅蜜  
多猶若虛空

大乘集菩薩學論卷第十九

甲辰歲高麗國大歲都監奉  
勅彫造

大乘集菩薩學論卷第十九

校勘記

- 一 底本，麗藏本。
- 一 七〇二頁上三行「之餘」，徑、清作「之三」。
- 一 七〇二頁中一七行「音響」，徑作「音樂」。
- 一 七〇二頁下一八行「受記」，徑、清作「授記」。
- 一 七〇二頁下一九行「不滅」，磧、南、徑、清作「不滅」。
- 一 七〇二頁下二〇行第七字「汝」，磧、南、徑、清作「如」。
- 一 七〇三頁中八行第四字「明」，徑作「名」。
- 一 七〇三頁下二行「又問」，磧、南、徑、清作「又曰」。
- 一 七〇四頁上二行第八字「何」，磧、南、徑、清作「阿」。
- 一 七〇四頁上三行「於讚」，磧、南、徑、清作「讚讚」。
- 一 七〇四頁上一二行「第十五」，徑、清作「第十五之一」。
- 一 七〇四頁下四行「來乞」，磧、南、徑、清作「求乞」。
- 一 七〇四頁下六行第六字「其」，磧、南、徑、清作「具」。

大乘集菩薩學論卷第二十 云

更證經論卷之三論菩薩學論卷第二十目攝等奉詔譯

正命受用品第十五之餘

論曰此復明尸羅清淨如虛空藏經云遠離聲聞辟支佛心於菩提心不生退轉則於尸羅而得清淨善男子譬如虛空體性清淨菩薩持戒清淨亦爾虛空無垢菩薩持戒無垢亦爾虛空寂靜菩薩持戒寂靜亦爾虛空無壞菩薩持戒無壞亦爾又如虛空無能過勝菩薩持戒於有情中無有勝者又如虛空清淨平等菩薩行忍於諸有情平等和合清淨亦爾譬如有人手持利斧入婆羅林斷其枝葉當知彼樹無有嗔恚不生分別誰能斷者亦不分別誰所斷者菩薩行忍亦復如是是為菩薩最上忍辱猶如虛空又寶髻經說身精進清淨謂若此身猶如影響所有言說自性無記了知是心畢竟空寂當以大悲被慈甲冑具足請行深修禪定於功德法无令缺減以菩提心觀諸衆生无有

大乘集菩薩學論卷第二十 第三段 云  
缺減樂行布施乃至方便無有缺減於慈悲喜捨深心相應無有缺減於布施愛語利行同事無有缺減於正念正知無有缺減於念處正勤神足根力覺支聖道無有缺減乃至於奢摩他毗鉢舍那無有缺減捨業煩惱自性無知修檢其身無令縱逸常勤佛事成熟有情咸得清涼安住寂靜善男子是名菩薩修禪波羅蜜多行清淨如是乃至智慧波羅蜜多當如是知

增長勝力品第十六  
論曰此明三種增長勝力謂於所行行常無厭足所度衆生不生懈退求佛妙智堅固勇猛是三種力非諸聲聞所能行故如寶雲經說以諸衆生自性怯弱唯除菩薩顯現增長又如來祕密經說時阿闍世王復白佛言世尊菩薩具修幾法即能獲得如是勝力佛言大王菩薩若修十法獲斯勝利何等為十一者菩薩寧捨身命終不棄捨無上正法二者於一切衆生作謙下想不增慢心三者於彼劣弱

大乘集菩薩學論卷第二十 第三段 云  
衆生起慙念心不生執言四者見飢渴衆生施妙飲食五者見怖畏衆生施其無畏六者見疾病衆生施藥救療七者見貧乏衆生惠令滿足八者見佛塔廟形像圖拭圓淨九者出歡喜言安慰衆生十者見彼負重疲困苦惱衆生為除重擔菩薩若具如是十法即能獲得如是最勝之力又海意經說菩薩若能發起精進常所堅固勤行樂欲所起精進無有休息而諸菩薩即於阿耨多羅三藐三菩提不為難得何以故海意由精進故乃得菩提若懈怠者於佛菩提遠中復遠無懈怠者能行布施乃至無懈怠者能集智慧如月燈經云猶如水中生優鉢羅花應知次第而得增長當漸修學布施等行如能斷金剛經云若菩薩善住布施所獲福聚不可稱量又如大般若說復次舍利子若菩薩摩訶薩樂欲修習般若波羅蜜多非少布施而得圓滿應當施與一切衆生金銀珠寶園林舍宅種種所須隨其意樂以一切相智方便善巧而能

大乘集菩薩學論卷第二十 第三段 云  
衆生起慙念心不生執言四者見飢渴衆生施妙飲食五者見怖畏衆生施其無畏六者見疾病衆生施藥救療七者見貧乏衆生惠令滿足八者見佛塔廟形像圖拭圓淨九者出歡喜言安慰衆生十者見彼負重疲困苦惱衆生為除重擔菩薩若具如是十法即能獲得如是最勝之力又海意經說菩薩若能發起精進常所堅固勤行樂欲所起精進無有休息而諸菩薩即於阿耨多羅三藐三菩提不為難得何以故海意由精進故乃得菩提若懈怠者於佛菩提遠中復遠無懈怠者能行布施乃至無懈怠者能集智慧如月燈經云猶如水中生優鉢羅花應知次第而得增長當漸修學布施等行如能斷金剛經云若菩薩善住布施所獲福聚不可稱量又如大般若說復次舍利子若菩薩摩訶薩樂欲修習般若波羅蜜多非少布施而得圓滿應當施與一切衆生金銀珠寶園林舍宅種種所須隨其意樂以一切相智方便善巧而能

大乘集菩薩學論卷第二下 第四段云  
迴向無量阿僧祇一切衆生當學般若  
波羅蜜多

論曰此明大悲空藏自性清淨受用  
福聚速疾增長若無大悲非菩薩行  
建立諸善此為根本如是深心堅固大  
悲現前勇猛修作諸相應行則能獲  
得尸羅清淨故有頌云

如人善鬪戰 利器心堅勇

若小有懈怠 則為彼所執

又如善財往詣聖慈善知識所即自  
念言而我此身於過去世無勇猛心  
無堅固意無清淨因受諸輪轉心樂  
流蕩顛倒分別自邪思惟樂習欲行  
取着世間無利事業或於自身所獲  
義利起不平等悉皆棄捨於現在  
世起大勇悍揀擇分別真實思惟於  
諸菩薩所行正行當勤修作於諸衆  
生起增上心多所饒益於諸佛所發大  
精進作大善利莊嚴諸根增長願力  
讀誦經典心淨信解攝持身心不生  
高舉常樂出離生老病死憂惱苦  
海而於後際樂行菩薩所行之行應  
當往詣一切佛刹敬受如來之所教誨

大乘集菩薩學論卷第二下 第四段云  
親近供養善說法師樂求相應諸佛  
正法承事供給諸善知識開示演說一  
切佛法菩薩若能如是思惟觀察

則能增長願力智身度脫衆生植衆  
德本如無盡意經說菩薩獨一無侶  
勇猛堅固畢竟攝取阿耨多羅三藐  
三菩提深心自修不假他作以精進體  
而自莊嚴如諸衆生所作善業我亦  
如是悉當作之及諸菩薩從初發心  
所修諸行我亦當行施非我伴我是  
施伴戒忍精進禪定智慧非是我伴  
我是彼伴諸波羅蜜不能使我而我  
能使諸波羅蜜一切善根皆亦如是乃  
至於金剛坐道場壞諸魔衆一刹那  
頃以平等相應慧得成阿耨多羅  
三藐三菩提如金剛幢經說如日天  
子出現世間獨一無侶所歷境界而  
無退轉於生盲者不生厭患於羅睺  
阿修羅王不生厭患於乾闥婆城不  
生厭患於閻浮提方處穢惡不生厭  
患於四天下地界微塵不生厭患於  
諸高山煙雲等障皆無厭患菩薩  
摩訶薩出現世間亦復如是以無分

大乘集菩薩學論卷第二下 第四段云  
別智正念了知若為衆生之所損害不  
生厭患心無退轉若於菩薩廣大善  
根而生嫉妬菩薩於彼不生厭患心

無退轉若復衆生為邪見垢之所染  
汙菩薩於彼不生厭患心無退轉若  
見衆生常為瞋恚之所纏縛菩薩於  
彼亦不遠離若見衆生愚癡復墮煩  
惱垢重而復破壞善提種子一切世  
間無能救護菩薩於彼不生輕慢何  
以故菩薩大悲不見衆生有過失故  
猶如日輪出現世間皆令明顯無有障  
障若復衆生愚癡所覆不信諸佛  
不聞正法不識僧由自所造作種種  
苦因或墮地獄傍生鬼界是時菩薩  
見彼衆生造是業已心不動亂亦不  
揀擇無有驚畏發堅勇心不生退轉  
決定代彼受諸苦惱所以者何我當  
荷負彼諸衆生乃至世間生老病死  
苦惱之難八無暇難諸輪回難諸惡  
見難壞善法難生無智難我當畢  
竟令脫是難是諸衆生無明所蔽愛  
網所著有結所縛諸苦籠執系不生  
覺了無求出離常懷疑惑與願相違

大乘集菩薩學論卷第二十一 第七十五云

於輪回海一向漂沒我當安住一切智王  
令諸眾生成就義利皆得解脫唯我  
一人能為救護假使一切世界悉為惡  
趣受苦眾生充滿其中以我所集一  
切善根平等迴向無不與者乃至最  
後邊際所經時分一一惡趣消滅無餘  
二眾生皆得解脫若使一人未離苦  
者我當以身質而出之願諸眾生因  
我身故得盡苦際獲安隱樂各各  
樂出真實語言勿相欺誑不生損害  
我當令發一切智心離五欲境行善謹  
行畢竟安住無上正等菩提所以者  
何是諸眾生由著欲故攝屬魔境  
諸佛世尊之所呵毀當知貪欲眾苦  
之本以是緣故或作諍訟或相鬪戰起  
諸煩惱後墮地獄餓鬼畜生乃至斷  
生天業遠離諸佛何由能發無上智  
王是諸眾生為欲所沒熾然燒煮無量  
過患我以善根平等迴向令諸眾生  
皆悉捨離樂求佛智得涅槃樂我  
當為彼作大導師以方便智令達彼  
岸又如日出照四大洲於諸境界咸令  
顯現若王宮殿聚落城邑人民往來所

大乘集菩薩學論卷第二十一 第七十六云

作事業成熟苗稼滋榮草木是日天  
子光明威德獨出世間決定無二如是  
菩薩從初發心見諸眾生不種善根  
即作是念我當救護一切眾生我當  
解脫一切眾生我當照明一切眾生  
我當教誨一切眾生我當入解一切  
眾生我當攝受一切眾生我當成熟  
一切眾生皆令安隱斷諸疑惑又如  
日輪出現世間光明普照不假他求  
菩薩摩訶薩亦復如是出現世間  
見苦眾生不待他請而方救護無  
少善根而不回向以諸眾生而為莊  
嚴又無盡意經云菩薩不計劫數而  
求菩提從生死本至于今日所經時  
分不可稱量於若干劫而作莊嚴乃  
至一觀諸佛一發道心所經諸佛如苑  
如沙承事供養無有懈倦方能解  
了一切眾生心之所行是名菩薩無  
盡莊嚴如是修習檀波羅蜜善提分  
法而能具足相好莊嚴又寶雲經云菩  
薩見諸眾生盲無慧眼龐候難調破  
戒顛墮眾惡悉具是時菩薩深起厭  
離求生淨土願我不聞諸惡之名作是

大乘集菩薩學論卷第二十一 第七十七云

念已復更思惟是諸眾生愚癡昏啞  
無涅槃分不生信心遠離諸佛我當  
調伏而救拔之發是心時一切魔宮悉  
皆震動十方諸佛同聲讚歎是人  
久坐於道場得阿耨多羅三藐三  
菩提  
論曰如是漸次思惟觀察則能增長  
無量福聚應當質直深心堅固修作  
如法集經說於佛法中質直為本若  
諸菩薩無質直心則是遠離一切佛  
法若是具足深心堅固於未曾聞深  
妙之法而生渴仰或於空中山林樹  
間自然出於深妙法音而得解了是  
故菩薩當如是行如人有足則能遊  
行菩薩若具質直深心而能修行一  
切佛法如人有身則有壽命菩薩若  
具質直深心則能獲得諸佛菩提如  
人有命則有財利菩薩若具質直深  
心而能獲得諸佛聖財譬如大炬其  
焰熾然菩薩若具質直深心於諸佛  
法則能明了譬如有雲則能降雨菩  
薩若具質直深心則能宣布諸佛法  
雨是故菩薩應當了知質直深心善

大乘集菩薩學論卷第二十 第十張云  
自守護譬如樹根腐敗則不能生枝

葉花果菩薩若無質直深心於諸  
善法不復生長亦不能取諸佛菩提

大乘集菩薩學論卷第二十

甲辰歲高麗國大藏都監奉  
勅彫造

大乘集菩薩學論卷第二十  
校勘記

- 一 底本，麗藏本。
- 一 七〇六頁上三行「之餘」，徑、道作「之二」。
- 一 七〇六頁上七行「持戒清淨」，徑作「清淨持戒」。
- 一 七〇六頁上一二行第四字「如」，徑、清作「於」。
- 一 七〇六頁中四行第二字「正」，磧、南、徑、清無。
- 一 七〇六頁中一二行「第十六」，徑、清作「第十六之一」。

大乘集菩薩學論卷第二十一云

受經經藏經卷第百一十卷第百一十卷第百一十卷

增長勝力品第十六之餘

論曰云何名為深心覺了無盡意經云復次是心於諸所作離欺詐故離欺詐者不起詭故不起詭者能決定故能決定者除詭幻故除詭幻者住清淨故住清淨者常正直故常正直者無邪曲故無邪曲者性明了故性明了者善悟解故善悟解者得真實故得真實者不可壞故不可壞者獲堅牢故獲堅牢者得不動故得不動者不捨眾生故此說是為深心覺了是經復說最上殊勝深心修習安住寂靜慈覆眾生於賢善者恭敬尊重非賢善者悲心濟拔無抹護者為作抹護無依歸者為作依歸於漂泊者為作洲渚無主宰者為作主宰無伴侶者為作伴侶於邪曲者使令正直於暴惡者使令柔順於詭誑者使令中正於虛誑者使令誠諦於姦宄者使令淳質不知恩者使令知恩於苦惱者令得安隱不饒益者為作饒

大菩薩藏經卷第百一十卷第百一十卷第百一十卷

第百一十卷第百一十卷第百一十卷

益於我慢者使令謙下於毀譽者使令讚美於錯謬者為作教詔無守護者為作守護於相違者不見過咎於諸師尊起清淨行方便善巧等心恭敬於所教誨憶持不忘

論曰如是漸次深心修作則能增長勝力大悲現前如法集經云今時觀世音菩薩白佛言世尊菩薩修學不須多法若持一法則能善知一切佛法是一法者所謂大悲若諸菩薩能行大悲則能攝取一切佛法如在掌中世尊如轉輪王所有輪寶隨其所至皆悉隨從菩薩若起大悲則於諸佛法自然獲得亦復如是世尊譬如日出光照世間諸有情類所作事業皆得成辦菩薩若以大悲照於一切菩提分法則易修作亦復如是世尊譬如諸根以意為本悉能取於自分境界菩薩住於大悲則於一切菩提分法各各修作如理而行世尊譬如依彼命根有餘諸根菩薩若有大悲則能修諸菩提分法又無盡意經云譬如人之命根以出入息而為其本如是菩薩修學大乘即

大乘集菩薩學論卷第二十一

第百一十卷第百一十卷第百一十卷

以大悲而為其本又如長者唯有一子愛念情重未曾暫捨菩薩獲得大悲於諸眾生愛之若子亦復如是

論曰此云何觀謂以慈修心於諸眾生愛猶已子過去世時無量苦惱現生之中病苦大海未來長時輪回險難如十地經說無智愚癡異生之類有無數身已滅現滅當滅如是滅已不能於身而生獸患轉更增長眾苦機關隨生死流不能出離不能棄捨諸溫執藏不能遠離大種毒蛇不能觀察六處空聚不能斷除我及我所不能拔出見慢毒箭不能息滅貪恚癡火不能破壞無明黑暗不能枯涸渴愛巨浪不求十力大聖導師入邪稠林隨逐魔黨於輪回海一向漂沒無明如殼厚膜纏裹老病死苦常所逼切我今為愍諸有情等而作抹護積集無量福智資糧以是善根皆悉令得究竟清淨彼經復說是諸有情馳騁生死險難惡道地獄傍生琰魔羅界愚癡暗蔽闕大導師乃至沒於愛河洄復流轉不暇省滅欲志害尋無由

弃捨貪欲習氣身見羅刹之所執持我慢洲渚無所依怙不能超越六處聚落無少善根而能濟度是故我今以大悲力拔彼衆生令脫苦難離垢寂靜當令安住一切智智大寶洲故是諸有情憂悲苦惱隨轉連縛含愛桎梏之所檢繫無明諂誑長時覆翳於三界獄不求出離我皆令脫種種怖畏現前苦惱使無障礙得安隱樂

論曰如是於他堅固深心則能增長大悲福行又最上問經云晝夜六時著新淨衣禮敬諸佛常生尊重次第修作成普賢行又三聚經說頭面接足禮敬諸佛則能懺除一切罪垢三聚者謂懺悔勸請隨喜福等又優波離所問經中但明勸請一種義利解諸魔網悟無常故又等行禮敬一切諸佛如無盡意經說自他懺悔所獲福行如普賢行四伽陀中說隨喜福行如月燈經隨喜品說自餘經中具明三種次明廣大供養回向行相如寶雲經云若諸菩薩以所生花及諸

焚香旃檀香樹劫樹寶樹乃至無主宰者無執持者晝夜六時運心供養佛菩薩等又三昧耶經云十方世界國土所有地生寶山水生寶山一切妙藥諸清淨水上妙飲食及諸金寶乃至北俱盧洲林藤地味自然香稻最上愛樂所受用者長時運心如前供養

論曰如上所明廣大親近承事供養佛菩薩等如是聞已畢竟一心依教而行發願回向如普賢行經見金剛幢經或十地經中說復次菩薩摩訶薩住極喜地引發十種廣大誓願所謂承事供養一切如來而能成就清淨勝解如是行相盡虛空界同等法性窮未來際一切劫數所有諸佛出興於世作大供養無有休息是為發起第一大願

為欲受持一切如來所說法眼善能守護諸佛正教盡虛空界同等法性窮未來際一切劫數攝受正法無有休息是為發起第二大願  
為於諸佛出現於世最初安住梵率天宮降神託陰住胎誕生長年出家

修行苦行坐菩提場降伏諸魔轉正法輪示涅槃相最先加行往詣供養於一切處同時而轉最上法輪盡虛空界同等法性窮未來際一切劫數所有諸佛出現世間請轉法輪無有休息是為發起第三大願

為欲引發廣大無量諸菩薩行及無分別諸波羅蜜圓滿清淨所攝諸地總相別相同相異相成相壞相如實無倒顯示教誡諸菩薩行使令發心盡虛空界同等法性窮未來際一切劫數所行正行無有休息是為發起第四大願

為欲成熟諸有情界有色無色有想無想非有想非無想外生胎生濕生化生三界六趣之所繫屬名色所攝使令永斷一切趣數皆悉入於諸佛法中畢竟安住一切智智使無遺餘盡虛空界同等法性窮未來際一切劫數成熟有情無有休息是為發起第五大願  
為欲入解十方世界若廣若狹若廣若細或覆或仰雜亂而住猶如帝

綱分位各異以相應智現前了知盡虛空界同等法性窮未來際一切劫數悉能入解如是世界無有休息是為發起第六大願

為欲嚴淨諸佛國土後一佛刹至一佛刹皆以光明周遍莊飾離諸煩惱成清淨土大智有情充滿其中普入諸佛廣大境界隨諸有情意樂歸向平等顯示皆令歡喜盡虛空界同等法性窮未來際一切劫數及佛刹數盡嚴淨無有休息是為發起第七大願為欲與諸大菩薩眾同一意樂積集善根同一所緣住平等性常得值遇諸佛菩薩隨其所欲不相捨離示佛威力等同發心而復獲得不退神通即能往詣一切世界於大眾中現同類身樂修菩薩所行正行悟不思議大乘妙法盡虛空界同等法性窮未來際一切劫數等諸菩薩悟入大乘無有休息是為發起第八大願為欲乘御不退轉輪諸菩薩行身語意業皆不唐捐若暫見所作於佛法中便得決定暫聞言音即生

淨信能起正智永斷煩惱願令是身如大藥樹林諸疾苦如如意寶濟諸貧乏廣利眾生修菩薩行盡虛空界同等法性窮未來際一切劫數不虛所行無有休息是為發起第九大願

為於十方一切世界當證無上正等菩提於其所化毛道眾生或一或多皆能顯示降生出家成等正覺轉大法輪入般涅槃示佛境界智慧威力隨諸有情之所意樂於刹那頃盡令覺悟盡眾生界真實回向唯一菩提廣大涅槃咸以一音宣說法要令諸有情心皆悅豫以神通力悉能充滿一切世界示大智力則能建立一切諸法示大涅槃而不泯絕一切諸行盡虛空界同等法性窮未來際一切劫數成三菩提無有休息是為菩薩引發十種廣大誓願論曰如是觀想深心精進於一切處作是回向如觀音解脫經云以我所作一切善根平等回向令諸眾生離墮落怖令諸眾生脫諸眷屬恩愛怖令諸眾生滅愚癡怖令諸眾生斷繫縛怖令諸眾生離斷命怖令諸眾生離貧窮怖

令諸眾生離大壽怖令諸眾生離毀謗怖令諸眾生離輪回怖令諸眾生離大眾威德怖令諸眾生離諸死怖令諸眾生離惡趣怖令諸眾生離黑闇怖令諸眾生離冤憎會怖令諸眾生離愛別離怖令諸眾生離憎嫉怖令諸眾生離身心逼惱怖令諸眾生斷除憂悲苦惱怖又此畧明回向如普賢行經中偈云

清淨勇猛文殊尊 普賢勝得亦如是 彼二大士說回向 我當隨順而修學 十方三世諸如來 所說回向清淨教 我今積集諸善根 悉同最上普賢行 恭敬作禮品第十七 論曰此明次第禮敬諸佛增長福行當云何知如觀察世間經偈云 若一刹那頃 承事於諸佛 我說所得報 永離八無暇 形色極殊好 成就相莊嚴 安住佛法中 無復諸懈怠 是人於現生 受用皆充足 常為眾所尊 無病身光潔 後生長者家 尊崇無與等

廣興於惠施  
復作轉輪王  
人民咸善順  
威德力具足  
於一切時中  
得生忉利宮  
為帝釋天主  
若人於佛塔  
於俱胝劫中  
又復於佛塔  
於無量劫中  
堅固諸善根  
速得成菩提  
若於惡世中  
則為已親近  
是人於世間  
自在人中仙  
若人以花鬘  
後此人中沒  
乘上妙輦輿  
宮殿樓閣中  
有清淨池沼  
底布以金沙

珍寶無慳吝  
統御四天下  
國土皆豐樂  
七寶皆殊絕  
而勤修供養  
自在彌盧頂  
奉持清淨教  
合掌而右旋  
受福無窮盡  
發心而致禮  
離生盲跛雙  
具勇猛精進  
斯由禮佛塔  
向佛暫歸命  
百千俱胝佛  
最勝無過上  
端正無倫匹  
奉施於佛塔  
生三十三天  
珍寶而嚴飾  
天女常圍繞  
八德水盈溢  
琉璃玻璃岸

受上妙快樂  
從此天中沒  
於百千億劫  
常以妙花鬘  
為轉輪聖王  
大自在天子  
由作是施故  
以上妙細氎  
是人於世間  
又復以衣鬘  
遠離下種族  
眷屬常圍繞  
常得大國王  
或生天龍中  
具勇猛威神  
若國城種族  
是人以少香  
以決定信心  
所獲之功德  
永離諸垢穢  
除病惱憂悲  
得作轉輪王  
隨其所至處

惠命皆長久  
得生豪貴家  
受勝福無極  
處處而供養  
及帝釋天主  
世主大梵王  
獲如上功德  
施佛大導師  
義利皆成就  
持以施佛塔  
永不生於彼  
無別離苦惱  
供養而稱讚  
及世間智者  
福報無與等  
於世尊塔廟  
其微如芥子  
而興於供養  
今當聽我說  
堅固清淨心  
容儀極高爽  
具大智威德  
福力皆成就

若王若人民  
以上妙衣服  
是人於當生  
哥尸迦天衣  
常出適意香  
又復以金縷  
巧妙善安布  
後生於天中  
珍寶衆纓絡  
若人以妙幡  
隨彼所意樂  
當獲金色身  
上饌衆甘味  
又復以繒氎  
兜羅哥尸迦  
是人於當生  
離眷屬惱害  
上下悉端嚴  
不為火所燒  
若持一燈明  
由作是施故  
清淨心明了  
是人於後身

咸樂常尊奉  
奉施於佛塔  
身肢極光潔  
俱時而顯現  
聞者生歡悅  
織成殊勝衣  
師子衆形相  
所願無不果  
隨念於掌生  
懸施於佛塔  
往生諸佛國  
衆相悉具足  
咸樂持奉獻  
昔毘諸珍服  
作幢而施佛  
庫藏皆充溢  
堅固無量智  
衆樂常瞻奉  
及刀杖加害  
供養於佛塔  
獲壽命長久  
形色皆圓滿  
生金河淨刹

妙臂出光明菩薩學論卷第二十一 第七頁 有大堅固力第六頁  
 遊行於世間 而無諸恐怖  
 假使那由他 若干諸佛刹  
 芥子滿其中 稱量可知數  
 我說是福報 窮劫不能盡  
 以廣大繒蓋 持以施佛塔  
 是人不久得 具三十二相  
 常出妙光明 無比難思議  
 其光常晃耀 瑩徹若金河  
 猶俱蘇摩花 開敷相間飾  
 名稱普周徧 具殊特神通  
 受用無有邊 得最上安隱  
 常得諸天人 親近而承事  
 少欲具威儀 堅持於淨戒  
 住寂靜林中 樂修諸禪定  
 智惠無所減 不捨菩提心  
 知足無希求 等行於慈行  
 若人作音樂 供養人中尊  
 離煩惱憂感 獲聲相圓滿  
 眼目極明顯 諦視無雜亂  
 耳常聞妙聲 清淨心如悅  
 鼻高脩且直 嚴相皆具足  
 其舌常嫩滑 紅潤若珊瑚

音響如天人菩薩學論卷第二十一 第七頁 聞一俱眩量第六頁  
 離無舌醜報 永不生地中  
 最上殊勝身 端直無跛曲  
 常生善淨意 暫無少間斷  
 諸天人龍神 摩睺羅迦等  
 隨所行世間 安慰而守護  
 由作是施故 獲如上福報

大乘集菩薩學論卷第二十一  
 甲辰歲高麗國大藏都監奉  
 勅彫造

大乘集菩薩學論卷第二十一  
 校勘記

- 一 底本，麗藏本。
- 一 七一〇頁上三行「之餘」，徑、清作「之二」。
- 一 七一〇頁下九行「增長」，磧作「增長」。
- 一 七一二頁下一〇行「勝得」，磧、南、徑、清作「勝德」。
- 一 七一二頁下一四行「第十七」，徑、清作「第十七之一」。
- 一 七一二頁下一八行「端嚴」，磧、南、徑、清作「莊嚴」。

大乘集菩薩學論卷第二十二

恭敬作禮品第十七之餘

若人於我滅度後 而能修治佛塔廟  
 百千那由他劫中 山巍巍身相皆嚴好  
 最上適意旃檀香 合威宮殿及寶輿  
 雖獲勝報無所著 斯由修治於佛塔  
 於佛正教欲滅時 不生閻浮諸國上  
 隨其意樂住天宮 斯由修治於佛塔  
 厭患五欲諸垢染 安住清涼淨戒蘊  
 廣修梵行靡不周 斯由塗香於佛塔  
 從是滅已生天上 使樂豐饒不可量  
 復能教化諸天人 斯由塗香於佛塔  
 面貌圓滿常熙怡 所發言音生眾善  
 見者咸興愛敬心 斯由塗香於佛塔  
 遠離無邊惡道苦 常得親近諸如來  
 廣修淨業利群生 斯由塗香於佛塔  
 若人暫於剎那頃 能於佛塔拂塵網  
 是人之報難可量 永離八難生無難  
 勇猛聰惠悉明了 於五欲境無追來  
 常能出離諸輪迴 斯由淨心掃佛塔  
 具足禁戒無缺犯 聞深妙法生忻仰  
 永不退轉菩提心 斯由淨心掃佛塔

是人能於惡世中 大乘集菩薩學論卷第二十二 若依方 隨

積集廣大勝福惠 常離毀謗諸過失  
 獲得上味諸珍饈 斯由淨心掃佛塔  
 常覺妙觸適諸根 殊淨衣服所莊嚴  
 若於佛塔生歡喜 斯由淨心掃佛塔  
 由依十力大導師 而能除去諸萎華  
 形儀挺持世希有 得離五欲深怨害  
 王者常生愛敬心 眾所樂觀無厭捨  
 具足菩薩諸戒品 由去萎花於佛塔  
 意常明了遠癡迷 滅除一切險惡道  
 棄背煩惱諸障染 由去萎花於佛塔  
 於一切處獲輕安 永無病苦相纏縛  
 得受人中第一施 由去萎花於佛塔  
 清淨福惠莊嚴身 復以最上諸供養  
 又復持以新妙花 由去萎花於佛塔  
 而於佛塔換萎者 或曼陀羅鉢毗羅  
 若人能於諸佛塔 斯人當獲殊勝報  
 彼於佛德善稱揚 精勤合掌伸禮敬  
 諸天龍神摩睺羅 令其見者皆稽首  
 譬如妙花開世間 王及臣民生信重  
 由彼善說正法故 而能善說諸法要  
 令眾生離惡趣中 安住佛智無缺減  
 福力念惠皆具足 增長人天勝義利  
 眷屬勳勞多善順 眷屬勳勞多善順

我說是人於世間 大乘集菩薩學論卷第二十二 若依方 隨

隨其意樂心安隱 隨其意樂心安隱  
 常發柔和寂靜音 教諭群生使出離  
 於其富樂不生貪 斯由合掌禮佛塔  
 能行布施及愛語 利行平等亦復然  
 為他毀譽不生嗔 斯由合掌禮佛塔  
 或往天中為帝釋 或在世間作人王  
 所至自在悉隨心 斯由合掌禮佛塔  
 於諸欲境無耽染 與世豪貴常上足  
 永不墮於惡趣中 斯由合掌禮佛塔  
 所發言音甚善味 悉與經典善相應  
 常生人世上族中 斯由合掌禮佛塔  
 若以最上清淨心 盈掬持花散佛上  
 所獲之報得為王 安住如前興善利  
 彼於五欲能覺了 則無憂惱所逼迫  
 身相端嚴眾樂觀 自性寂靜亡諸怖  
 又如大悲經云阿難若有眾生能於  
 現在供養我者若我滅後供養舍利  
 芥子許者復能為我造立形像及塔  
 廟者阿難且置是事設使有人暫能  
 發起一淨信心緣念諸佛持以一華  
 散於空中而用供養是人當得轉輪  
 聖王帝釋天主大梵天王即能超越  
 前際無知及未來劫生死流轉阿難

大乘集法華學論卷第三 第四段

復置是事假使有人而於夢中能以一花散空供養我說是人以此善根所得福報不知其邊又娑伽羅龍王所問經云若菩薩親近諸佛則能獲得八種增上之法何等為八一者教化眾生觀佛妙相二者於如來所承事供養三者於眾會中讚佛勝德四者想念如來造立形像五者勸化眾生常不離佛六者隨所至處常聞佛名七者常願往生諸佛國土八者志不怯弱樂求佛智是為八種增上之法論曰復何增長殊勝義利謂於佛所起承事故當得菩提如華嚴經偈云無量億于劫 佛名難可聞 沉復得親近 永斷諸疑惑 如來世間明 通達一切法 普生三世福 令眾悉清淨 如來出世間 為世大福田 普道諸含識 令其集福行 若有供養佛 永除惡道畏 消滅一切苦 成就智惠身 若見兩足尊 能發廣大心 是人常值佛 增長智惠力

大乘集法華學論卷第三 第五段

是經復說

如來大慈悲 出現於世間 普為諸群生 轉無上法輪 如來無數劫 勤苦為眾生 云何諸世間 能報大師恩 寧於無量劫 受諸惡道苦 終不捨如來 而求於出離 寧在諸惡趣 常得聞佛名 不願生善道 暫時不聞佛 何故願久住 一切惡道中 以得見如來 增長智惠力 若得見於佛 滅除一切苦 能入諸如來 大智之境界 若得見於佛 捨離一切障 長養無盡福 成就菩提道 論曰暫見形像尚獲斯報況復親觀如來色相信受教誨得福甚多如信力入印經云文殊師利若有善男子善女人能於一切世界微塵數辟支佛所日日持以百味飲食上妙衣服於河沙劫而用供養文殊師利若復有人暫能瞻奉一畫佛像及諸經典此福勝前無量阿僧祇何況合掌持以

大乘集法華學論卷第三 第六段

一花或以一香及以涂香或燃一燈而以供養此福勝前無量阿僧祇

論曰此明方便增長功德如菩薩藏經云若能修治故舊佛塔當獲四種清淨大願一者最上色相無有與等二者受持經典精進無懈三者所生之處得見如來四者於當生身具足諸相是經復說若人能於如來塔所以眾名花及諸塗香恭敬供養而復獲得八種無減一者色相無減二者受用無減三者眷屬無減四者戒品無減五者定力無減六者多聞無減七者智惠無減八者勝願無減又如寶積經云假使眾生充滿三有各各造作如來塔廟其量高廣如須彌盧山於苑伽沙劫各以種種上妙供養若菩薩以不捨一切智心持以一花奉施彼塔所獲福蘊復過於彼是經復說假使三千大千世界所有眾生二皆得轉輪聖王安住大乘二輪王以大海量而為燈器等彌盧山而為燈炷各以如是供養佛塔若出家菩薩能以少油塗燃為燭持用供養

如來塔廟所得功德勝前燈施百分歌羅分乃至烏波尼利曇分不及其一又彼轉輪聖王能於現前佛比丘眾以諸樂具而用布施若出家菩薩常行乞食或有所得隨彼見者分以食之所獲功德勝前無比又彼轉輪聖王以袈裟服積如須彌能於現前佛比丘眾持用布施若出家菩薩於三衣外所有長物隨應奉施現前諸佛安住大乘諸比丘僧及如來塔其所得福倍前所施又彼轉輪聖王二各以滿閻浮提諸上妙花供養佛塔若出家菩薩能以一花施如來塔勝前供養百分歌羅分乃至烏波尼利曇分不及其一論曰若廣明行相如次第超越品說彼出家菩薩如是知已若能現前供養如來即獲四種賢善功德一者常得最上恭敬供養二者彼所見已隨順依學三者而能堅固大菩提心四者增長善根現前得見三十二種大丈夫相又海意菩薩所問經云復次海意有三種法名為供養承事如來何等為三一者發菩提心無有

退轉二者於諸正法而能攝持三者於眾所發起大悲又寶雲經說善男子菩薩成就十法處於胎藏垢穢不染何等為十一者以淨信心造如來像二者修治諸佛故舊塔廟三者以眾妙香而用塗飾四者持諸香水灌沐如來五者於佛塔中掃灑塗地六者親能承事所生父母七者親能供養和上閻梨八者常能供給同梵行者九者所行惠施不希其報十者以此善根令諸有情不染胎藏垢穢而生善男子若能具足如是十法則能發起深心隨喜如般若經云若菩薩摩訶薩安住大乘應當最初發心隨喜是諸菩薩能行是行則於大乘得不退轉佛言憍尸迦假使有人而能稱量三千大千世界可知其數此諸菩薩發心隨喜所得功德不可校計時帝釋天主白佛言世尊若諸菩薩從初發心乃至得成正等正覺而於其中所作無量隨喜善根若諸菩薩不聞不知亦不攝取當知是人為魔所持佛言憍尸迦若善男子

子善女人欲速證得如來應供正等正覺應於大乘發心隨喜然於聲聞辟支佛乘亦非愛樂亦非捨離而能共彼興隨喜心當知是人在所生處常值十善則能獲得供養恭敬尊重讚歎於所見色聲香味觸無不可意永離惡趣得生天上所以者何是人所作如其利益使諸眾生皆得快樂以是善根能令無量阿僧祇人發隨喜心當得阿耨多羅三藐三菩提是經復說須菩提假使燒伽沙數三千大千世界一切眾生皆發阿耨多羅三藐三菩提心一各於燒伽沙劫修四禪定安住寂靜離動亂想若菩薩摩訶薩脩習般若波羅蜜多能以方便善巧攝取過去未來現在諸佛所修定惠解脫解脫知見於緣覺乘及聲聞乘所有戒定惠解脫解脫知見如是等種種善根合集稱量以最上最極最勝最妙廣大無量無等等心皆悉隨喜復以如是隨喜善根迴向阿耨多羅三藐三菩提須菩提其所得福勝前菩薩修定功德不可

大乘集菩薩學論卷第三 第十張 一 應知

為比百分歌羅分乃至烏波尼剎曇  
分不及其一

論曰此說迴向行竟勸請功德如最  
上問經云若能攝受正法則為已於  
無量無數諸佛刹土護佛壽命  
念三寶品第十八

論曰明賢善行次第增福此非別因  
而能獲得謂於信等常當修習如秘  
密大乘經云佛言大王汝今當知有四  
種法若能於此如理行者則為安住  
大乘趣向勝道所有善法而無壞失  
何等為四大王一者謂信能向勝道  
復何名信以有信故能隨順諸聖  
種類所不應作而悉不作二者尊重  
能向勝道以尊重故於諸聖者所說  
妙法審諦聽受三者無慢能向勝道  
以無慢故則能於彼一切聖眾恭信頂  
禮四者精進能向勝道以精進故若  
身若心悉得輕安所作善法比皆得  
成辦

論曰此說於信常所修習如是別明  
信等五根如無盡意經說云何五根  
所謂信根進根念根定根惠根云何

大乘集菩薩學論卷第三 第十張 一 應知

信根謂於四法深忍樂欲一者於生死  
中行世正行信於業報由造業故彼  
報定有乃至失命終不作罪二者信  
樂菩薩所行正行不求餘乘不隨  
諸見三者於勝義中了知無我眾生  
壽者補特伽羅於空無相無願諸法  
深能信解四者於佛功德力無畏等

生決定信斷除疑網是名信根云何  
進根若法信根所攝是法勤勇無間  
是名進根云何念根若法進根所修  
是法終不忘失是名念根云何定根  
若法念根所攝是法一心不亂是名  
定根云何惠根若法定根所攝是法  
自所觀照不從他解是名惠根是五根  
者相續而起則能圓滿一切佛法

論曰復於信力等法常當修習如寶  
鬘經云善男子云何菩薩力行清淨謂  
於諸根無有怯弱一切惡魔不能動  
亂聲聞緣覺不能退轉一切煩惱不  
能破壞而能堅固安住大乘夙願滿足  
心淨勇猛密護身根得勝清淨  
論曰如是信等根力常能修習所修  
慈行增長功德如月燈經偈云

大乘集菩薩學論卷第三 第十張 一 應知

那由他億佛刹中 所有種種供佛具  
悉以供養諸如來 不及慈心一少分

大乘集菩薩學論卷第三十二

甲辰歲高麗國大藏都監奉

勅彫造

大乘集菩薩學論卷第二十二

校勘記

- 一 底本、麗藏本。
- 一 七一五頁上三行「之餘」，徑、清作「之二」。
- 一 七一五頁上八行「國上」，磧、南、徑、清作「國土」。
- 一 七一五頁上二〇行末字「來」，磧、徑作「求」。
- 一 七一五頁下一五行第一二字「亡」，磧、南、徑、清作「忘」。
- 一 七一六頁上二行「善根」，磧、南、徑、清作「善相」。
- 一 七一六頁中一二行第六字「滅」，徑作「滅」。
- 一 七一八頁上五行「壽命」，徑作「受命」。
- 一 七一八頁上六行「第十八」，徑、清作「第十八之一」。
- 一 七一八頁中二行第三字「世」，徑作「正」。

一 七一八頁中一八行「怯懦」，徑作「怯懦」。

大乘集菩薩學論卷第三十二 云

更護藏諸賢談論應緣無餘歸善信目昇等事 謹譯

念三寶品第十八之二

論曰由信等故則能緣念諸佛功德如護國尊者所問經得云

稽首調御真金色 面如滿月淨無垢  
 功德聖智實難思 於三有中無與等  
 牟尼螺髻紺青色 高顯清淨如須彌  
 眉間毫相普照明 鳥瑟柅沙無見者  
 如來目淨若青蓮 譬軍那花及珂月  
 憐憫觀眎諸有情 是故我今稽首禮  
 如來舌相類銅色 脩廣而能覆面輪  
 演甘露法潤群生 是故我今稽首禮  
 如來四十齒齊密 潔白堅利若金剛  
 出真實語發光輝 是故我今稽首禮  
 如來色相最殊特 威光照耀百千刹  
 釋梵護世及諸天 所有光明無復觀  
 如來雙腩逾塵王 冒臆廣袤如師子  
 俯視安行佇象王 大地山川俱震動  
 如來身相極端嚴 燦若金光而潤澤  
 於諸世間無比倫 衆生見者不厭捨  
 如來往昔百千劫 於所愛樂皆能施  
 慈悲哀念諸有情 是故我今稽首禮

大乘集菩薩學論卷第三十二

第三十二

如來志樂修諸度

戒檀忍進善堅固

禪定勝惠悉圓明

是故我今稽首禮

如來衆中師子吼

勇猛能摧諸異論

三毒垢穢盡無餘

是故我今稽首禮

牟尼三業超三有

譬若芙蓉不着水

迦陵頻伽淨妙聲

是故我今稽首禮

了知世間皆幻化

如俳優者易形色

亦如陽燄及夢中

無我無人無壽者

法本空寂無有生

不能悟解隨流轉

大慈普導諸群迷

方便隨機宣正法

觀察世間諸苦惱

貪等衆病鎮相縈

如來無上大醫王

各各對治令解脫

示生老死憂悲苦

愛別離等諸過患

牟尼救護於世間

咸令厭離皆除斷

地獄鬼畜險惡趣

諸有情輩隨輪轉

憫彼無親無道師

指示愚迷登正路

過去諸佛出世間

自在咸宜深法義

如是世尊同彼說

悉使衆生證聖道

佛聲深遠過梵天

響灑清徹生衆善

乳闍婆與緊那羅

所出樂聲比不現

積集清淨諸功德

演說無邊真實語

百千那由他衆生

聞已各發三乘意

若能供養於如來

當獲勝妙諸快樂

大乘集菩薩學論卷第三十二

第三十二

富貴自在衆所欽

後於世間為帝王

或作輪王御四洲

具足七寶皆殊異

常以十善利衆生

由於如來興淨業

或為忉利諸天主

或夜摩王觀史隨

乃至他化大梵天

皆因供養如來故

如是見佛供養已

及所聞法生信敬

皆能永斷諸苦因

得證寂靜離塵垢

世尊了知道非道

而能止惡感歸善

令諸衆生獲吉祥

咸皆安住於聖道

若人求福供養佛

常獲無盡勝福藏

於俱胝劫不可量

乃至當證菩提果

微妙刹土勝莊嚴

如他化天極可愛

隨其願力住其中

身口意業常清淨

如是種種妙福報

皆由供養於如來

是人雖處於世間

如受龍宮天上樂

如來具廣大名稱

一切刹土悉聞知

常於無邊大衆中

十方諸佛皆稱讚

永離世間諸熱惱

顯示大悲無與等

最上寂靜人中尊

是故我今稽首禮

我今獲得五神通

住立虛空伸讚歎

稽首勇猛大導師

分別諸法淨無垢

今於天人大集會

稱揚善逝諸功德

所有廣大勝福田

同與衆生成正覺

又如法集經說復次善男子諸佛世尊具大福智而為莊嚴以大慈悲為所行境於諸世間為救護者作大醫王善拔毒箭常住寂靜妙三摩地不著生死及與涅槃乃至於諸有情猶如父母以大慈心平等憐愍一切世間無有過者以相應智為世照明大智有情之所圍繞一切人民常樂承事遠離自樂息除他苦住持正法以法為主得法自在以法為食以法為藥以法為施一切皆捨以智揀擇常不放逸於險難處為作橋梁如王者道平坦無郭乃至清淨色身見者無厭諸佛世尊有如是等無量功德我當成就彼諸義利此說名為菩薩念佛云何念法菩薩了知諸佛世尊無邊功德皆從法生從法所化從法所得從法增上從法而有從法境界從法依止從法成就乃至所有世出世間諸快樂事亦從法生從法成就是故我求諸佛菩提應尊重法依法境界依法所歸依法決定依法堅固依法修行此說是名菩薩念法復次菩薩於諸眾生應

當平等而為說法以法無高下故我同彼法其心平等法無面從而為宣說以法無相黨故我同彼法其心平等法無時節而為宣說以法內心領受故我同彼法其心平等法非於勝而為宣說於其劣者不為宣說以法各能入解故我同彼法其心平等法非於淨而為宣說於不淨者不為宣說以法離染污故我同彼法其心平等又法非於聖人而為宣說於凡夫者不為宣說以法離諸見故我同彼法其心平等法非盡說而夜不說亦非夜說而晝不說以法常所加持故我同彼法其心平等法非調伏亦無違越以法無所取著故我同彼法其心平等法非滅失亦非增長以法如虛空故我同彼法其心平等法不厭眾生眾生能護法我同彼法其心平等法非求所歸與世作歸依我同彼法其心平等法無損惱以法離所害相故我同彼法其心平等法無怨嫉以法離諸結使故我同彼法其心平等法非怖輪迴亦不樂涅槃以法無分別故我同彼

法其心平等菩薩如是積集正念是為念法云何念僧此中復說是說法者是行法者是思惟法者是法福田者是任持法者是依止法者是供養法者是如法所作者是法境界者是法行處者是成就法者是自性所負直者是自性清淨者是隨順教誨者是發起大悲者是能揀擇智境界者是常修習白淨法者論曰菩薩如是念僧則能成辦一切眾生真實功德如無垢稱經偈云或示老病死 成就諸羣生了知如幻化 通達無有礙或現劫燒盡 天地皆洞然眾人有常想 照令知無常無數億眾生 俱來請菩薩一時到其舍 化令向佛道經書禁呪術 工巧諸伎藝盡現行此事 饒益諸羣生世間眾道法 悉於中出家因以解人惑 而不墮邪見或作日月天 梵王世界主或時作地水 或復作風火

菩薩地持論卷第十二第七跋

劫中有疾疫 現作諸藥草  
 若有服之者 除病消衆毒  
 劫中有飢饉 現身作飲食  
 先救彼飢渴 却以法語人  
 劫中有刀兵 爲之起慈悲  
 化彼諸衆生 令住無諍地  
 若有大戰陣 立之以等力  
 菩薩現威勢 降伏使和安  
 一切國土中 諸有地獄處  
 輒往到于彼 免濟其苦惱  
 一切國土中 畜生相食散  
 皆現生於彼 爲之作利益  
 示受於五欲 亦復現行禪  
 令魔心憤亂 不能得其便  
 火中生蓮花 是可謂希有  
 在欲而行禪 希有亦如是  
 或現作媼女 引諸好色者  
 先以欲鈎牽 後令入佛智  
 或爲邑中主 或作商人導  
 國師及大臣 以祐利衆生  
 諸有貧窮者 現作無盡藏  
 因以勸導之 令發菩提心  
 我心憍慢者 爲現大力士

北齊書卷第五十三

第八跋

消伏諸苦高 令住無上道  
 其有恐懼衆 居前而安慰  
 先以施無畏 後令發道心  
 或現離媼欲 爲五通仙人  
 開導諸羣生 令住戒忍慈  
 見須供事者 現爲作僮僕  
 既悅可其意 乃發以道心  
 隨彼之所須 得入於佛道  
 以善方便力 皆能給足之  
 如是道無量 所行無有涯  
 智惠無邊際 度脫無數衆  
 假令一切佛 於無數億劫  
 讚歎其功德 猶尚不能盡  
 菩薩修習供養功德如寶光明陀羅  
 尼經偈云  
 放大光明變莊嚴 種種微妙變雲海  
 如是妙變普周徧 廣大供養作佛事  
 放大光明香莊嚴 種種微妙香雲海  
 如是妙香普周徧 廣大供養作佛事  
 放大光明花莊嚴 種種微妙花雲海  
 如是妙花普周徧 廣大供養作佛事  
 放大光明瓔珞嚴 種種瓔珞妙雲海  
 如是瓔珞普周徧 廣大供養行佛事

大莊嚴經卷第三

第九跋

放大光明現寶幢 青黃赤白相間飾  
 種種珍寶共合成 而用莊嚴於佛刹  
 摩尼寶網色交映 懸衆繒幢以爲蓋  
 垂珠瓔珞演佛音 莊嚴而覆如來上  
 於如來伸供養 掌中涌施諸嚴具  
 無量諸佛亦同然 自在變現三摩地  
 神通智力妙難思 廣能化利諸含識  
 最上神變三摩地 而現百千方便門  
 於諸如來供養門 一切能捨布施門  
 杜多功德持戒門 無盡不動忍辱門  
 勤行勇猛精進門 安住寂靜禪定門  
 達諸義趣勝惠門 淨修梵行神通門  
 行四攝事歡喜門 積集福利他門  
 四諦緣生解脫門 修習根力勝道門  
 悟聲聞乘解脫門 觀緣覺乘清淨門  
 修最上乘神變門 或現無常苦惱門  
 了知無我壽者門 作不淨觀離貪門  
 證真常樂三昧門 如是種種方便門  
 平等普共諸衆生 皆能證彼解脫門  
 現諸形類應群機 神通說法難思議  
 隨順成熟諸有情 各生愛敬感安樂  
 常思出離世間因 求證清淨三摩地  
 若逢飢饉衆難時 隨其所欲而周給

廣能憐愍諸有情  
 及以上妙諸飲食  
 國城所愛悉能捐  
 或現身相極殊特  
 塗香巧妙衆花鬘  
 如是形色及威儀  
 為其方便演法音  
 或現迦陵頻伽聲  
 緊那羅衆妙鼓聲  
 佛出世間所宣說  
 如是分別諸法門  
 或現苦惱或快樂  
 隨宜引導令發心  
 或見障難諸危厄  
 當以勇悍大悲心  
 若處無有解脫法  
 以王福力其繫索  
 若離在家貪愛縛  
 於諸欲境盡蠲除  
 若能具足諸功德  
 牟尼妙行悉能修  
 壽命長遠不可涯  
 生老痛苦不能侵

顯示貪嗔諸過失  
 如是四相亦復然  
 如來十力四無畏  
 我今稱讚諸幻士  
 譬如種種諸幻士  
 如來出現於世間  
 能以權巧善方便  
 清淨意樂巨思議  
 或現戲論諸言詞  
 種種伎藝衆所觀  
 或為村營聚落主  
 或為輔相及宰臣  
 或於曠野作大樹  
 如意摩尼隨所須  
 或現所作諸事業  
 經營播植竟希求  
 或現究親無憎愛  
 洞明方藥濟群生  
 或演最上于尼法  
 令諸異道出家人  
 如是苦行諸外道  
 裸形離繫号沙門  
 或有常持捨身行

辯長長鬚童子戒  
 或有五熱而炙身  
 或有常被鹿皮衣  
 或有常樂天中智  
 唯食根果及清泉  
 或有蹲坐或翹足  
 執杖令心不異緣  
 乃至一一諸外道  
 化令永斷諸苦因  
 如是世間諸異見  
 我今為接彼邪徒  
 或演大乘微妙句  
 或現直說顯了句  
 或以文字分別句  
 以智摧諸異論句  
 或示人中明呪句  
 諸龍夜叉乾闥婆  
 緊那羅與識噲如等  
 各能入解彼言詞  
 謂由得悟真實義  
 語言智境妙難思  
 謂由獲彼三摩地  
 其光攝化諸機宜

大乘集菩薩學論卷第三

第三張 六

或放光明名善見

衆生蒙光而起信

悉能觀察衆善因

具之不空無上智

由是光明普照已

獲觀無邊佛法僧

如來塔廟衆靈護

二稱揚伸供養

又放光明名勝燈

其光晃耀無能比

爲欲嚴淨於世間

能破微塵諸黑暗

彼光照曜衆生已

各各持燈而奉獻

如來供養不思議

復以衆燈而用施

或以酥燈及油燈

或以松脂及竹葦

乃至衆香妙寶燈

施已願授然燈記

又放光明名鈎召

悉能警覺諸有情

由斯教誨彼群迷

解脫輪回愛有海

如是慈光普照已

各使衆生得開悟

當令永離四瀑流

現除憂惱常安樂

大乘集菩薩學論卷第二十三

甲辰歲高麗國大藏都監奉

勅彫造

大乘集菩薩學論卷第二十三

校勘記

- 一 底本，麗藏本。
- 一 七二〇頁下一行末字「王」，磧、南、徑、清作「主」。
- 一 七二〇頁下九行「令諸衆生獲吉祥咸皆安住於聖道」，磧、南、徑、清無。
- 一 七二二頁中五行末字「勝」，磧、南、徑、清作「勝者」。
- 一 七二二頁中一二行第五字「盡」，磧、南、徑、清作「盡」。
- 一 七二二頁下四行第二字「任」，磧、南、徑、清作「住」。
- 一 七二二頁中一三行「猶尚」，南、徑、清作「亦復」。
- 一 七二二頁中一四行第一〇字「寶」，磧、南、徑、清作「害」。
- 一 七二三頁上一七行第五字「其」，磧、南、徑、清作「具」。

大乘集菩薩學論卷第二十四 六

念三寶品第十八之三

諸有道路河流處 能建橋梁及桁筏  
 普為利樂諸眾生 稱讚寂靜令忻悟  
 放大光明除渴愛 此光能覺諸含識  
 令其捨離於五欲 專求解脫深妙法  
 若能捨離於五欲 專求解脫深妙法  
 則能以佛甘露雨 普滅世間諸渴愛  
 惠施池井及泉流 勤求無上菩提道  
 毀此五欲讚禪定 是故光名除渴愛  
 放大光明名作變 此光能覺諸眾生  
 見者令慕佛菩提 發心願證無師智  
 造立如來大悲像 眾相莊嚴處蓮座  
 常歎最勝佛功德 是故此光名作愛  
 放大光明名忻樂 此光能覺諸眾生  
 令其心樂於諸佛 及以樂法樂眾僧  
 若常心樂於諸佛 及以樂法樂眾僧  
 則在如來聖會中 建成無生深法忍  
 開悟眾生無有量 普使念佛法僧寶  
 及示發心功德行 是故此光名忻樂  
 放大光明名福聚 此光能覺諸眾生  
 令其脩習種種施 以此願求無上道

設大施會無遮限 諸來乞者皆滿足  
 不令其心有所乏 是故此光名福聚  
 放大光明名具智 此光能覺諸眾生  
 於一法門了多法 於多法門剎那解  
 為諸眾生分別說 使了知真實義  
 善能廣說無損減 是故此光名具智  
 放大光明名惠燈 此光能覺諸眾生  
 令知眾生性空寂 一切諸法無所有  
 法無主宰本來空 如幻陽焰水中月  
 亦如夢境及影像 是故此光名惠燈  
 放大光明名法自在 此光能覺諸眾生  
 令得無盡隨羅尼 悉持一切如來藏  
 恭敬供養持法者 給侍守護如諸仙  
 以種種法施眾生 是故此光名法自在  
 放大光明名具捨 此光覺悟慳眾生  
 令知財富悉無常 樂行惠施而無悞  
 善能調伏被慳者 了財如夢如浮雲  
 增長惠施清淨心 是故此光名具捨  
 放大光明名除熱 此光能覺毀禁者  
 普令安住清淨戒 發心願證無師智  
 勸勵眾生咸奉持 十善業道常清淨  
 復令發趣菩提心 是故此光名除熱  
 放大光明名忍嚴 此光覺悟多嗔者

令除忿恚及我慢 樂脩忍辱常柔和  
 眾生暴惡難行忍 為菩提故心不動  
 稱揚最上忍功德 是故此光名忍嚴  
 放大光明名勤勇 此光覺悟懶惰者  
 令彼常於三寶中 恭敬供養無疲歇  
 若彼常於三寶中 恭敬供養無疲歇  
 則能超出四魔境 速成無上佛菩提  
 勸諸眾生發精進 常於三寶伸供養  
 法欲滅時專護持 是故此光名勤勇  
 放大光明名寂靜 此光能覺亂意者  
 令其遠離貪憂癡 心不動搖棲正定  
 捨離一切惡知識 無義談說雜染行  
 讚歎禪定阿蘭若 是故此光名寂靜  
 放大光明名惠嚴 此光覺悟愚迷者  
 令其證諦解緣起 諸根智惠悉通達  
 若能證諦解緣起 諸根智惠悉通達  
 則得日燈三摩地 智惠光明成佛果  
 國財及已皆能捨 為菩提故求正法  
 聞已為眾廣開演 是故此光名惠嚴  
 放大光明名佛惠 此光覺悟諸含識  
 令見無量百千佛 各各坐寶蓮花上  
 讚佛威德及解脫 說佛自在諸神通  
 顯示佛力妙難思 是故此光名佛惠  
 放大光明名無畏 此光照觸除諸怖

大華嚴經疏論卷第三十四 第四卷 七 佛

非人捶打所執縛 一切災難皆令滅  
 於諸衆生施無畏 遇有怖害皆能止  
 拯濟厄難孤窮者 是故此光名無畏  
 放大光明名安隱 此光能照疾病者  
 令除一切諸苦痛 悉得勝定三昧樂  
 施以良藥救衆患 妙寶延命香塗體  
 掌中涌現諸飲食 是故此光名安隱  
 放大光明名見佛 此光覺悟將死者  
 隨其憶念見如來 命終得生其淨國  
 見有臨終勸念佛 又示尊像令瞻敬  
 俾於佛所深歸仰 是故此光名見佛  
 放大光明名樂法 此光能覺諸群生  
 令於正法常欣樂 聽聞讀誦及書寫  
 法欲盡時能演說 令求法者意充滿  
 於法愛樂勤脩習 是故此光名樂法  
 放大光明名妙音 此光開悟諸菩薩  
 能令三界所有聲 聞者皆是如來音  
 以大音聲稱讚佛 及施鈴鐸諸音樂  
 普使世間聞佛音 是故此光名妙音  
 放大光明名甘露 此光開悟諸衆生  
 令捨一切放逸行 具足脩習諸功德  
 謂有為法非安隱 無量苦惱悉充遍  
 常樂稱揚寂滅樂 是故此光名甘露

大華嚴經疏論卷第三十四 第五卷 六

放大光明名最勝 此光開悟諸衆生  
 令於佛所普聽聞 戒定智慧增上法  
 常樂稱讚大牟尼 勝戒勝定及勝惠  
 如是為求無上道 是故此光名最勝  
 放大光明名寶嚴 此光能覺諸群生  
 令得寶藏無窮盡 以此供養諸如來  
 以諸種種上妙寶 奉施於佛及佛塔  
 亦以惠施諸貧乏 是故得成此光明  
 放大光明名香嚴 此光能覺諸衆生  
 令其聞者悅可意 定當成佛功德  
 人天妙香以塗飾 供養一切最勝主  
 亦以造塔及佛像 是故得成此光明  
 放大光名妙莊嚴 寶幢幡蓋無央數  
 焚香散花奏衆樂 城邑內外皆充滿  
 由以微妙伎樂音 衆香妙花幢蓋等  
 種種莊嚴供養佛 是故得成此光明  
 放大光明名嚴淨 令地平坦猶如掌  
 莊嚴佛塔及其處 是故得成此光明  
 放大光明名大雲 而能密布雨香水  
 由以香水灑佛塔 是故得成此光明  
 放大光明名嚴具 令裸形者得上服  
 嚴身妙物而為施 是故得成此光明  
 放大光明名上味 能令飢者獲美食

大華嚴經疏論卷第三十四 第六卷 六 若

以衆珍饌而為施 是故得成此光明  
 放大光明名勝財 令貧乏者獲寶藏  
 以無盡物施三寶 是故得成此光明  
 放大光明名淨眼 能令盲者見衆色  
 以燈施佛及佛塔 是故得成此光明  
 放大光明名淨耳 能令聾者悉善聽  
 作樂施佛及佛塔 是故得成此光明  
 放大光明名淨鼻 昔未聞香皆得聞  
 以香施佛及佛塔 是故得成此光明  
 放大光明名淨舌 能除底惡不善語  
 由以美音稱讚佛 是故得成此光明  
 放大光明名淨身 令根缺者皆具足  
 以身禮佛及佛塔 是故得成此光明  
 放大光明名淨意 令失心者得正念  
 由脩三昧自在力 是故得成此光明  
 放大光明名淨色 難思妙相咸令觀  
 妙華供佛及佛塔 是故得成此光明  
 放大光明名淨聲 觀聲緣起如谷響  
 了知聲性本來空 是故得成此光明  
 放大光明名淨香 令諸臭穢悉香潔  
 香水浴佛及佛塔 是故得成此光明  
 放大光明名淨味 能除一切味中毒  
 常供佛僧及父母 是故得成此光明

放大光明名淨觸 能令硬觸皆柔軟  
 戈鋌劍戟徒空兩 皆令變作妙花鬘  
 以昔曾於道路中 塗香散花布衣服  
 迎奉如來蹈其上 是故得成此光明  
 放大光明名淨法 能令身諸毛孔中  
 悉演難思妙法門 聽者咸欣蒙解脫  
 自性無生從緣起 法性常住等虛空  
 了知佛身即法身 是故得成此光明  
 如是等比光明門 如微塵數無有量  
 悉從大仙毛孔出 所作事業各差別  
 如一毛孔所放光 由若虛空微塵數  
 一切毛孔悉亦然 此是大仙三昧力  
 如彼所脩諸功德 隨其宿緣同梵行  
 今放光明故如是 此是大仙智自在  
 往昔同脩勝福業 能生愛樂皆隨喜  
 於今所作亦復然 是故得成此光明  
 若有自脩眾福業 數數供養於諸佛  
 復於佛德常勤求 由此光明所開覺  
 譬如生盲不見日 非謂無日出世間  
 諸有目者悉了知 各隨所務而脩作  
 大士光明亦如是 有智惠者皆悉見  
 凡夫邪信劣解人 於此光明莫能觀  
 摩尼宮殿及寶輿 妙寶靈香以塗瑩

具有勝福咸自然 非無德者能安處  
 大士光明亦如是 有深智者咸蒙照  
 邪信劣解凡愚人 無有能得斯光矚  
 若有聞此光差別 能生清淨深信解  
 永斷一切諸疑網 速成無上功德幢  
 復現最上三摩地 眷屬莊嚴皆自在  
 十方一切國土中 佛子眾會皆圍繞  
 有妙蓮華光莊嚴 量等三千大千界  
 其身端坐悉充滿 現此三昧神通力  
 復有十刹微塵數 妙寶蓮華所嚴飾  
 諸佛子等住其中 是此三昧威神力  
 宿世成就善因緣 具足脩行佛功德  
 如是眾會所圍繞 悉共合掌觀無厭  
 童子身中入三昧 於盛年身從定起  
 盛年身中入三昧 於老年身從定起  
 老年身中入三昧 於近事女身從定起  
 近事女身入三昧 於近事男身從定起  
 近事男身入三昧 於比丘尼身從定起  
 比丘尼身入三昧 於比丘身從定起  
 比丘身入三昧 於學無學身從定起  
 學無學身入三昧 於緣覺身從定起  
 緣覺身入三昧 現如來身從定起  
 如來身入三昧 於諸天身從定起

諸天身中入三昧 於大龍身從定起  
 大龍身中入三昧 於夜叉身從定起  
 夜叉身中入三昧 於部多身從定起  
 部多身中入三昧 一毛孔中從定起  
 一毛孔中入三昧 一切毛孔從定起  
 一切毛孔入三昧 一毛端頭從定起  
 一毛端頭入三昧 一切髮端從定起  
 一切髮端入三昧 一微塵中從定起  
 一微塵中入三昧 於一切塵從定起  
 一切塵中入三昧 於金剛際從定起  
 金剛際中入三昧 於摩尼寶從定起  
 若摩尼寶入三昧 佛光明中從定起  
 若佛光中入三昧 於水大中從定起  
 若水大中入三昧 於火大中從定起  
 若火大中入三昧 於風大中從定起  
 若風大中入三昧 於地大中從定起  
 若地大中入三昧 於天宮殿從定起  
 若天宮殿入三昧 於空起定心不亂  
 是名不思議解脫 自在功德三摩地  
 十方所有諸如來 於無量劫說不盡  
 一切如來共宣說 眾生業報龍變化  
 諸佛自在大神通 及入定力不思議  
 聲聞心住八解脫 能以一身現多身

大乘集菩薩學論卷第二十四 第三十五 六

復以多身為一身 於虛空中入火定  
 彼不具足大慈悲 不為眾生求佛道  
 尚能現此難思議 何況廣大饒益者  
 譬如日月遊虛空 其光普遍十方處  
 泉池陂澤器中水 泉竇河海靡不現  
 菩薩色像亦復然 十方普現不思議  
 此皆三昧自在力 唯有如來能現證  
 海中有神名善音 其音普順海眾生  
 所有語言皆辯了 令彼一切悉歡悅  
 彼神具有貪恚癡 猶能善解諸言說  
 況復摠持自在力 而不能令眾歡喜  
 譬如幻師善幻法 能現無邊巧事業  
 須臾示作日月歲 城邑豐饒大安樂  
 幻師具有貪恚癡 猶能幻力悅世間  
 況復解脫諸禪定 而不能令眾歡喜  
 羅睺阿脩羅變現 蹈金剛際海中立  
 海水雖深沒半身 首與須弥正齊等  
 彼有貪欲嗔恚癡 尚能現此大神變  
 況復降魔照世燈 而無自在威神力  
 天與脩羅鬪戰時 帝釋神力得自在  
 隨其軍眾之數量 現身為等彼無敵  
 諸阿脩羅作是念 釋提桓因來向我  
 必取我身五種縛 由是彼眾悉憂怖

大乘集菩薩學論卷第二十四 第三十六 六

帝釋現身有千眼 手執金剛出火焰  
 被甲持杖具威嚴 脩羅遙見咸退伏  
 彼由微小福力故 猶能摧破大惡敵  
 何況救度一切者 豈於功德不自在  
 如風興雲降大雨 亦能息滅諸雲氣  
 亦能成熟諸苗稼 亦能安樂諸群生  
 彼不能學波羅蜜 亦不學佛諸功德  
 猶成不可思議事 何況具足諸願者  
 論曰菩薩諸有所作皆為利樂諸眾生故  
 自餘別明增長福因如寶雲經偈云  
 若諸菩薩 嚴持香花 奉獻如來  
 及佛塔廟 以此回向 願諸眾生  
 離破戒垢 得佛戒香 若諸菩薩  
 以淨香水 掃灑塗地 以此回向  
 願諸眾生 離惡威儀 脩善法式  
 救肅圓滿 若諸菩薩 嚴持花蓋  
 而以奉獻 以此回向 願諸眾生  
 離煩惱熱 若入伽藍 發如是心  
 令諸眾生 入涅槃城 出伽藍時  
 發如是心 願令眾生 越生死獄  
 若開戶牖 發如是心 願令眾生  
 開聖智門 若閉戶牖 發如是心  
 願令眾生 閉惡趣門 若安坐時

大乘集菩薩學論卷第二十四 第三十七 七

發如是心 願令眾生 坐菩提場  
 右脇卧時 發如是心 願令眾生  
 安住涅槃 從卧起時 發如是心  
 願令眾生 離纏蓋障 若往便利  
 發如是心 願令眾生 趣大覺路  
 正便利時 發如是心 願令眾生  
 拔三毒箭 若洗淨時 發如是心  
 願令眾生 洗煩惱垢 若洗手時  
 發如是心 願令眾生 離穢濁業  
 若洗足時 發如是心 願令眾生  
 離障塵空 嚼齒木時 發如是心  
 願令眾生 捨諸垢染 又彼菩薩  
 若身所作 一切善業 持以回向  
 利益安樂 一切眾生 若禮如來  
 及佛塔廟 發如是心 願令眾生  
 常得人天 之所禮敬

大乘集菩薩學論卷第二十四

甲辰歲高麗國大藏都監奉

勅彫造

大乘集菩薩學論卷第二十四

校勘記

- 一 底本，麗藏本。
- 一 七二五頁上二行譯者，〔磧、南作「西天譯經三藏朝散大夫試鴻臚少卿宣梵大師賜紫沙門臣日稱等奉詔譯」；〔徑、清作「宋西天三藏朝散大夫試鴻臚少卿宣梵大師日稱等奉詔譯」。
- 一 七二五頁上六行「光名」，〔磧、南、徑、清作「光明」。
- 一 七二五頁中一行「光名」，〔徑、清作「光明」，次頁中一三行同。
- 一 七二六頁下八行「得聞」，〔徑、清作「能聞」。
- 一 七二七頁上一一行第八字「由」，〔磧作「山」；〔南、徑、清作「出」。
- 一 七二八頁上五行第六字「中」，〔南、徑、清作「內」。

大乘集菩薩學論卷第二十五云

念三寶品第十八之四

西晉譯經大師鳩摩羅什譯 後漢書 卷四十四 日南傳 譯

論曰謂諸菩薩或以因緣遇諸難事正念對治不生驚怖如般若經說復次舍利子若菩薩摩訶薩設於惡獸難中不生驚惱亦無怖畏何以故是菩薩即作是念我當利益諸眾生故一切皆捨若諸惡獸欲啖我者我當施與速得圓滿施波羅蜜願我當成阿耨多羅三藐三菩提時國土清淨不聞諸惡蟲獸之名復次舍利子若菩薩摩訶薩於怨賊難中不生驚惱亦無怖畏何以故是菩薩若已所有皆悉能捐即作是念若諸怨賊來欲所須我當與之乃至劫取斷我命根身語意業亦無嗔恨速得圓滿戒波羅蜜及得具足忍波羅蜜願我當成阿耨多羅三藐三菩提時國土清淨不聞如是怨賊之名復次舍利子若菩薩摩訶薩於渴乏難中亦無怖畏何以故是菩薩得法利益而無憂惱即作是念我今當為

大乘集菩薩學論卷第二十五 第三十二 六

一切眾生宜說法要斷除渴愛設我此身為渴所逼趣命終者復於後世起大悲心嗟此眾生薄福德故還復生此無水難中令修正行具足勝惠而能圓滿精進波羅蜜多願我當得阿耨多羅三藐三菩提時國土清淨不聞如是渴乏之名其中眾生具足福德自然而有八功德水復次舍利子若菩薩摩訶薩於飢饉難中不生驚怖何以故是菩薩被精進鎧堅固無懈作如是念今此眾生受飢饉苦深可憐愍願我當成阿耨多羅三藐三菩提時國土無有飢饉之名所化眾生適悅安隱如忉利天自然快樂一切所欲隨心即現壽命堅固安住寂靜

大乘集菩薩學論卷第二十五 第三十三 六

論曰如是所作則能增長廣大福因最上境界亦同清淨經中所說若以法施不生希望所獲勝報見深心教戒經若人不希名聞財利能以法施獲二十種慈心功德一者安住正念二者能生覺悟三者發趣勝道四者任持諸善五者增長惠命六者達出世智七者除貪過失八者除嗔過失九者除癡過失十者魔不得便十一者諸佛加持十二者諸天守護容色光澤十三者非人惡友不得其便十四者善友知識常所愛敬十五者所言真實十六者得無所畏十七者意常悅豫十八者善名流布十九者明記無忘二十者常樂法施此說是名慈心功德又般若經云復次阿難若聲聞人以聲聞法普為三千大千世界一切眾生如其所證而為演說悉令獲得阿羅漢果阿難若菩薩摩訶薩能以般若波羅蜜多相應句義為一眾生開示演說過前三千大千世界一切眾生證阿羅漢漢所得功德又復於彼諸阿羅漢積集布施持戒功德於意云何是為多不阿難白言甚多世尊甚多善逝佛言阿難彼福雖多不如菩薩以此般若波羅蜜多相應法門為他演說其福勝彼又菩薩摩訶薩於此般若波羅蜜多甚深法門能一日中為人分別如是乃至一時刻一須臾頃

善宣說者阿難彼菩薩如是法施不  
可以聲聞緣覺所有善根而相比喻  
何以故是菩薩摩訶薩於阿耨多  
羅三藐三菩提得不退轉故又以法  
施如妙法蓮華經偈云

菩薩有時入於靜室以正憶念  
隨義觀法 菩薩常樂 安隱說法  
於清淨地 而施床座 以油漆身  
澡浴塵穢 著新淨衣 內外俱淨  
安處法座 隨問為說 若有比丘  
及比丘尼 除懶惰意 及懈怠想  
離諸憂惱 慈心說法 晝夜常說  
無上道教 以諸因緣 無量譬喻  
開示眾生 咸令歡喜 衣服卧具  
飲食醫藥 而於其中 無所希冀  
但一心念 說法因緣 願成佛道  
令眾亦亦 是則大利 安樂供養  
是經復說以順法故不多不少乃至深  
愛法者亦不為多說又月燈經偈云  
若老病宿請問 欲求於法施  
應先謂彼言 我學智不廣  
又復作是說 尊者其聰惠  
豈於大德前 而能輒宣說

說時勿倉卒 當擇器非器  
既審其機已 不請亦為說  
若於大眾中 見諸毀禁者  
勿復歎持戒 當歎施等行  
若見少欲者 與持戒相應  
起於大悲心 讚少欲持戒  
得彼勝儔侶 便可讚持戒

論曰如是法師應當澡浴著新淨  
衣以慈脩身為眾演說一切魔羅  
不得其便見海意經陀羅尼  
恒執 他引設彌 設摩縛底 三  
設彌多設咄嚕 益醯哩 摩 羅  
吟底 葛囉 賦 枳 踰哩 烏  
竭縛底 九烏呼 葛野底 尾輸  
馱你 你哩摩 梨 摩羅 鉢那  
曳 烏渴哩 渴哩 誡囉 細  
鉢囉 薩你 係 目契 阿 目  
契 設曳多 你薩哩 縛 恒囉 二  
誡囉 賀滿馱那 你 屹哩 係  
多薩哩 波囉 鉢囉 縛 祢那  
尾目訖多 摩 囉播 舍 塞他  
引必多 沒馱母捺囉 三 母捺伽  
引 底多薩哩 摩囉 阿都利

多鉢捺鉢哩 祢 尾誡囉底  
薩哩 摩 囉 葛哩摩 尼  
彼說法師以此真言作持誦已處于  
法座普觀眾會廣運慈心當於已  
身起醫王想如法藥想於聽法者  
起病人想於諸如來起正士想於正  
法眼起久住想由此真言現前施作  
於正理法如應為說是時周而百由  
旬內諸魔天眾悉不能來作諸魔  
事設諸魔王至法會所亦復不能  
作諸障難

論曰如是平等法施則能增長大善  
提心如寶篋經云文殊師利譬如林  
木枝葉繁茂皆因四大而得生長文  
殊師利如是菩薩以種種門集諸善  
根一切皆攝在菩提心於一切智回向  
菩提以為增長  
論曰若諸菩薩為欲廣大顯示修學  
佛之境界最初安住正念正知如是  
則能成就正斷及不放逸謂由發起  
精進樂欲而於未生惡不善法防護  
不起於其已生惡不善法則能永  
斷使令清淨未生善法令其發起已

大樂集菩薩學論卷第五 第七法云云

生善法更復增長於不放逸而常安住諸善法中此為根本如月燈經偈云

如我所說諸善法 謂戒聞捨及忍辱 以不放逸為根本 是名善逝最勝財 云何名放逸謂於邪教及惡朋友虛妄推求而得生起如人執持玉所飲藥盛滿器中行險滑路當知是人恐怖憂惱何有放逸又如來秘密經說云何不放逸謂能最初攝諸根眼見色等不取於相不着於好如是乃至意法亦然了知是已皆不取着不生染愛常求出離又於自心善調伏已亦能隨應攝護他心善能息彼煩惱染愛此名不放逸若人信解不放逸法則能隨順諸精進事亦復積集淨信功德由修淨信及不放逸精進法故則能修作正念正知以正念正知故則於一切菩提分法而不壞失若具淨信不放逸精進正念正知者則能勤修深固之法菩薩若於深固法中善了知者則能於有於無如實覺了乃至於世俗諦中說眼等為有彼經偈云

大樂集菩薩學論卷第五 第八法云云

常不放逸甘露法 利眾生發菩提心 深固寂靜心亦然 諸樂根本無所取 論曰若能積集諸相應行則於自他增長勝福而說頌曰

學自他平等 堅固菩提心 對自成於他 展轉無有實 亦猶立彼岸 由此而對待 彼既本來無 我性何所有 若苦不防護 則為苦所着 如是行法者 云何而不護 起邪妄分別 執我以為常 若我本如然 何現有生滅 彼若別有生 為誰修福業 營求於財利 及受諸快樂 現見身衰老 不久而殞滅 復生為嬰兒 童子及年少 於剎那時分 速朽而變壞 何處名為身 爪髮皆離散 初識託母胎 生已為孩孺 盛年衰老相 最後為灰燼 此明身自性 分位假安布 畢竟無一塵 形相那又住 又復此身者 不說當自知

大樂集菩薩學論卷第五 第九法云云

為異相所遷 思惟我何有 由分位和合 世俗而顯現 於佛正理中 隨相應所斷 彼若無有識 則不能建立 亦無貪恚癡 云何有功德 餘九種世間 各各有三種 無識為衣等 何能生彼樂 衣不能生樂 當知從因生 若樂生於衣 彼相何曾有 是故正教理 說諸行無常 現證及思惟 由因緣和合 見自己眷屬 云何說有常 於方所推求 無一微塵許 如燃燈油盡 彼油知何往 如是觀察已 剎那不可住 聚集諸眷屬 叢飾而行列 妄計為我有 於樂他何知 了知彼眾生 無一可積集 自他既有殊 於苦亦無得 如是不相應 彼我何處有 或如自力能 數數而開示 世間諸眾生 多苦常逼切 當起大悲心 為憐愍於彼

善作是觀察 假使入阿鼻 為令諸有情 自不樂解脫 作是利益已 亦無有疲勞 若十方福聚 不生嫉妬心 又復若自他 勸請佛世尊 作如是迴向 隨其福所施 菩薩行是行 增長大悲心 得彼金剛手 常作於護持 是法王之子 住菩提心車 衆生善修習 故我無所着 若人為愛縛 煩惱由之生 若火燒衆生

平等而揀度 如鷲之蓮沼 常處歡喜海 救彼常無厭 而不生恃賴 不希於果報 彼我定獲得 他樂同已想 同修於懺悔 及隨喜福業 平等無差別 無盡衆生界 則多所饒益 獲最上安隱 及諸佛世尊 群魔咸驚悸 諸天咸讚揚 善遊履勝道 息除自他苦 一切皆當捨 則苦無窮極 損壞徒後悔 熾然皆普遍

下至爪分量 謂一切我愛 燒然使無餘 樂妻子眷屬 思惟因緣生 諸有具智人 了知身志心 謂常無有常 自得於菩提 不思以世法 法藥及佛像 以惠自揀擇 攝護於己財 或自身他身 如是皆令得 衆生於欲境 如蛇處窟穴 猶如淨良田 能除飢熱惱 若人不遠離 所說亦無誠 彼既失自利 於是不生嘆

於已亦無樂 第一之苦本 為利諸含識 畢竟皆棄捐 於身亦無愛 於彼二比捨 剎那差別起 離垢本無垢 彼亦成正覺 而利於衆生 如是我當施 所作事相應 積已而能散 若少苦多苦 諸上妙快樂 防護生障惱 畢竟令清淨 成熟諸稼穡 滿足其福報 名利及五欲 於彼不須怒 怒之忍何有 利他而不斷

善行真實忍 已物為他侵 以方便思惟 自既非受用 如是彼佛子 了諸根境界 念彼忿恚者 自性離調柔 又彼五大種 乃至任有情 若利生無懈 故我勤修習 至虛空究竟 我住利衆生 身為阿闍梨 不問自力能 若自作苦惱 隨自師了知 住大悲境界 常近事修學 見癡狂盲者 或墮險道中 為尋求彼故

如觀麝有香 返遭獵者損 無主宰快樂 彼何無教誨 念念除煩惱 譬若大瘡疤 饒益而開誘 處苦樂何得 示之以強名 皆成於義利 則不造諸惡 六界無衰惱 及世間邊際 令智心成熟 善學離諸苦 何所非防護 何因生恐怖 我慢諸過失 不貪於果報 平等何有我 行步多錯悞 自他常憂惱 同難而揀護

大乘集菩薩學論卷第二十五

第三段六

如是行相應 則見大功德  
 我過失非一 其深如巨海  
 若自他復造 何由得解脫  
 若彼善教誠 著恥諸過咎  
 常頂受他言 一切皆當學  
 聞彼過生怖 慎勿於餘說  
 彼我心命同 若喜則無恥  
 諸煩惱冤敵 我獨能鬪戰  
 若此於心中 損壞無安隱  
 歸命觀自在 大悲無上等  
 紺髮簇旋螺 復如鬘垂下  
 於十方刹土 指端流乳海  
 救地獄鬼趣 輪回諸極苦  
 復於善衆生 亦尋聲救護  
 婆維阿修羅 得脫彼冤害  
 極最勝莊嚴 世所未曾覩  
 愚智諸有情 瞻奉咸忻慶  
 又復虔信禮 妙吉祥大士  
 所集正法藏 能利樂世間  
 無比大醫王 善消諸毒難  
 施樂及壽命 故我今稽首  
 無邊苦熱惱 現廣大清泉  
 令衆悅其心 當除諸渴愛

大乘集菩薩學論卷第二十五

第四段六

十方諸世界 各現劫羅波  
 衆生滿所求 普現青蓮目  
 無量諸菩薩 稱讚身毛鬘  
 歸命文殊尊 最勝無過上  
 一切希有菩薩行 結集所有諸功德  
 自他當獲福無窮 皆作文殊真佛子  
 書寫此正法 我所有微善  
 為愍有情故 令增長勝惠  
 諸法從緣生 緣謝法即滅  
 我師大沙門 常作如是說  
 大乘集菩薩學論卷第二十五

甲辰歲高麗國大藏都監奉  
 勅彫造

大乘集菩薩學論卷第二十五

校勘記

- 一 底本，麗藏本。
- 一 七三〇頁上二行譯者，徑、清作「宋西天三藏朝散大夫試鴻臚少卿宣梵大師日稱等奉詔譯」。
- 一 七三三頁上末行首字「若」，南、徑、清作「苦」。
- 一 七三四頁中九行第七字「謝」，磧作「慧」；南、徑、清作「盡」。